

Հ. Էնդերեկյան

ՍՈՎԵՏԱԿԱՆ ԻՇԽԱՆՈՒԹՅԱՆ ՀԱՂԹԱՆԱԿԸ ՀԱՅԱՍՏԱՆՈՒՄ

Հոկտեմբերյան Սոցիալիստական Մեծ Ռեվոլյուցիան նոր դարաշրջան բացեց մարդկության պատմության մեջ:

Ծեղքելով իմպերիալիզմի ճակատը Ռուսաստանում, իշխանությունը հանձնելով բանվոր դասակարգին, Հոկտեմբերյան ռեվոլյուցիան սկիզբ դրեց պրոլետարական ռեվոլյուցիաների դարաշրջանին: «Այս նշանակում է, — գրում է ընկեր Ստալինը, — որ Հոկտեմբերյան ռեվոլյուցիան բաց արեց նոր դարաշրջան, իմպերիալիզմի երկրներում պրոլետարական ռեվոլյուցիաների դարաշրջանը»¹:

Հոկտեմբերյան Սոցիալիստական Մեծ Ռեվոլյուցիան խորիւնց իմպերիալիզմը ոչ միայն այսպես կոչված մետրոպոլիաներում, այլև իմպերիալիստական պետությունների տիրապետությունը գաղութային և կախյալ երկրներում: Նա գաղութային և կախյալ երկրների ժողովուրդներին ոտքի հանեց իրենց ստրկացնող կեղեքիչների դեմ:

Խարխելով իմպերիալիզմի հիմքերը ինչպես մետրոպոլիաներում, այնպես և կախյալ ու գաղութային երկրներում, Հոկտեմբերյան Սոցիալիստական Մեծ Ռեվոլյուցիան դրանով իսկ մահացու հարված հասցրեց ամբողջ կապիտալիստական սիստեմին: «... Հոկտեմբերյան ռեվոլյուցիան. — գրում է Էնդերեկյան Ստալինը, — համաշխարհային կապիտալիզմին մահացու վերջ հասցրեց. — ինչ նա այլևս երբեք ուշքի չի գա: Հենց այս պատճառով էլ կապիտալիզմն այլևս երբեք չի վերագարձնի իրեն այն «հավասարակշռությունը», և այն «կայունությունը», որ նա ուներ մինչև Հոկտեմբերը»:

Սկսվեց կապիտալիզմի խորտակման դարաշրջանը:

Հոկտեմբերյան Սոցիալիստական Մեծ Ռեվոլյուցիան ստեղծեց սովետական բազմազգ հզոր պետություն՝ Սովետական Սոցիալիստական Ռեպուբլիկաների Միություն, որի անբաժանելի մասն է կազմում Սովետական Հայաստանը՝ Հոկտեմբերյան ռեվոլյուցիայի զավակը: ՍՍՌԿ ստեղծմամբ, նրա ամրապնդմամբ ապացուցվեց ճնշված ժողովուրդների ազատագրման պոպուլյարական, ինտերնացիոնալ մեթոդի, ինչպես և լրիվ իրավահավասարության սկզբունքով նրանց եղբայրական միության համարվածությունը և նպատակահարմարությունը:

ՍՍՌԿ միջազգային նշանակությունը որպես սոցիալիզմի և դեմոկրատիայի գործի պաշտպանի, փայլուն կերպով հանդես էկավ այն մեծ ազատագրական դերում, որ խաղաց Սովետական Միությունը երկրորդ համաշխարհային պատերազմում: Սովետական ժողովրդի փայլուն հաղթանակը ֆաշիստական Գերմանիայի դեմ մղված պայքարում, ցույց տվեց, որ սովետական հասարակարգը հանդիսանում է բոլորից կենսունակ և կայուն հասա-

1 Ի. Վ. Ստալին, Երկեր, հատոր 10, էջ 373:

2 Ի. Վ. Ստալին, Երկեր, հատոր 10, էջ 279:

բախտը ամբողջ աշխարհում: Սովետական ժողովրդի հաղթանակի նշանա-
նշանները հակառակ է միջազգային բանվորական և ճնշված ժողովուրդնե-
րի առջակի ազատագրական պայքարի հետագա ծավալման համար: Սովե-
տական ժողովրդի փայլուն հաղթանակը ազատագրեց Կենտրոնական և Հա-
րավարևելյան Եվրոպայի ժողովուրդներին ֆաշիստական Գերմանիայի
ստրկությունից, փրկեց նրանց անգլո-ամերիկյան իմպերիալիստների լծի
առի թնկնելու վտանգից և հնարավորություն տվեց, որ նրանք իրենք որոշեն
իրենց բախտը, իրենց զարգացման ուղիները: Ջախջախելով ճապոնական
ռազմածույններին, Սովետական Միությունը հնարավորություն տվեց չինական
ժողովրդին ազատագրվելու ճապոնական և ամերիկյան իմպերիալիստների
լծից և բռնելու զարգացման նոր ուղի: Հոկտեմբերյան Սոցիալիստական Մեծ
Ռևոլյուցիայից հետո Սովետական Միությունում սոցիալիզմի կառուցման մեծ
փորձը ժողովրդական դեմոկրատիայի երկրներին ցույց է տալիս դեպի սո-
ցիալիզմի հաղթանակը տանող ճիշտ ուղին: Լեհաստանի, Չեխոսլովակիայի,
Հունգարիայի, Ռումինիայի, Բուլղարիայի, Ալբանիայի ու վերջերս իրեն ազա-
տագրած Չինաստանի ժողովուրդները՝ հենվելով սոցիալիստական մեծ պե-
տության՝ Սովետական Միության եղբայրական օգնության վրա, հաստատո-
րեն գնում են սոցիալիզմի ուղիով:

Հոկտեմբերյան Սոցիալիստական Մեծ Ռևոլյուցիայի հաղթանակի հետե-
վանքով աշխարհը բաժանվեց երկու հակադիր լագերներին: Մեկը սոցիալիզմի
լագերն է, որի գլուխն է կանգնած Սովետական Միությունը, իսկ մյուսը՝ կա-
պիտալիստական լագերն է, որին գլխավորում են նոր պատերազմի անգլո-ա-
մերիկյան հրծիգները: Այն ժամանակ, երբ սոցիալիզմի լագերի ուժերն ա-
ճում են և ամրանում, կապիտալիստական լագերի ուժերը նոսրանում են և
թուլանում: Հոկտեմբերյան Ռևոլյուցիայից հետո այդ ներկու լագերների պայ-
քարն է կազմում համաշխարհային պատմության բովանդակությունը, որոշում
նրա ընթացքը:

Հոկտեմբերյան Սոցիալիստական Մեծ Ռևոլյուցիան արագացրեց մարդ-
կության առաջխաղացումը դեպի սոցիալիզմ: Կապիտալիզմի խորտակումը և
նրա փոխարինումը սոցիալիզմով՝ պատմականորեն անխուսափելի է: Եվ ինչ-
քան էլ որ անգլո-ամերիկյան իմպերիալիստները ջղաձղորեն ճիգեր անեն,
սպառնան մարդկությանը նոր պատերազմով՝ սոցիալիզմի հաղթանակը ամ-
բողջ աշխարհում տպահանջում է: Վերադարձվող ջղաձղական ճիգերը, ո-
րոնց ոտքի տակ հողը երկրում է, չեն փրկի կապիտալիզմը մոտալուտ կորու-
ստից: Մենք ապրում ենք այնպիսի դարում, երբ բոլոր ուղիները տանում են
դեպի կոմունիզմ»:

1. ԻՐԱԳՐՈՒԹՅՈՒՆԸ ՀԱՅԱՍՏԱՆՈՒՄ ՀՈԿՏԵՄԲԵՐՅԱՆ

ՍՈՑԻԱԼԻՍՏԱԿԱՆ ՄԵՄ ՌԵՎՈԼՈՒՑԻԱՅԻՑ ՀԵՏՈ

Փետրվարյան բուրժուա-դեմոկրատական ռևոլյուցիայից հետո Ռուսաս-
տանում իշխանության գլուխ անցավ բուրժուազիան՝ հանձին ժամանակա-
վոր կառավարության, որը չէր կարող Ռուսաստանի բանվորներին և գյուղացինե-
րին ոչ ազատություն, ոչ հաշտություն, ոչ հող և ոչ հողը: Իմպերիալիստական
ժամանակավոր կառավարությունը չէր մտածում պատերազմի վերջացնելու

1. Վ. Մ. Մ ու ո տ ո վ, Հոկտեմբերյան Սոցիալիստական Մեծ Ռևոլյուցիայի 30-ամյա-
կը, Երևան, 1948 թ., էջ 34:

մասին: «Մինչդեռ կադետներն ու անգլո-ֆրանսիական կապիտալիստները ուղում էին միայն փոքր ուղուցիա կատարել,— գրում է ընկեր Ստալինը,— որպեսզի մասսաների ուղուցիոն ոգևորությունն օգտագործեն մեծ իմպերիալիստական պատերազմի նպատակով,— բանվորներն ու զինվորները, ընդհակառակը, ձգտում էին հին ուժի մի արմատական հեղաբեկման և մեծ ուղուցիայի լիակատար հաղթության, որպեսզի, կալվածատերերին տապալելով և իմպերիալիստական բուրժուազիային սանձահարելով, հասնեն պատերազմի վերջացնելուն, ապահովեն արդարացի հաշտությունը»¹

Փետրվարյան բուրժուա-դեմոկրատական ուղուցիայից հետո ֆաբրիկաներն ու գործարանները մնացին կապիտալիստների, իսկ հողը կալվածատերերի ձեռքին: Ժամանակավոր կառավարությունը դեմ էր 8-ժամյա բանվորական օրվա կիրառմանը, ինչպես և բանվորական վերահսկողության հաստատմանը ձեռնարկություններում: Կապիտալիստները շարունակում էին հսկայական գերշահույթ ստանալ պատերազմի շնորհիվ: Պաշտպանելով կալվածատերերի շահերը, ժամանակավոր կառավարությունը ոչ միայն ճնշում էր գյուղացիների պայքարը հողը կալվածատերերից խլելու համար, այլ անգամ գյուղացիներին արգելում էր մշակելու այն հողերը, որոնց կալվածատերերը երեսի վրա էին ձգել: Ռուսաստանի աշխատավորների առանց այն էլ ծանր տնտեսական դրությունը գնալով ավելի էր ծանրանում: Ժամանակավոր կառավարությունը ժողովրդի թշնամին էր: «... Նրան պետք է տապալել,— գրում էր Լենինը,— որովհետև նա օլիգարխիական է, բուրժուական, և ոչ համաժողովրդական, նա չի կարող տալ ոչ խաղաղություն, ոչ հաց և ոչ էլ լիակատար ազատություն»²

Ժամանակավոր կառավարության այդ բուրժուական, հակաժողովրդական քաղաքականությունը խորը բողոք և մեծ դժգոհություն առաջացրեց ժողովրդական մասսաների մեջ, որոնց համար պարզ էր դառնում, որ թե ժամանակավոր կառավարությունը և թե՛ նրա պաշտպաններ մենշևիկներն ու Լսերները խաբում են իրենց: Շուտով մասսաների դժգոհությունն իր արտահայտությունը գտավ ժամանակավոր կառավարության դեմ ուղղված շարժման մեջ, որը գնալով ավելի ծավալվում, խորանում և ուղուցիոն լայն շարժման բնույթ էր ստանում:

Փետրվարյան բուրժուա-դեմոկրատական ուղուցիայից հետո բոլշևիկյան պարտիան դուրս գալով ընդհատակից, սկսում է քաղաքական-կազմակերպչական լայն աշխատանք ծավալել մասսաների մեջ: Բոլշևիկյան պարտիայի առաջնորդ Լենինը դեռ գտնվում էր էմիգրացիայում— Շվեյցարիայում: 1917 թվի մարտի 12 (25)-ին տուրուխանյան արսորից Պետրոգրադ է գալիս ընկեր Ստալինը և տեղում ղեկավարում բոլշևիկյան պարտիայի աշխատանքները: Ապրիլի 3 (16)-ին Պետրոգրադ է գալիս Վ. Ի. Լենինը: Ֆինլանդական կայարանում, իրենց սիրելի առաջնորդին ողջունելու եկած բազմահազար բանվորների, զինվորների և նավաստիների առջև արտասանած իր ճառը Լենինը վերջացնում է «Կեցցե սոցիալիստական ուղուցիան» մարտական կոչով:

Բոլշևիկները Լենինի և Ստալինի ղեկավարությամբ Փետրվարյան բուր-

¹ Ի. Վ. Ստալին, Երկիր, հատոր 3, էջ 319—320:

² Վ. Ի. Լենին, Ռուսեր երկեր երկու հատորում, 2-րդ հատոր, Երևան, 1948 թ., էջ 13:

Ժուռ-դեմոկրատական ռևոլուցիայից հետո լայն աշխատանք ծավալեցին մասսաներին բացատրելու, որ քանի դեռ իշխանությունը կմնա ժամանակավոր կառավարության ձեռքում՝ չեն լուծվի հաշտության, հողի և աշխատավորական մասսաներին հուզող այլ հարցերը։ Բոլշևիկները բացատրում էին, որ այդ հարցերը լուծելու համար անհրաժեշտ է բուրժուա-դեմոկրատական ռևոլուցիայից անցնել սոցիալիստականի։ Լենինը իր հռչակավոր ապրիլյան թեզերում տվեց սոցիալիստական ռևոլուցիայի անցման պարզորոշ գիծը։ 1917 թ. ապրիլին կայացած բոլշևիկյան պարտիայի 7-րդ համառոտական (Ապրիլյան) կոնֆերանսը՝ ելնելով Լենինի թեզերից, որոշեց պայքար ծավալել բուրժուա-դեմոկրատական ռևոլուցիայից սոցիալիստականի անցնելու համար։ Դեպքերը Ռուսաստանում շուտով ապացուցեցին, որ բոլշևիկների ցույց տված ուղին միակ ճիշտ ուղին է։ 1917 թ. ապրիլին ժամանակավոր կառավարությունը հայտարարեց իր դաշնակիցներին՝ Անգլիային, Ֆրանսիային և մյուսներին, որ նա պատերազմը շարունակելու է մինչև վերջ։ Բոլշևիկների կողմից ժամանակավոր կառավարության այդ իմպերիալիստական քաղաքականության դեմ բողոքի ձայն բարձրացրին Պետրոգրադի աշխատավորները։ Նույն թվի հուլիսին Պետրոգրադում ժամանակավոր կառավարությունն ու նրա պաշտպաններ մենշևիկներն ու էսերները գազանաբար գնդակոծեցին մայրաքաղաքի աշխատավորների խաղաղ ցույցը, ուղղված ժամանակավոր կառավարության հակաժողովրդական քաղաքականության դեմ։ Ժամանակավոր կռիվիցիոն կառավարությունը, ճնշելով բանվորների և զինվորների դեմոնստրացիան, հարձակվեց բոլշևիկյան պարտիայի վրա։ Փակվեցին բոլշևիկյան թերթերը, ձերբակալվեցին բոլշևիկյան պարտիայի մի շարք ականավոր գործիչներ, հրաման արձակվեց մեծ Լենինին ձերբակալելու մասին։ Այսպիսով վերջացավ երկիրիշխանության ժամանակաշրջանը, ամբողջ իշխանությունը փաստորեն անցավ բուրժուական ժամանակավոր կառավարության ձեռք, իսկ Սովետներն իրենց էսերո-մենշևիկյան դեկավարությամբ դարձան այդ կառավարության կցորդը։ Այս պայմաններում բոլշևիկյան պարտիան փոխում է իր տակտիկան, անցնում ընդհատակ, թաքցնում է Լենինին և սկսում է նախապատրաստել մասսաներին զինված ապստամբության՝ ընդդեմ բուրժուազիայի և ժամանակավոր կառավարության։

1917 թ. հուլիս—օգոստոսին կայացավ բոլշևիկյան պարտիայի 6-րդ համագումարը, որը պարտիային ուղղություն տվեց դեպի զինված ապստամբությունը, դեպի սոցիալիստական ռևոլուցիայի նախապատրաստումը։ Գեներալ Կորնիլովի կոնտրռևոլուցիոն ելույթը 1917 թ. օգոստոսին և նրա ջախջախումը աշխատավորների կողմից բոլշևիկների դեկավարությամբ, ականառու կերպով ցույց տվեց, որ աշխատավորների շահերի և ռևոլուցիայի իսկական պաշտպանը բոլշևիկյան պարտիան է։ Բոլշևիկներին ազդեցությունը խիստ աճեց բանվորների, զինվորների և գյուղացիների մեջ՝ կորնիլովյան կոնտրռևոլուցիոն ելույթից հետո։ «Կորնիլովշինայի ջախջախումը ցույց տվեց, այնուհետև, որ բոլշևիկյան պարտիան աճել-դարձել է ռևոլուցիայի վճռողական ուժ, որն ընդունակ է ջախջախելու կոնտրռևոլուցիայի բոլոր ոտնձգությունները։ Մեր պարտիան դեռևս կառավարող պարտիա չէր, բայց կոռնիլովշինայի օրերին նա դորժում էր որպես իսկական կառավարող ուժ, ու-

րովհետև նրա ցուցումները բանվորներն ու զինվորները կատարում էին առանց տատանումների»¹

* * *

Անդրկովկասում ևս ժողովրդական լայն մասսաների դրության մեջ էական փոփոխություններ տեղի չունեցան փետրվարյան բուրժուա-դեմոկրատական ռևոլուցիայից հետո: Ընկեր Ստալինը իր «Անդրկովկասի կոնտրռևոլուցիոներները սոցիալիզմի դիմակի տակ» հայտնի աշխատությունում, խոսելով Փետրվարյան բուրժուա-դեմոկրատական ռևոլուցիայից հետո Անդրկովկասում ստեղծված դրության մասին, գրում է. «Փետրվարյան ռևոլուցիան էական փոփոխություններ չմտցրեց երկրամասի աշխատավոր դասակարգերի դրության մեջ: Զինվորները, գյուղի այդ ամենառևոլուցիոն տարրերը դեռ ռազմաճակատում էին: Իսկ բանվորները, որոնք ընդհանրապես թույլ են որպես դասակարգ, երկրամասի տնտեսական հետամնացության պատճառով, և որոնք դեռ չեն ամրապնդվել որպես կազմակերպված միավոր, մնում էին ձեռք բերած քաղաքական ազատություններից արբեցած վիճակում, չպատրաստվելով, ըստ երևույթին, ավելի առաջ գնալու: Ամբողջ իշխանությունը մնում էր ունևոր դասակարգերի ձեռքին: Վերջինները ամուր կպել էին իշխանությունից ու սպասում էին, հոժարությամբ էսենա-մենշևիկյան ստրատեգներին թողնելով քնեցնել բանվորներին և գյուղացիներին իմաստուն ճառերով ռուսական ռևոլուցիայի բուրժուական բնույթի, սոցիալիստական հեղաշրջման անիրագործելիության մասին և այլն»:

Ժամանակավոր կառավարությունը Անդրկովկասը կառավարելու համար ստեղծում է այսպես կոչված Անդրկովկասյան հատուկ կոմիտե, որի մեջ մտան Անդրկովկասի ունևոր դասակարգերի ներկայացուցիչները: Հենվելով Անդրկովկասի բուրժուա-նացիոնալիստական պարտիաների — մենշևիկների, էսերների, դաշնակների և մուսավաթականների վրա, ժամանակավոր կառավարությունը, հանձին Անդրկովկասյան հատուկ կոմիտեի, Անդրկովկասում ևս վարում էր նույն հակաժողովրդական քաղաքականությունը, ինչ Ռուսաստանում: Ժողովրդական լայն մասսաների դրությունը Անդրկովկասում ևս գնալով ծանրանում էր պատերազմի հետևանքով:

Փետրվարյան ռևոլուցիայից հետո Անդրկովկասում ստեղծված բանվորական, զինվորական և գյուղացիական Սովետները, որոնցում մեծամասնությունը կազմում էին մենշևիկները, էսերները և դաշնակները, պաշտպանում էին բուրժուական ժամանակավոր կառավարությանը և Անդրկովկասյան հատուկ կոմիտեին: Նույն քաղաքականությունն էին վարում նաև Հայաստանում — Երևանում, Ալեքսանդրոպոլում (այժմ Լենինական), Կարսում և մի քանի ուրիշ վայրերում կազմակերպված Սովետները, որոնցում մենշևիկները, դաշնակները և էսերները մեծամասնություն էին կազմում:

Ժամանակավոր կառավարության և անդրկովկասյան բուրժուա-նացիոնալիստական պարտիաների հակաժողովրդական քաղաքականությունը մի կողմից, Ռուսաստանում աճող ռևոլուցիոն շարժումները մյուս կողմից, ոտքի

¹ Համկ(բ) Պարտիայի պատմություն, Համառոտ դառնութայ, Երևան, 1946 թ., էջ 276

² Ի. Վ. Ստալին, Երկեր, հատոր 4-րդ, էջ 39—60:

հանեցին նաև Անդրկովկասի բանվորներին, գյուղացիներին և զինվորներին: 1917 թ. գարնան և ամռան ամիսներին Բաքվում, Թիֆլիսում, Արևմտյան Վրաստանում և Անդրկովկասի մի շարք այլ վայրերում տեղի ունեցան դորժադուներ և գյուղացիական շարժումներ: Գործադուներ և ցույցեր տեղի ունեցան նաև Հայաստանում: Երևանում, 1917 թ. գարնանը գործադուլ հայտարարեցին տպարանների և էլեկտրական բնկերության բանվորները: Նույն թվի հուլիսին Երևանում ցույց տեղի ունեցավ ժամանակավոր կառավարության դեմ: Գործադուներ տեղի ունեցան նաև Ալեքսանդրոպոլում: Լոռու, Ախտալի, Սևանի և ուրիշ շրջաններում սկսվում է գյուղացիների պայքարը հողի համար՝ կալվածատերերի և նրանց շահերը պաշտպանող տեղական ու անդրկովկասյան իշխանությունների դեմ: Գյուղացիներն սկսում են բռնի կերպով խլել կալվածատերերի հողերն ու մշակել:

Փետրվարյան բուրժուա-դեմոկրատական ռեվոլյուցիայից հետո Անդրկովկասի բոլշևիկյան կազմակերպությունները եռուն աշխատանք ծավալեցին մասսաների մեջ: Աշխույժ գործունեություն ծավալեցին նաև Հայաստանի բոլշևիկյան կազմակերպությունները: Փետրվարյան ռեվոլյուցիայից հետո այդ կազմակերպությունները խտացրին իրենց շարքերը Ալավերդում և Լոռում: Ուժեղացան և ամրացան բոլշևիկյան կազմակերպությունները Ալեքսանդրոպոլում, Երևանում և Սարիղամիշում: Վերականգնվեցին Նոր-Բայազետի, Ղափանի, Դիլիջանի, Շամշադինի և մի շարք այլ վայրերի բոլշևիկյան կազմակերպությունները: Հայաստանի բոլշևիկյան կազմակերպությունների աշխատանքների ծավալման գործում մեծ դեր խաղացին Կովկասյան ռազմաճակատի զորամասերի բոլշևիկյան կազմակերպությունները: 1917 թ. մարտին Թիֆլիսում Ստ. Շահումյանի, Ա. Միկոյանի և Ա. Մուսվյանի նախաձեռնությամբ սկսեց լույս տեսնել բոլշևիկյան «Բանվորի կոիվ» հայերեն թերթը: Նույն թվականի մայիսին Բաքվում Ստ. Շահումյանի և Ա. Միկոյանի խմբագրությամբ լույս տեսավ «Սոցիալ-դեմոկրատ» հայերեն թերթը: Հունիս ամսին Ալեքսանդրոպոլում Բ. Ղարիբջանյանի խմբագրությամբ սկսեցին լույս տեսնել «Նոր կյանք»¹ և «Պրավդա ժիզնի» թերթերը: Վերոհիշյալ թերթերը մեծ դեր խաղացին աշխատավորներին բոլշևիկյան պարտիայի շուրջը համախմբելու, դաշնակիների ու այլ բուրժուա-նացիոնալիստական պարտիաների հակաժողովրդական քաղաքականությունը մերկացնելու գործում: Մեծ աշխատանք տարվեց բոլշևիկյան մամուլը մասսաների մեջ տարածելու ուղղությամբ: Բոլշևիկների Ալեքսանդրոպոլի կոմիտեն կազմակերպել էր պարտիական մամուլի առաքման գրասենյակ: Պարտիական շատ օրգաններ, այդ թվում «Պրավդան» ու «Կավկասիյ ռաբոչի»-ն, շնայած եղած արգելքներին, տարածված էին Երևանում, Ալեքսանդրոպոլում, Կարսում, Սարիղամիշում և Կովկասյան ռազմաճակատի զինվորների մեջ:

1917 թ. հոկտեմբերի 2 (15)-ից մինչև 7 (20)-ը Ստ. Շահումյանի ղեկավարությամբ, Լենինի և Ստալինի ցուցումներով Թիֆլիսում կալացավ Կովկասի բոլշևիկյան կազմակերպությունների առաջին համագումարը: Համագումարում Հայաստանի բոլշևիկների աշխատանքի մասին զեկուցումով հան-

¹ Թեև «Նոր կյանք»-ը սկսում է լույս տեսնել որպես ԹԻՖԼՊ Ալեքսանդրոպոլի կազմակերպության օրգան, բայց թերթում հենց սկզբից ղեկավար դեր էին խաղում բոլշևիկները:

դեռ եկավ ընկեր Ա. Միկոյանը։ Հայաստանի բանվորների և գյուղացիների ռեզոլուցիոն տրամադրությունը բնորոշելու համար ընկ. Ա. Միկոյանը, որպես օրինակ, բերում է Ալավերդու բանվորների և Հոռու գյուղացիների պայքարը բուրժուա-նապիտանության պարտիաների, կալվածատերերի դեմ. «... բանվորները կորցրել են իրենց հավատքը մենշևիկյան համաձայնողական քաղաքականության նկատմամբ», — հայտարարեց համագումարում ընկեր Միկոյանը, — իսկ «Գյուղացիները կողմնակից են հողի բռնագրավման։ Ալավերդու զործարանի բանվորներն, ինչպես և գյուղացիները զենք են մեր պարտիայի ետևից»։¹ Հեկավարվելով Լենինի և Ստալինի ցուցումներով, ելնելով բոլշևիկյան պարտիայի Ծ-րդ համագումարի որոշումներից, համագումարը որոշեց Անդրկովկասում ևս մասսաներին նախապատրաստել զինված ապստամբություն՝ սոցիալիստական ռեզոլուցիայի համար։

1917 թ. աշնանը իրադրությանը Ռուսաստանում արմատորեն փոխվեց: Ժողովրդական լայն մասսաներն անցան բոլշևիկների կողմը: «Ծավալվեց Սովետների աշխուժացման ու վերակենդանացման շրջանը, Սովետների Բաղկացման շրջանը»²

Բոլշևիկները Սովետներում մեծամասնություն չափեցին: Փոխվեց իրադրությունը նաև Անդրկովկասում և Հայաստանում: Ուժեղացավ բոլշևիկների ազդեցությունը Հայաստանի բանվորական կենտրոններին՝ Ալավերդու և Ալեքսանդրոպոլի, ինչպես նաև Սարիղամիշի ու Կարսի Սովետներում:

Կովկասի բուլղարական կազմակերպությունների համագումարը վերջանալուց անմիջապես հետո Ստ. Շահումյանը գալիս է Ալեքսանդրոպոլ և կոնկրետ ցուցումներ է տալիս Հայաստանի բուլղարական կազմակերպությունների հետագա աշխատանքի համար։ Ստ. Շահումյանի Ալեքսանդրոպոլ գալու մասին այդ ժամանակ Ալեքսանդրոպոլում աշխատող բուլղարիկներից մեկը՝ Բ. Լոգչանը իր հիշողություններում պատմում է. «1917 թ. հոկտեմբերի 7-ին ընկեր Ստ. Շահումյանը Ալեքպոլ եկավ։ Հոկտեմբերի 8-ը հայտարարեց «Բուլղարիկների օր» և այդ օրը... մեծ բազմության առաջ... զեկուցեց Պետերբուրգի դեմոկրատական խորհրդակցության և ընթացիկ մոմենտի մասին։ Զեկուցման առթիվ ոչ մի ծայտուն դուրս չեկավ։ Կադետները, դաշակները, նացիոնալիստական այլ պարտիաների ներկայացուցիչները, չնայած տեղից անհանգրստության նշաններ էին անում, բայց սիրտ չարին ելույթ ունենալ...

Ընկ. Ստ. Շահումյանը վերադասավորեց պարտիական ուժերը զորամասերում, կայազորում, բնակչության մեջ, դեպոյում աշխատելու համար. դիրեկտիվ տվեց աշխատանք ծավալել գյուղացիության մեջ»³

Ստ. Շահումյանի Ալեքսանդրոպոլ գալը, նրա ցուցումները բուլղարիկներին՝ նրանց ապագա աշխատանքի մասին, շուտով տալիս են իրենց արդյունքը: Ալեքսանդրոպոլի բուլղարիկյան կազմակերպության ղեկավար աշխատողներից մեկը՝ Պ. Արվելաձեն իր հիշողություններում պատմում է, որ Ստ. Շահումյանի Ալեքսանդրոպոլ գալը, նրա ելույթները խիստ օգնեցին բուլղարիկների հաջողություններին Ալեքսանդրոպոլի Սովետում:

¹ „Кавказский рабочий“, № № 169 и 170, 10 и 11 сентября 1917 г.

ՀամԿ(բ) Պարտիայի պատմություն, Համառոտ դասընթաց, Երևան, 1946 թ., էջ 277:

³ Համգրդյակի կից Մարգարե-Էնգելսի-Էհնրիխ Ինստիտուտի Հայկական ֆիլիալի արխիվի, ֆոնդ № 9, պապկա № 1, էջ 3-4:

¹ Նույն արխիվը, ֆ. 30, պ. 1, գործ № 4, էջ 65:

Կենսագործելով Ստ. Շահումյանի ցուցումները, բոլշևիկները Ալեքսանդրոպոլի Սովետի հոկտեմբերի 15 (28)-ի նիստում երկու առաջարկ են մտցրել՝ նույն և անցկացնում: Առաջին առաջարկն էր վերընտրել Սովետը, որովհետև վերջինս իր մեծամասնությամբ կազմված լինելով էսերներից, դաշնականներից ու մենշևիկներից, այլևս չէր արտահայտում բոլշևիկների կողմն անցած քաղաքի աշխատավորների և զինվորների ռևոլուցիոն տրամադրությունը: Չնայած էսերների, դաշնականների և մենշևիկների կատաղի դիմադրության, Սովետը ընդունում է Բոլշևիկների առաջարկը և որոշում է կատարել վերընտրություն: Բոլշևիկների երկրորդ առաջարկն էր մասնակցել Սովետների Համառուսական երկրորդ համագումարին: Այդ առաջարկը բխում էր պարտիայի դրույթից՝ Սովետների Համառուսական երկրորդ համագումար հրավիրելու մասին: Բոլշևիկների առաջարկով Սովետը որոշում է մասնակցել Սովետների Համառուսական երկրորդ համագումարին: Այս հարցի քննության ժամանակ կրակոտ ելույթ է ունենում Բ. Ղարիբջանյանը: Նա բոլշևիկին հատուկ կրքոտությամբ մերկացնում է էսերների, դաշնականների և մենշևիկների կոնտր-ռևոլուցիոն քաղաքականությունը: Որոշելով մասնակցել Սովետների Համառուսական երկրորդ համագումարին, Սովետը ընտրում է մի բոլշևիկ-դեկդատ: Այնուհետև Սովետը որոշում է ռևոլուցիոն աշխատավորների և զինվորների ճնշման տակ Սովետի նախորդ նիստում իր հրաժարականը ներկայացրած նախագահության փոխարեն Սովետի նախագահի պարտականությունները, մինչև նրա Գործադիր Կոմիտեի վերընտրությունը, դնել բոլշևիկ Պ. Արվելաձեի վրա: Այսպիսով Ալեքսանդրոպոլի Սովետը արտահայտվում է ամբողջ իշխանությունը Սովետներին հանձնելու օգտին:¹

1917 թ. սեպտեմբեր-հոկտեմբեր ամիսները հանդիսացան բուրժուազիայի իշխանության դեմ գրոհի նախապատրաստական ժամանակաշրջան: Մոբիլիզացնելով մասսաներին, բոլշևիկները նախապատրաստում էին նրանց՝ վճռական ռևոլուցիոն մարտերի: Լենինի և Ստալինի մեծ պարտիայի ղեկավարությամբ Ռուսաստանի բանվոր դասակարգը, չքավոր գյուղացիության հետ միասին, զինվորների ու նավաստիների աջակցությամբ, 1917 թ. հոկտեմբերի 25 (նոյեմբերի 7)-ին խորտակվեց բուրժուազիայի ու կալվածատերերի տիրապետությունը, ապալեց բուրժուական ժամանակավոր կառավարությունը և հաստատեց սովետական իշխանությունը:

Կատարվեց Հոկտեմբերյան սոցիալիստական Մեծ ռևոլուցիան: Հոկտեմբերի 25 (նոյեմբերի 7)-ին բացվեց Սովետների Համառուսական երկրորդ համագումարը, որը հոկտեմբերի 26 (նոյեմբերի 8)-ին պատմական որոշում ընդունեց՝ Ռուսաստանում իշխանությունը Սովետների ձեռքն անցնելու մասին: Համագումարը հաստատեց Լենինի կողմից առաջարկած դեկրետները հաշտության և հողի մասին: Այնուհետև համագումարը կազմակերպեց առաջին Սովետական կառավարությունը:

Համագումարը ժողովրդական Կոմիսարների Սովետի նախագահ հաստատեց Վլադիմիր Իլիչ Մուլյանովին (Լենինին), իսկ Ազգությունների Գործերի ժողովրդական Կոմիսար՝ Լենինի հավատարիմ ղինակից Իոսիֆ Վիսսարիոնովիչ Ստալինին: Ընկեր Ստալինի նշանակումը Ազգությունների Գործերի ժո-

¹ Ալեքսանդրոպոլի Սովետի այդ նիստի մասին տես «Кавказский рабочий» № 181, 4 հոկտեմբերի 1917 թ.:

ղովրդական կոմիսարի պոստում՝ բոլշևիկյան պարտիայի մեծ հոգատարության արտահայտությունն էր մեր երկրի ժողովուրդների բախտի նկատմամբ: Ազգությունների Գործերի ժողովրդական կոմիսարիատը ընկեր Ստալինի գլխավորությամբ մեծ աշխատանք ծավալեց Հոկտեմբերյան Սոցիալիստական Մեծ Ռևոլյուցիայի հաղթանակը Ռուսաստանի ծայրամասերում կազմակերպելու համար: Շուտով այդ կոմիսարիատի ներսում կազմակերպվեցին առանձին ազգային կոմիսարիատներ՝ Լեհական, Բելոռուսական, Լատիշական և այլն: Կազմակերպվեց և Հայկական կոմիսարիատ:

1917 թ. նոյեմբերի 2 (15)-ին Ռուսաստանի ժողովրդական կոմիսարների Սովետը Լենինի և Ստալինի ստորագրությամբ հրատարակեց «Ռուսաստանի ժողովուրդների իրավունքների դեկլարացիան», որն ազդարարում էր սովետական ազգային քաղաքականության հիմնական սկզբունքները:

Հաղթանակելով սկզբում Ռուսաստանի կենտրոնական մարզերում, սովետական իշխանությունը այնուհետև հաղթական երթով տարածվեց դեպի ծայրամասերը:

Հոկտեմբերյան սոցիալիստական Մեծ ռևոլյուցիան նոր դարաշրջան բացեց համաշխարհային պատմության մեջ: Սկսվեց կապիտալիզմի խորտակման և հաղթանակող սոցիալիզմի — կոմունիզմի դարաշրջանը:

Հոկտեմբերյան սոցիալիստական Մեծ ռևոլյուցիան հիմնովին փոխեց դրությունը Անդրկովկասում: Խոսելով Հոկտեմբերյան ռևոլյուցիայից հետո Անդրկովկասում ստեղծված դրության մասին, ընկեր Ստալինը գրում է. «Հոկտեմբերյան ռևոլյուցիան սուր կերպով փոխեց դրությունը: Նա մեկ շարժումով տակնուվրա արեց բոլոր հարաբերությունները, դնելով իշխանությունը աշխատավոր դասակարգերի ձեռքն անցնելու հարցը: «Ամբողջ իշխանությունը բանվորներին և գյուղացիներին» կանչը որոտալից տարածվեց ամբողջ երկրով մեկ, ոտքի հանելով ճնշված մասսաներին: Եվ երբ Ռուսաստանի հյուսիսում արձակած այդ կանչը սկսեց կենսագործվել այնտեղ, Անդրկովկասի ունեւոր դասակարգերը ակնբախ տեսան, որ Հոկտեմբերյան ռևոլյուցիան և Սովետական իշխանությունը անխուսափելի մահ են բերում նրանց: Պայքարը Սովետական իշխանության դեմ, այդ պատճառով էլ, դարձավ նրանց համար կյանքի և մահվան հարց: Իսկ «սոցիալիստական» էսեռա-մենշևիկյան ինտելիգենցիան, որն արդեն ճաշակել էր իշխանության իմացության ծառից և դրված է այժմ այդ իշխանությունը կորցնելու հեռանկարի առաջ, ավտոմատորեն դաշինքի մեջ մտավ ունեւոր դասակարգերի հետ:

Այսպես ստեղծվեց հակասովետական կոալիցիան Անդրկովկասում:

Անդրկովկասի և Հայաստանի բանվորներն ու աշխատավոր գյուղացիները Հոկտեմբերյան Սոցիալիստական Մեծ Ռևոլյուցիան ընդունեցին մեծ խանդավառությամբ: Բաքվում, Թիֆլիսում, Երևանում, Ալավերդում, Ալեքսանդրոպոլում և Անդրկովկասի մյուս քաղաքներում, ինչպես և գյուղական վայրերում, տեղի ունեցան բազմաթիվ միտինգներ ու ժողովներ, որտեղ բանվորներն ու գյուղացիները ողջունում էին Հոկտեմբերյան ռևոլյուցիան և խոսք տալիս պայքարել նրա հաղթանակի համար նաև Անդրկովկասում:

Անդրկովկասում՝ սովետական իշխանության հաղթանակի համար մղվող պայքարում ավանգարդային դերը պատկանում էր Բաքվի հերոսական պրոլետարիատին: Բոլշևիկների ղեկավարությամբ Բաքվի Սովետը 1917 թ. նոյեմ-

բերի 2 (15)-ին որոշում է ընդունում իշխանությունը Սովետների ձեռքը անցնելու մասին: Թիֆլիսի Արսենալի ռալոնի բանվորները նույնմբերին իրենց բազմամարդ ժողովում ողջունում են Հոկտեմբերյան ռևոլյուցիան, խոսք տալիս պաշտպանել այն և պահանջում են, որ սովետական իշխանություն հաստատվի և Անդրկովկասում: Նման որոշում են հանում Անդրկովկասյան երկաթուղու գլխավոր արհեստանոցների և Թիֆլիսի ուրիշ ձեռնարկությունների բանվորները: 1917 թ. նոյեմբերի վերջերին Երևանի աշխատավորները քաղաքի զորամասերի հետ միասին բոլշևիկների ղեկավարությամբ ցույց կազմակերպեցին, պահանջելով իշխանությունը հանձնել Սովետներին: 1918 թ. հունվարին Հաղպատում կայացած բոլշևիկների և անպարտիական աշխատավորների ժողովը, լսելով զեկուցում ընթացիկ մոմենտի մասին, որոշում է ճանաչել Սովետական Ռուսաստանի կառավարությունը: Որոշման մեջ ասվում էր. «Հանուն սացիալիստական ռևոլյուցիայի շահերի՝ իշխանությունն ամբողջովին պիտի տրվի Սովետներին, որոնք անողոր պայքար կտանեն կոնտրռևոլյուցիոն տարրերի, բեկերի, աղալարների, խաների և կալվածատերերի դեմ: Մենք խոսք ենք տալիս այս պայքարում Սովետներին ցույց տալ վճռական օգնություն»:¹

Դեկտեմբերին Ալեքսանդրոպոլի կայազորի զինվորները և աշխատավորները իրենց բազմամարդ միտինգում որոշում են ընդունում ճանաչել միմիայն Սովետական Ռուսաստանի կառավարությունը, որը միայն կարող է տալ ազատություն, հող և հաշտություն: Միտինգի կողմից ընդունված բանաձևում ասվում էր. «Միակ իշխանությունը, որը ապահովում է մեզ կայուն իադադություն, ամբողջ հողը և լիակատար ազատություն, դա՝ Սովետների իշխանությունն է, հանձին բանվորա-գյուղացիական կառավարության, որը ներկայումս կլանքում հետևողականորեն, առանց տատանումների կիրառում է ռևոլյուցիոն քաղաքականություն»: Այնուհետև բանաձևում ասվում էր, որ «Կովկասում ուրիշ իշխանություն չի կարող կազմակերպվել, բացի սովետականից»: Նման որոշումներ աշխատավորներն ընդունում են Սարիղամիշում, Զալալ-Օղլում (այժմ՝ Ստեփանավան) և Հայաստանի այլ վայրերում: Զալալ-Օղլու կայազորի զինվորների և բնակիչների միտինգը, կայացած 1917 թ. նոյեմբերին, ընդունում է հետևյալ բանաձևը. «Ամբողջ իշխանությունը պիտի անցնի բանվորների, գյուղացիների և զինվորների Սովետների ձեռքը, որպես ժողովրդական շահերի իսկական պաշտպանների: Ոչ մի հավատք կոնտրռևոլյուցիոն բուրժուազիայի և համաձայնողականների նկատմամբ: Մենք մեր ողջունն ենք հղում Պետրոգրադի կայազորին և պրոլետարիատին, որոնք կանգնած են ազատության և ռևոլյուցիայի պաշտպանության պոստում»:² Սարիղամիշի կայազորի զինվորների և տեղական աշխատավորների միտինգը, կայացած 1918 թ. հունվարին, ընդունում է հետևյալ բանաձևը. «Քննելով ընդհանուր դրությունը Ռուսաստանում և մասնավորապես Կովկասում, մենք որոշեցինք շենթարկվել Անդրկովկասյան կոմիսարիատի կոնտրռևոլյուցիոն կարգադրություններին»:³

Նույն տեղում մի քանի օր հետո կայացած մի երկրորդ միտինգի կողմից

¹ „Кавказский рабочий“, № 15, 21 հունվարի 1918 թ.:

² „Кавказский рабочий“, № 212, 30 նոյեմբերի 1917 թ.:

³ „Кавказский рабочий“, № 202, 17 նոյեմբերի 1917 թ.:

⁴ „Кавказский рабочий“, № 14, 20 հունվարի 1918 թ.:

ընդունված քանաձևում ասվում էր, որ Սովետական Ռուսաստանի կառավարությանը ոչ միայն խոսքով, այլ գործով ցույց տվեց, որ նա ժողովրդին ցանկանում է տալ հաշտություն, գյուղացիներին հող և որ «...Մենք, Սարիղամիշի կայազորի զինվորներս, ջերմորեն ողջունում ենք ժողովրդական Կոմիսարների Սովետին ու մեզ հայտարարում ենք սովետական ռևոլյուցիոն բանակ, որը պատրաստ է բանվորա-գյուղացիական կառավարության առաջին իսկ կոչով հանդես գալ պաշտպանելու համար նրան և ռուսական ռևոլյուցիան»¹

Մեծ աշխատանք ծավալեցին բոլշևիկները նաև Կովկասյան ռազմաճակատի զինվորների մեջ։ Չնայած էսերների, մենշևիկների և դաշնակների բոլոր փորձերին՝ իրենց ազդեցության տակ պահելու զինվորներին, վերջիններս անցան բոլշևիկների կողմը։ 1917 թ. դեկտեմբերին Թիֆլիսում կայացավ Կովկասյան բանակի երկրորդ երկրային համագումարը, որն իր մեծամասնությամբ բոլշևիկյան էր։ Համագումարը որոշեց ճանաչել միայն Սովետական Ռուսաստանի կառավարությունը։ Զինվորների բոլշևիկյան տրամադրությունն իր ազդեցությունն էր թողնում ճակատամերձ շրջանների աշխատավորների վրա։ Սարիղամիշում կազմակերպված ռազմա-ռևոլյուցիոն կոմիտեն տեղական աշխատավորների օգնությամբ 1918 թ. հունվարին Սարիղամիշում հայտարարում է սովետական իշխանություն։ Հունվարին Սարիղամիշից հայտնում էին, որ «իշխանությունը բոլշևիկների ձեռքին է։ Ռազմա-ռևոլյուցիոն կոմիտեն ձերբակալել է հայկական զինվորական (այսինքն ազգայնական-դաշնակցական — Հ. Է.) վարչության անդամներին...»²

1917 թ. դեկտեմբերին Սովետական Ռուսաստանի կառավարությունը, լսելով ընկեր Ստալինի զեկուցումը Կովկասի դրության մասին, որոշում է Ստ. Շահումյանին նշանակել Կովկասի ժամանակավոր արտակարգ կոմիսար՝ մինչև Կովկասում սովետական իշխանության կազմակերպվելը։ Ղեկավարվելով բոլշևիկյան պարտիայի մեծ առաջնորդներ Լենինի և Ստալինի ցուցումներով, Ստ. Շահումյանը գլխավորեց Կովկասի բանվորների ու գյուղացիների պայքարը սովետական իշխանության հաղթանակի համար։ Նա դիմեց Կովկասի բանվորներին ու գյուղացիներին, կոչ անելով նրանց՝ տապալել կոնտրռևոլյուցիոն իշխանությունները և հաստատել Կովկասում սովետական իշխանություն։ «Սովետական իշխանությունը Կովկասում պետք է ստեղծել անհապաղ, — գրում էր Շահումյանը այդ կոչում։ — Ռուսաստանում ոչ մի տեղ ռևոլյուցիայի գործն այնպիսի վտանգի մեջ չի գտնվում ներկայումս, ինչպես մեզ մոտ՝ Կովկասում։ Հյուսիսային Կովկասում ծայր առած կոնտրռևոլյուցիայից անմիջապես հետո բաղահայտորեն դուրս է բարձրացրել կոնտրռևոլյուցիան Անդրկովկասում...

Կովկասը կանգնած է անդունդի եզրին։ Փրկեցեք նրան։ Ստեղծեցեք այստեղ ինտերնացիոնալ Բանվորա-Գյուղացիական կառավարություն, որը Ռուսաստանի սովետական կենտրոնների և ժողովրդական Կոմիսարների Սովետի հետ սերտ միասնություն ստեղծելով՝ վերջ կդնի Կովկասի կոնտրռևոլյուցիային և երկրի բանվոր ու գյուղացի բնակչությունը կառաջնորդի դեպի լուսավոր ապագան, դեպի սոցիալիզմի թագավորությունը»։

Այսպիսով, ինչպես գրում է ընկեր Ստալինը, «Հյուսիսից եկող սովե-

¹ „Кавказский рабочий“, № 26, 4 փետրվարի 1918 թ.։

² «Մշակ», № 16, 24 հունվարի 1918 թ.։

³ Ստ. Շահումյան, Լենինի երկեր, Երևան, 1948 թ., էջ 529 - 532։

տական ռեոլուցիայի ալիքը համարձակ ներս էր խուժում անդրկովկասյան կողմից հայի թագավորությունը, սպառնալով նրա գոյությունը»¹ 1917 թ. վերջերին Անդրկովկասում ստեղծվել էր նպաստավոր ռեոլուցիոն սիտուացիա սովետական կարգերի հաստատման համար: Սակայն Թիֆլիսի բոլշևիկների մի խմբի բռնած օպորտունիստական գիրքը կանխորոշեց սովետական իշխանության հաղթանակի համար մղվող պայքարի ձգձգումը Անդրկովկասում: Այդ մասին «История гражданской войны в СССР» աշխատության երկրորդ հատորում կարդում ենք. «Միայն Թիֆլիսի բոլշևիկների մի խումբ բռնեց սխալ օպորտունիստական գիրք, քարոզելով իշխանությունը «խաղաղ» ճանապարհով գրավելու և մենշևիկների հետ համաձայնվելու հնարավորությունը»:

Օպորտունիստների խմբի հենց այդ դավաճանական գիրքը կանխորոշեց Սովետների համար մղվող պայքարի ձգձգումը Անդրկովկասի բոլոր վճռական կենտրոններում, բացի Բաքվից»²:

Նույն հարցի մասին ընկ. Լ. Բերիան իր «Անդրկովկասի բոլշևիկյան կազմակերպությունների պատմության հարցի շուրջը» աշխատությունում գրում է, որ այդ խումբը, հակառակ Լենինի և Ստալինի ցուցումներին, վճռաբար հրաժարվեց «... Վրաստանում և Անդրկովկասում իշխանության համար զինված պայքար նախապատրաստելուց և անցկացնելուց, փաստորեն մենշևիկներին հանձնեց Թիֆլիսի զինանոցը, հրաժարվեց զինվորների մեջ ագիտացիա մղել սովետական իշխանության համար և օգտագործել Կովկասյան ճակատի ռեոլուցիոն զինվորներին՝ պայքարելու Անդրկովկասի կոնտրռեոլուցիոն պարտիաների (մենշևիկների, դաշնականների, մուսավաթականների) բռնկի տապալման համար, պարտիաներ, որոնք փետրվարյան ռեոլուցիայից հետո գրավել էին իշխանությունը: Նրանք (այդ խմբի անդամները—Վ. Է.) Հոկտեմբերյան ռեոլուցիայից հետո լոգունգ ընդունեցին՝ իշխանության խաղաղ անցումը Սովետներին և պայքար՝ մենշևիկների ու էսենների կողմից սովետական իշխանությունը ճանաչելու համար»³:

Հոկտեմբերյան ռեոլուցիան ցարական Ռուսաստանի ժողովուրդներին ազատագրեց դարավոր ճնշումից: Հավատարիմ իր վարած ազատարար քաղաքականության ճնշված ժողովուրդների նկատմամբ, Սովետական Ռուսաստանի կառավարությունը 1917 թ. դեկտեմբերի 29-ին (1918 թ. հունվարի 11-ին) ընդունեց հայ ժողովրդի համար խոշոր նշանակություն ունեցող դեկրետը Արևմտյան Հայաստանի մասին: Սովետների Համառուսական երրորդ համագումարը, որ տեղի ունեցավ 1918 թ. հունվարին, հաստատեց այն: Դեկրետը, որ ստորագրված էր Վ. Ի. Լենինի և Ի. Վ. Ստալինի կողմից, արևմտահայերին տալիս էր ազգային ինքնորոշման լրիվ իրավունք՝ ընդհուպ մինչև կատարյալ անկախություն: Այդ դեկրետի առթիվ գրած իր «Թուրքահայաստանի» մասին» հոդվածում ընկեր Ստալինը գրում էր. «Այժմ պարզ է ամենքի համար, որ Ռուսաստանի ժողովուրդների բախտը, իսկ առանձնապես հայ ժողովրդի բախտը, սերտորեն կապված է Հոկտեմբերյան ռեոլուցիայի բախտի հետ»⁴:

¹ Ի. Վ. Ստալին, Երկեր, հատոր 4, էջ 67:

² «История гражданской войны в СССР», том II, Москва, 1943 г., стр. 158.

³ Լ. Բերիա, Անդրկովկասի բոլշևիկյան կազմակերպությունների պատմության հարցի շուրջը, Երևան, 1945 թ., էջ 225:

⁴ Ի. Վ. Ստալին, Երկեր, 4-րդ հատոր, էջ 31:

Դեկրետը ազդարարում էր.

«Ժողովրդական Կոմիսարների Սովետը հայտարարում է հայ ժողովրդին, որ Ռուսաստանի Բանվորական և Գյուղացիական կառավարությունը պաշտպանում է Ռուսաստանի կողմից օկուպացված, «Թուրքահայաստանի» հայերի ազատ ինքնորոշման իրավունքը՝ ընդհուպ մինչև կատարյալ անկախությունը:

Ժողովրդական Կոմիսարների Սովետը գտնում է, որ այդ իրավունքի իրագործումը հնարավոր է միայն մի շարք նախնական երաշխիքների պայմանով, որոնք բացարձակորեն անհրաժեշտ են հայ ժողովրդի ազատ ունեցնելու համար:

Ժողովրդական Կոմիսարների Սովետը այդպիսի երաշխիքներ է համարում՝

1. «Թուրքահայաստանի» սահմաններից դուրսի հեռացումը և անմիջապես հայկական ժողովրդական միլիցիայի կազմակերպումը՝ «Թուրքահայաստանի» բնակիչների անձի և գույքի ապահովության համար:

2. Փախստական հայերի, ինչպես և զանազան երկրներում ցրված հայ էմիգրանտների անարգել վերադարձը «Թուրքահայաստանի» սահմանները:

3. Պատերազմի ընթացքում թուրքական իշխանությունների կողմից ընդունված թուրքիայի խորքերը քշված հայերի անարգել վերադարձը «Թուրքահայաստանի» սահմանները, որի վրա ժողովրդական Կոմիսարների Սովետը պիտի պնդի թուրք իշխանությունների հետ հաշտության բանակցություններ վարելիս:

4. «Թուրքահայաստանի» ժամանակավոր ժողովրդական վարչության կազմումը, որպես Հայ Ժողովրդի Դեպուտատների Սովետ, ընտրված դեմոկրատական սկզբունքներով:

Կովկասյան գործերի Արտակարգ Կոմիսար Ստեփան Շահումյանին հանձնարարվում է «Թուրքահայաստանի» բնակչությանը ցույց տալ ամեն տեսակ աջակցություն 2-րդ և 4-րդ կետերի իրականացման գործում, ինչպես և ձեռնարկել խառն հանձնաժողով կազմակերպելուն՝ որոշելու համար այն ժամանակամիջոցն ու եղանակը, որով դուրս պիտի հանվեն զորքերը «Թուրքահայաստանի» սահմաններից (կետ 1-ին):

Ծանոթություն.— «Թուրքահայաստանի» աշխարհագրական սահմանները որոշվում են հայ ժողովրդի կողմից դեմոկրատական ձևով ընտրված ներկայացուցիչների կողմից՝ համաձայնության գալով հարակից և վիճելի շրջանների (մահմեդական և ուրիշ) դեմոկրատական ձևով ընտրված ներկայացուցիչների հետ՝ Կովկասի Գործերի Արտակարգ Ժամանակավոր Կոմիսարի հետ միասին»:¹

Հայ աշխատավորությունը մեծ գոհունակությամբ ընդունեց այդ դեկրետը, որը ունալ պայմաններ էր ստեղծում արևմտահայերի ազատագրման համար Թուրքիայի լծից: Սակայն, մի կողմից գերմանա-թուրքական իմպերիալիստների ավագակային հարձակումը Սովետական Ռուսաստանի վրա և մյուս կողմից Անդրկովկասյան կոնտրռեվոլյուցիոն ուժերի դավաճանական քաղաքականությունը հնարավորություն չտվին իրագործելու Սովետական Ռուսաստանի դեկրետը՝ Արևմտյան Հայաստանի մասին:

¹ Декреты Октябрьской революции, Москва, 1933 г., стр. 393—394.

Ատելությունը լցված դեպի Ռուսաստանում հաղթանակած սոցիալիստական ռեոլուցիան և բռնված Անդրկովկասում ևս սովետական իշխանության հաղթանակի սարսափով, հակասովետական կոալիցիան գինված պայքարի մեջ մտավ Սովետական Ռուսաստանի դեմ և դաժան ռապրեսիաների դիմեց՝ ճնշելու Անդրկովկասի բանվորների և գյուղացիների պայքարը՝ սովետական իշխանության հաստատման համար։ Նա կանգնեց Անդրկովկասը Սովետական Ռուսաստանից անջատելու հակաժողովրդական ուղու վրա և Անդրկովկասը կառավարելու համար ստեղծեց իր կոնտրռեոլուցիոն մարմինները՝ 1917 թ. նոյեմբերի 11 (24)-ին այսպես կոչված Անդրկովկասյան Գոմիսարիատը և 1918 թ. փետրվարի 10 (23)-ին՝ Անդրկովկասյան սեյմը։

Ընկեր Ստալինը այդ կոնտրռեոլուցիոն օրգանների ստեղծման նպատակի մասին գրում է. «Դասակարգերի կոալիցիայի համար ազգային խմբերի ներսում կազմակերպվում են «ազգային խորհուրդներ» — վրացական, թաթարական, հայկական»։ «Անդրկովկասի բոլոր գլխավոր ազգությունների ունևոր խավերի կոալիցիայի համար ստեղծվում է Անդրկովկասյան կոմիսարիատը», իսկ «Երկրամասի «ամբողջ բնակչությունը» Սովետական իշխանության դեմ մղելիք պայքարում միավորելու համար կազմակերպվում է այսպես կոչված «Անդրկովկասյան սեյմը», որ կազմված է Սահմանադիր ժողովի Անդրկովկասից բնորոշված էսեռա-մենշևիկա-դաշնակա-խանական անդամներից»,¹ որ և... հանձին Անդրկովկասյան կոմիսարիատի և նրա «սեյմական-ազգային» հավելումների մենք գործ ունենք Անդրկովկասի բանվորների և գյուղացիների դեմ ուղղված ամենաշարանենգ կոնտրռեոլուցիոն բռնկի հետ»։

Անդրկովկասյան կոմիսարիատը և սեյմը գենքի ուժով ճնշեցին բանվորների և գյուղացիների ռեոլուցիան ելույթը, կատարեցին բազմաթիվ գրեհակահարություններ և բանտարկություններ, փակեցին բոլշևիկյան թերթերը։ Հակասովետական կոալիցիայի ղեկավարների կարգադրությամբ 1918 թ. հունվարին Շամխոր կայարանում կատարվեց հրեշավոր ոճրագործություն — գնդակահարվեցին Կովկասյան ռազմաճակատից կոնտրռեոլուցիոն գններալ Կալեդինի դեմ պայքարելու համար Հյուսիսային Կովկաս գնացող հաղարավոր ռեոլուցիոն ռուս զինվորները։ Հակասովետական կոալիցիայի այդ ոճրագործությունը մեծ զայրույթ ու բողոք առաջացրեց Անդրկովկասի աշխատավորների մեջ։ «Մեծագույն ոճրագործություն է կատարվել ռուս բանակի դեմ։ Դա դավաճանություն է Անդրկովկասի ամբողջ գյուղացիության և մեր երկրամասի ամբողջ ռեոլուցիոն շարժման դեմ»,² — գրում է Ստ. Շահումյանը Շամխոր կայարանում տեղի ունեցած դեպքերի առթիվ։

Փետրվարին դաշնակները փորձում են մի երկրորդ Շամխոր կազմակերպել Ալեքսանդրոպոլ կայարանի շրջակայքում Իրանից Հյուսիսային Կովկաս վերադարձող ռուսական 66-րդ դիվիզիայի նկատմամբ։ Սակայն շնորհիվ Ալեքսանդրոպոլի բոլշևիկների ձեռք առած միջոցների, այդ ոճրագործությունը կանխվում է։ Բոլշևիկների հանձնարարությամբ Բ. Ղարիբջանյանը գնում է Բալանդուր կայարանը և զգուշացնում զինվորներին դավադրության մասին։ Զինվորներն իրենց շնորհակալությունն են հայտնում և Ալեքսանդրոպոլից

¹ Ի. Վ. Ստալին, Երկեր, հատոր 4, էջ 60—61։

² Նույն տեղում, էջ 73—74։

³ Ստ. Շահումյան, Ընտիր երկեր, Երևան, 1948 թ., էջ 516։

հեռանալիս տեղի բուլճարական կազմակերպության տալիս են մեկ գնդա-
ցիր, 50 հրացան և 40 ձեռքի նոսակ¹։

1918 թ. փետրվարին դարձյալ հակասովետական կոալիցիայի ղեկավար-
ների կարգադրությամբ, Թիֆլիսում, Ալեքսանդրյան այգում, գաղանաքար
գնդակոծվեց աշխատավորների խաղաղ միտինգը, որը բուլճարական ղեկա-
վարությամբ հավաքվել էր իր բողոքը հայտնելու անդրկովկասյան կոնտրոլո-
ւուցիոն պարտիաների վարած հակաժողովրդական քաղաքականության դեմ։

Վարելով Սովետական Ռուսաստանի հանդեպ անջատողական քաղաքա-
կանություն, հակասովետական կոալիցիան 1918 թ. մարտին ավանտյուրիս-
տական փորձ կատարեց անջատ հաշտություն կնքել Թուրքիայի հետ Տրապի-
զոնում։ Այդ փորձը, սակայն, հաջողություն չունեցավ։

Բաքվի հերոսական պրուլետարիատը, աննկուն բուլճարական Ստ. Շահում-
յանի, Ա. Զափարիձեի, Մ. Ազիզբեկովի, Ի. Ֆիալետովի և Ա. Միկոյանի ան-
միջական ղեկավարությամբ, ջախջախելով կոնտրոլուուցիոն ուժերը, 1918 թ.
ապրիլին Բաքվում հաստատեց սովետական իշխանություն (Բաքվի կոմու-
նան)։ Լենինը և ընկեր Ստալինը բարձր գնահատեցին այդ պայքարը և ուշա-
դրությամբ հետևում էին նրան, ղեկավարում այն։ Ընկեր Ստալինը սովետա-
կան իշխանության հաղթանակի համար Բաքվի պրուլետարիատի մղած պայ-
քարի մասին գրում է. «... Ռևոլուցիոն պրուլետարական Բաքուն, որը Հոկտեմ-
բերյան ռևոլուցիայի առաջին իսկ օրերից ճանաչել է Սովետական իշխանու-
թյունը և անդուլ պայքար է մղում Անդրկովկասյան կոմիսարիատի դեմ, չէր
թողնում, որ անդրկովկասյան պրուլետարիատը քնի, նրա համար վարակիչ
օրինակ և սոցիալիզմի ուղին լուսավորող կենդանի փարոս է ծառայում»²։

Բաքվում սովետական իշխանություն հաստատելուց հետո Բաքվի պրու-
լետարիատը բուլճարական ղեկավարությամբ հերոսական պայքար ծավալեց
սովետական իշխանության հաղթանակի համար նաև ամբողջ Անդրկովկա-
սում։ «Բաքվում սովետական իշխանություն հաստատելու օրից ի վեր,—
գրում էր Ստ. Շահումյանը,— մենք միշտ ասել ենք, որ Բաքուն սովետական
իշխանության բազան է, որ այստեղ ամրանալով՝ մենք պետք է մտածենք այն
մասին, որպեսզի եղբայրական ձեռք մեկնենք Անդրկովկասի վրացի, հայ և
մուսուլմանական գյուղացիությանը և նրանց հետ միասին թոթափենք բեգե-
րի, խաների լուծը և սովետական իշխանություն ստեղծենք Անդրկովկա-
սում»³։

1918 թ. հունվարին Կովկասյան ռազմաճակատի թուրքական հրամանա-
տարությունը խախտեց իր և Անդրկովկասյան կոմիսարիատի միջև կնքված
դինադադարը և թուրքական զորքերն անցան հարձակման։ Առաջանալով դե-
պի Անդրկովկաս, նրանք վերցրին Երզնկան, Մամախաթունո, Էրզրումը, իսկ
ապրիլին մտան Անդրկովկաս։ Անդրկովկասյան հակասովետական կոալիցիան
չէր մտածում պաշտպանել Անդրկովկասը օտարերկրյա զավթիչներից, որոնց
օգնությամբ նա կամենում էր ճնշել ռևոլուցիոն շարժումը երկրամասում։
Ապրիլին թուրքական զորքերը վերցրին Բաթումը և Կարսը։ Գերմանա-
թուրքական զավթիչների օգնությամբ ռևոլուցիոն շարժումը ճնշելու և սովե-

¹ Համկ(ր)Պ ԿԿ-ԽՆ կից Մարքսի—Էնգելսի—Լենինի Ինստիտուտի Հայկական ֆիլիա-
լի արխիվ, ֆ. 9, պապկա 1, էջ 3—4։

² Նույն տեղը, էջ 68—69։

³ Ստ. Շահումյան, Ընտիր երկեր, Երևան, 1948, Էջ 613։

տական իշխանության հաստատումը Անդրկովկասում կանխելու նպատակով սեյմը 1918 թ. ապրիլի 22-ին Անդրկովկասը հայտարարում է «անկախ»։ Այդ «անկախության» մասին ընկեր Ստալինը գրում է. «Անդրկովկասի դրությունն ավելի ու ավելի սպառնալից է դառնում։ Սեյմի կողմից Անդրկովկասի անկախության հայտարարումը (22 ապրիլի), որը պետք է արձակեր Թիֆլիսի «կառավարության» ձեռքերը, փաստորեն նրան դրեց միջազգային գիշատիչների ծուղակը։ Ինչով կվերջանան այսպես կոչված «հաշտության բանակցությունները» Բաթումում, ցույց կտա ամենամոտիկ ապագան։ Մի բան անկասկած է. Թիֆլիսի մենշևիկների ու նրանց կառավարության անկախությունը ուսաստանյան ռևոլուցիայից՝ անխուսափելիորեն փոխարկվելու է նրանց ստրկական կախման թուրք-գերմանական «քաղաքակիրթ» գիշատիչներից»¹։

Շուտով իրականացան ընկեր Ստալինի խոսքերը։

Անդրկովկասի ժողովուրդները, որոնց թվում և հայ ժողովուրդը, դեմ էին այդ հակաժողովրդական քայլին, որովհետև նրանք գիտակցում էին, որ անջատումը Սովետական Ռուսաստանից նրանց համար կորստաբեր հետևանքներ է ունենալու, որ նրանք զրկվելով Սովետական Ռուսաստանի օգնությունից, պիտի ընկնեն իմպերիալիստական պետությունների լծի տակ։ Անդրկովկասի ժողովուրդները իրենց բուռն բողոքը հայտնեցին հակասովետական կոալիցիայի այդ քայլի դեմ և Բաքվում սովետական իշխանության գլխավորությամբ ուժեղացրին իրենց պայքարը օտարերկրյա զավթիչների և Անդրկովկասյան կոնարևոլուցիոն ուժերի դեմ՝ հանուն սովետական իշխանության հաղթանակի ամբողջ Անդրկովկասում։ Բաքվի Սովետը և Բաքվի գավառի մուսուլման գյուղացիների համագումարը 1918 թ. մայիսի 29-ին իրենց միացյալ նիստում՝ լսելով ընկեր Ստ. Շահումյանի զեկուցումը «Սեյմի քաղաքականության և Անդրկովկասի դրության մասին», որոշում են իրենց բողոքը հայտնել Անդրկովկասյան կոնարևոլուցիոն պարտիաների այդ քայլի դեմ, պարտիաներ, «... որոնք հանդգնեցին Անդրկովկասի անկախություն հռչակել, և ներկայումս հանձին իրենց ներկայացուցիչների Բաթումում բանակցություններ են վարում Բաքվի իշխանության դեմ գերմանա-թուրքական զորքեր ուղարկելու մասին»։ Այնուհետև բանձեում ասվում էր. «... ամբողջ Անդրկովկասի բանվորներս ու գյուղացիներս ոչ մի դեպքում չենք հաշտվի Անդրկովկասը ռևոլուցիոն Ռուսաստանից անջատելու հետ, և ղենքը ձեռքներիս կկովենք թուրք-գերմանական բանդաների դեմ և նրանց դաշնակիցների — դավաճաններ Ջիսենկելիի, Ջիաթխանով-Խոյսկիների և նմանների դեմ»։

Խոսելով Անդրկովկասի բանվորների և գյուղացիների պայքարի մասին, Անդրկովկասը Սովետական Ռուսաստանից անջատելու հակասովետական կոալիցիայի փորձի մասին, ընկեր Ստալինը գրում է. «Ամբողջ Հայաստանը բողոքում է Թիֆլիսի ինքնակոչ «կառավարության» ուղուրպատորոխյան դեմ, պահանջելով սեյմական դեպուտատների հեռացումը։ Իսկ մուսուլմանականության կենտրոնը, Բաքուն, Սովետական իշխանության միջնաբերդն Անդրկովկասում, իր շուրջը համախմբելով ամբողջ Արևելյան Անդրկովկասը, լենքորանից ու Կուրայից մինչև Նիդավետպոլ, ղենքը ձեռքին հաստատում է Անդրկովկասի ժողովուրդների իրավունքները, որոնք բոլոր ուժերով աշխա-

¹ Ի. Վ. Ստալին, Երկեր, հատ. 4, էջ 107։

² Ստ. Շահումյան, Ընտիր երկեր, Երևան, 1948 թ., էջ 625—626։

տում են պահպանել կապը Սովետական Ռուսաստանի հետ: Մենք արդեն չենք խոսում հերոսական Աբխազիայի մասին, Սև ծովի ափին, որը միահամուռ կերպով ապստամբել է Թիֆլիսի «կառավարության» սև բանդաների դեմ և զենքը ձեռքին նրանց դեմ պաշտպանում է Սուխումը... Անդրկովկասյան բնակչությունը դեմ է Թիֆլիսի «կառավարությանը»: Անդրկովկասյան բնակչությունը դեմ է Ռուսաստանից անջատվելուն...»¹

Անդրկովկասի «անկախ» հայտարարումը թուրք-դեմոնական զավթիչներն օգտագործեցին իրենց արշավը Անդրկովկասի վրա շարունակելու համար: Նրանք սկսեցին կիրառել իրենց նվաճողական քաղաքականությունը, հայտարարելով, որ Անդրկովկասը անջատվել է Սովետական Ռուսաստանից և իրեն հայտարարել է «անկախ»:

1918 թ. մայիսին թուրքերը վերսկսեցին հարձակումը Արևելյան Հայաստանի վրա: Մայիսի 15-ին նրանք ռմբակոծումից հետո գրավեցին Ալեքսանդրոպոլը և վերջինս հենակետ դարձնելով, մի կողմից շարժվեցին դեպի Երևան, մյուս կողմից՝ դեպի Ղարաբաղիսա (այժմ՝ Կիրովական), որը գրավելով կարող էին Ղազախի վրայով անցնել Ադրբեյջան՝ Բաքվում Սովետական իշխանության վրա հարձակվելու համար, ինչպես և սպառնալ Թիֆլիսին:

Հայ ժողովուրդը իր համար ստեղծված այս բացառիկ ծանր օրերին, հակառակ կոնտրռեզիստանտ դաշնակցների քաղաքականության, որոնք դեմ էին թուրքական արշավին դիմադրելուն, մի շարք վայրերում հերոսական դիմադրություն ցույց տվեց թուրքական զավթիչներին: Երևանի շրջակա գյուղերի բնակչությունը Սարդարաբադի տակ պարտության մատնեց Երևանի վրա արշավող թուրքական զորամասին և ստիպեց նրան հետ նահանջել դեպի Ալեքսանդրոպոլ: Նույն օրերին Ղարաբաղիսայի տակ Ղազախ—Դիլիջանի և Փամբակի գյուղերի գյուղացիությունը երեք օր կանգնեցրեց թուրքական բանակի առաջացումը:

Ինչպես ասացինք, այդ մարտերում կռվողը ինքը ժողովուրդն էր՝ հայ գյուղացին: «Հայերի» թուրքական զորքերի դեմ մղած պայքարի մեջ, — կարողում ենք մենք մի թղթակցությունում այդ կռվի մասին, — Ղարաբաղիսայի կռիվը բռնում է բացառիկ տեղ իր խիզախությամբ և հերոսական ոգով:

Հայ-թուրքական կռիվների միջոցին ոչ մի տեղ հայկական զորքերն այնպիսի խիզախ, անձնուրաց դիմադրություն չցուցաբերեցին, ինչպես այդ արին Ղարաբաղիսայի մոտ հայ գյուղացիները, այդ լեռնական, երկրագործ և հովիվ մարդիկ:

Ականատեսների վկայությամբ, նրանց անվարժ, անհավասար քայլող խմբերը գնում էին իրենց պատիվը, տունը, ընտանիքը պաշտպանելու և մեռնելու պարզ գիտակցությամբ»²

Համաձայն թուրքական զորքերի հրամանատար Վեհիբ փաշայի հայտարարության, Ղարաբաղիսայի տակ «... շտապ կերպով հավաքված և նույնիսկ գումարտականների և գնդերի չմիավորված 7000 հայերի դեմ, որոնք ունեին 10 թնդանոթ և 20 զնդացիր, թուրքերն ունեին 10.000 ընտիր զորք, 70 թնդանոթ, և 40 զնդացիր: Եվ չնայած դրան՝ վերջնական հաջողությունը թուրքերը ձեռք բերին խոշոր զոհերի գնով»³

¹ Ի. Վ. Ստալին, Երկեր, հատոր 4, էջ 108—109:

² «Մշակ», № 108, 9 հունիսի 1918 թ.:

³ «Кавказское слово», № 119, 12 հունիսի 1918 թ.:

Այդ մարտերը ցույց տվին, որ հայ ժողովուրդը Անդրկովկասի մյուս ժողովուրդների պես պատրաստ է գիմադրելու դերմանա-թուրքական զավթիչներին: Սակայն, շնորհիվ Անդրկովկասյան կոնտրոլուցիոն պարտիաների դավաճանական քաղաքականության, օտարերկրյա օկուպանտներին հաջողվեց կիրառել իրենց զավթողական պլանները Անդրկովկասի նկատմամբ: Անդրկովկասը կարող էր պաշտպանել և նրա ժողովուրդների պայքարը ինտերվենտների դեմ գլխավորել միայն Սովետական իշխանությունը:

Անդրկովկաս ներխուժելուց հետո թուրքական զորքերը շարունակեցին իրենց հին ջարդարար քաղաքականությունը հայ ժողովրդի նկատմամբ: Թուրքական օկուպանտները ամենաբարբարոս ձևերով կոտորում էին հայ բնակչությանը և հափշտակում նրա գույքը: Այդպես եղավ Կարսի մարզում, Ալեքսանդրոպոլի գավառում: Նույնը կրկնվեց և Փամբակում:

1918 թ. վերջերին Թիֆլիսում մի հատուկ բյուրո էր կազմակերպվել, որն իր առջև խնդիր էր դրել պարզել հայերի կրած թե մարդկային և թե նյութական վնասները առաջին համաշխարհային իմպերիալիստական պատերազմի տարիներին: Այդ բյուրոյի գլուխն էր անցել հայ անվանի բանաստեղծ Հովհաննես Թումանյանը: Բյուրոյի նյութերում կան փաստաթղթեր, որոնք լուսաբանում են Ղարաքիլիսայում և Փամբակի մյուս գյուղերում պատահած դեպքերը: Փաստաթղթերից մեկում այդ դեպքերի մասին կարդում ենք.

«Թուրքական զորքը ներս է խուժել Փամբակի շրջանը 1918 թ. մայիսի 20-ին: Այդ զորքը Ջավիդ բեյի 11-րդ դիվիզիան էր... որ թե այս և թե հետո եկած զորամասերի կատարած սպանությունները, բռնությունները չեն կրել տարերային բնույթ, չեն եղել զինվորների սանձարձակության հետևանք, այլ նրանք արդյունք են թուրք կառավարիչների կանխորոշած ծրագրի՝ սա կասկածից դուրս է: Պարզ է միանգամայն, որ հրահանգված թուրք հրամանատարությունը նպատակ է ունեցել ուժասպառ անել բարեկամ չհամարվող հայ ազգաբնակչությունը՝ թե՛ ֆիզիկապես, թե՛ տնտեսապես... Կոտորածները բնավ անկարգ, պատահական բնույթ չեն կրել, այլ եղել են ծրագրված և կազմակերպված ու տևել են պաշտոնապես երեք օր: Ղարաքիլիսայում թե՛ բռնությամբ և թե՛ զանազան խորամանկ միջոցներով հարյուրավոր մարդկանցից բաղկացած խմբեր են հավաքել և գյուղից դուրս հանելով գնդակահարել կամ սփնահարել: Ղարաքիլիսայում սպանվել են բոլոր հայ սպաներն ու զինվորները, որոնք պարտությունից հետո կամ գերի են ընկել, կամ կամոսվին ապավինել են հաղթողի մեծահոգությանը: Նրանք միամտություն են ունեցել կարծելու, որ իրենք կհամարվեն զինվորական գերիներ և դուրս են եկել իրենց թաքստի տեղերից և ներկայացել են թուրք կոմենդանտին: Նույն տեղում կոտորված են, բացի տեղացիներից, բազմաթիվ զաղթականներ Կարսի և Ալեքսանդրոպոլի շրջաններից: Ընդհանուր առմամբ Ղարաքիլիսայի շրջակայքում գնդակահարված են մի քանի հազար մարդ... Պետք է կարծել, որ այդ թիվը 3000-ից պակաս չէ, թեև ոմանք հասցնում են մինչև 7000-ի: Այս թվի մեջ չեն մտնում սպանված տեղացիները՝ թվով 1470 հոգի...

Այս ձևի կոտորածներ տեղի են ունեցել նաև Համամլուում, Հաջիդարայում, Դարբասում, Ղշլաղում և Եղաբլուում... Այլևստյան Փամբակի գյուղերից դերի են տարել հարյուրավոր երիտասարդների, որոնք գրեթե բոլորը ոչնչացել են Էրզրումի շրջանում՝ քաղցից, ծեծից և ուժից վեր աշխատանքներից: Սակավաթիվ վերադարձողները պատմում են, որ նրանց, բացի այլ և

այլ տաժանակիր աշխատանքներից, նաև լծում էին սայլերին և բշում երկաթե ճիպոտներով: Էրզրումում գտնված 8000 գերուց — Շիրակից և Փամբակից — վերադարձել են միայն 600 հոգի: Այս թվերը շատ պարզ են խոսում:

Թե մեր շրջանում (Փամբակի — Հ. Է.) և թե ամենուրեք առանձնապես հետամտել են տաճկահայերին և ճանկ ընկածներից ոչ մեկը չի խուսափել մահից:

Ինչ որ ասվեց Փամբակի մասին, նույնը կարելի է կրկնել Լոռու մասին ավելի փոքրացրած մասշտաբով¹:

Փամբակից և Լոռուց օկուպանտները տարան 36 հազար գլուխ խոշոր եղջերավոր անասուն, 110 հազար ոչխար: Միայն Փամբակի գյուղերից նրանք հավաքեցին մոտ 527 հազար փթից ավելի հացահատիկ:

Անդրկովկասը հեշտությամբ նվաճելու և ստրկացնելու նպատակով գերմանա-թուրքական իմպերիալիստները որոշում են իրենց գործակալներից՝ մենշևիկներից, մուսավաթականներից և դաշնականներից Անդրկովկասում ռուսեղծել երեք բուրժուա-նացիոնալիստական կոնտրռեվոլյուցիոն կառավարություններ: Շուտով այդ որոշումը կատարվում է: 1918 թ. մայիսի 26-ին այսպես կոչված Անդրկովկասյան Սեյմը իրեն հայտարարում է ցրված և նրա փոխարեն գերմանա-թուրքական իմպերիալիստները իշխանության գլուխ են դնում մենշևիկներին՝ Վրաստանում, մուսավաթականներին՝ Ադրբեջանում և դաշնականներին՝ Հայաստանում:

1918 թ. հունիսի 4-ին Բաթումում թուրքերի և դաշնականների միջև «հաշտության և բարեկամության» (!) մի կոնվենցիա է կնքվում, որի համաձայն՝ Թուրքիան զավթում էր Սուրմալուի գավառը, Ալեքսանդրոպոլի, էջմիածնի և Եփեսոսի գավառների մեծ մասը: Պայմանագրի մեկ կետով գերմանա-թուրքական իմպերիալիստների գործակալներ՝ դաշնականները համաձայնվում էին թույլ տալ թուրքական զորքերին՝ Հայաստանի տերիտորիայով անցնել Ադրբեջան՝ Բաքվում սովետական իշխանության դեմ հարձակվելու համար, իսկ մի ուրիշ կետով համաձայնվում էին թուրքերի օգնությամբ ճնշել Հայաստանի բանվորների և գյուղացիների պայքարը՝ սովետական իշխանության հաստատման համար: Հայաստանը պիտի գորացներ իր բանակը, ոչ մի հարաբերություն չպիտի ունենար Թուրքիայի թշնամի պետությունների հետ, երկաթուղու կայարանները պիտի լինեին թուրքերի հսկողության տակ: Դաշնակցական Հայաստանի տերիտորիան կազմում էր մոտ 11 հազար քառակուսի վերստ լեռնոտ մի տարածություն: «Պետական» սահմանը հարավից սկսվում էր Արփա գյուղից (Շարուր) և գնալով դեպի հյուսիս՝ կտրում էր էջմիածին — Սարգարաբադ խճուղին էջմիածնից յոթ վերստ հեռավորության վրա, ապա գնում էր դեպի Արագած, Աղբուլաղ՝ մինչև Ախալքալաքի գավառի սահմանը:²

Թուրքական զավթիչների կողմից այդ զիջումն էլ ժամանակավոր խաղ էր: Նրանք պատրաստվում էին գրավել և այդ տերիտորիան: Թուրքերը մտադրվում էին այդ անել Բաքուն գրավելուց հետո: Սակայն Բաքվում սովետական իշխանության հերոսական պայքարը թուրքական զավթիչների դեմ թույլ չտվեց նրանց իրականացնելու իրենց այդ պլանը: Թուրքերը Բաքուն գրավեցին ավելի ուշ, քան իրենք էին ենթադրում՝ սեպտեմբերի 15-ին, իսկ գրա-

¹ Հայկական ՍՍԽ Պետ. կենտր. Արխիվ, ֆ. 70 202, գ. № 1271, թ. 47:

² Այդ կոնվենցիան տես Հայկական ՍՍԽ Պետական կենտր. արխիվ, ֆոնդ № 68 200, գործ 11 (ամբողջ գործը):

վումից քիչ անց՝ 1918 թ. նոյեմբերին գերմանական կռալիցիան պարտվեց առաջին համաշխարհային պատերազմում և թուրքերը հարկադրված եղան թողնել Անդրկովկասը:

Անդրկովկասում երեք բուրժուա-նացիոնալիստական կառավարություններ ստեղծելուց հետո, գերմանա-թուրքական զավթիչներն անցան իրենց հիմնական խնդրի իրականացմանը՝ հարձակվել Բաքվի սովետական իշխանության վրա: Գերմանա-թուրքական իմպերիալիստների հետ միասին Բաքվի վրա արշավեցին նրանց ստոր վարձկանները — անդրկովկասյան կոնտրռևոլուցիոն ուժերը: Բաքվի ժողովրդական Կոմիսարների Սովետը դեռ 1918 թ. մայիսի վերջերին դիմեց Անդրկովկասի աշխատավորներին կոչելով նրանց պաշտպանել սովետական իշխանությունը Բաքվում, էլ ավելի ուժեղացնել պայքարը սովետական իշխանության հաստատման համար ամբողջ Անդրկովկասում: Կոչը գրել էր Ստ. Շահումյանը:

«Բաքվի պրոլետարիատը, — ասվում էր կոչում, — առաջինն էր, որ հռչակեց իր համերաշխությունը Ռուսաստանի Հոկտեմբերյան Սոցիալիստական ռևոլուցիայի հետ և դեմ դնաց Անդրկովկասյան կոմիսարիատին ու սեյմին: Բաքվի պրոլետարիատն այժմ ևս բարձր է պահում սովետական իշխանության դրոշմը և պատրաստ է պայքարելու ամբողջ Անդրկովկասի բանվորների ու գյուղացիության ազատության ու երջանկության համար»: Կոչը Բաքվի Սովետի դրոշի տակ էր հրավիրում Անդրկովկասի բոլոր աշխատավորներին. «Բաքվի պրոլետարիատը ձգտում է Անդրկովկասում ստեղծել նոր կառավարություն, առանց բեգերի ու իշխանների և առանց հայ նացիոնալիստների, — բանվորների ու գյուղացիների կառավարություն, Սովետների կառավարություն: Այդ կառավարությունը՝ դաշնակցած ամբողջ ռուսաստանյան պրոլետարիատի ու գյուղացիության հետ՝ կպաշտպանի Անդրկովկասի միասնությունը Ռուսաստանի հետ, կխորտակի բոլոր ազգությունների կալվածատերերի ու կապիտալիստների իշխանությունը և կհաստատի ամբողջ Անդրկովկասի բանվորների ու գյուղացիների եղբայրություն...»

Բոլոր մութ ուժերը ոտքի են ելել Բաքվի Սովետի դեմ, Անդրկովկասի միակ ազատ անկյունի դեմ: Բաքվի Սովետի դրոշակը ազատության դրոշակ է ու աշխատավորների եղբայրության դրոշակ: Բոլորդ մտեք մեր դրոշակի տակ»:

Բացի գերմանա-թուրքական իմպերիալիստներից, այդ ժամանակ Բաքվի վրա հարձակման էին պատրաստվում նաև անգլիական իմպերիալիստները Պարսկաստանից:

Լենինը և Ստալինը անդուլ կերպով օգնում, ղեկավարում և ոգեշնչում էին Բաքվի բանվորների և Ադրբեջանի գյուղացիների պայքարը՝ օտարերկրյա զավթիչների ու նրանց գործակալների դեմ, հանուն սովետական իշխանության հաղթանակի ամբողջ Անդրկովկասում: Սովետական զորքերը ընկ. ընկ. Ա. Միկոյանի և Կորդանովի հրամանատարությամբ հերոսաբար կռվում էին թվով գերազանց գերմանա-թուրքական զավթիչների դեմ, Սովետական Բարուն պաշտպանելու համար:

Գերմանա-թուրքական և անգլիական ինտերվենտների ճնշման տակ, նրանց գործակալներ՝ էսերների, մենշևիկների և հատկապես դաշնակների,

որոնք Բաքուն անգլիական օկուպանտների ձեռքը գցելու համար բանակցությունների մեջ էին մտել նրանց հետ, քայքայիչ աշխատանքի հետևանքով սովետական իշխանությունը Բաքվում 1918 թ. հուլիսի 31-ին, ժամանակավորապես ընկավ, Հենվելով դաշնականների, էսերների, մենշևիկների վրա, անգլիական իմպերիալիստները օգոստոսին մտան Բաքու և անմիջապես սկսեցին թալանչիաբար արտահանել նավթը: Անգլիական իմպերիալիստները իրենց ստոր վարձկանների՝ էսերների, մենշևիկների, դաշնականների միջոցով 1918 թ. սեպտեմբերի 20-ին անդրկովկասյան ավազուտներում գազանաբար հռչակեցին Բաքվի բանվորների լավագույն ներկայացուցիչներին, նշանավոր բուշևիկներին՝ 26 կոմիսարներ— Ստ. Շահումյանին, Ա. Զափարիձեին, Մ. Ազիզբեկովին, Ի. Ֆիալետովին և մյուսներին:

Գերմանա-թուրքական զավթիչների հեռանալուց հետո Անդրկովկաս և Հայաստան մտան Անտանտայի պետությունների կողմից անգլիական օկուպացիոն զորքերը: Անդրկովկասյան կոնտրռևոլուցիոն կառավարություններն այժմ ծառայության անցան անգլո-ամերիկյան իմպերիալիստների մոտ և դարձան նրանց հլու գործակալությունները: Օգտագործելով նրանց, անգլո-ամերիկյան և ֆրանսիական իմպերիալիստները պատրաստվում էին Անդրկովկասը պոկել Սովետական Ռուսաստանից և զավթել այն:

2. ՀԱՅԱՍՏԱՆԻ ԲԱՆՎՈՐՆԵՐԻ ԵՎ ԳՅՈՒՂԱՅԻՆԵՐԻ ՊԱՅՔԱՐԸ ՍՈՎԵՏԱԿԱՆ ԻՇԽԱՆՈՒԹՅԱՆ ՀԱՂԹԱՆԱԿԻ ՀԱՄԱՐ (1918—1920 թ. թ.)

Դաշնակցական կառավարությունն իր գոյության ամբողջ ընթացքում հանդիսացավ իմպերիալիստական պետությունների գործակալությունը: Գերմանա-թուրքական իմպերիալիստների կողմից Հայաստանում իշխանության գլուխը գրավելուց հետո նա հանդիսացավ Գերմանիայի և Թուրքիայի գործակալությունը, իսկ գերմանական կոալիցիայի պարտությունից հետո, մինչև իր գոյության վերջը, Անտանտայի պետությունների, գլխավորապես Անգլիայի ու Ամերիկայի Միացյալ Նահանգների: Գերմանա-թուրքական իմպերիալիստների պահանջով նա թույլատրեց թուրքական զորքերին Հայաստանի տերիտորիայով անցնել դեպի Ադրբեջան՝ սովետական Բաքվի վրա հարձակվելու համար, նրանց թելադրանքով Բաքվում գտնվող դաշնականները քայքայիչ ու կոնտրռևոլուցիոն աշխատանք էին տանում սովետական իշխանության դեմ: Խոսելով դաշնականների այդ սև աշխատանքի մասին, Ստ. Շահումյանը գրում էր. «Մենք մատնանշեցինք նրանց (դաշնականների— Լ. է.) որոշման վրա՝ սպիտակ դրոշակ բարձրացնել և քաղաքը հանձնել թուրքերին: Նրանք չեն հանդգնի հերքել փաստերը,— որովհետև այդ գիտեն հարյուրավոր մարդիկ»¹:

Ընկեր Ստալինը 1920 թ. հոկտեմբերին հրապարակած «Սովետական իշխանության քաղաքականությունը ազգային հարցի վերաբերմամբ Ռուսաստանում» աշխատությունում, խոսելով Հոկտեմբերյան ռևոլուցիայից հետո Ռուսաստանի ծայրամասերում առաջացած կոնտրռևոլուցիոն կառավարությունների «անկախության» մասին, գրում է. «Այսպես կոչված անկախ վրաստանի, Հայաստանի, Լեհաստանի, Ֆինլանդիայի և մյուսների այսպես

¹ Ստ. Շահումյան, Ընտիր երկեր, Երևան, 1948 թ., էջ 687:

կոչված անկախությունը լուրջ մի խաբուսիկ երևութականություն է, որը քողարկում է այդ, թող ներվի ասել, պետությունների կատարյալ կախումը իմպերիալիստների այս կամ այն խմբից»:¹

Վախենալով սովետական իշխանության հաղթանակից Հայաստանում, դաշնակները երկիրը դրին իմպերիալիստական պետությունների լծի տակ: Դաշնակցական կառավարության արտաքին գործերի մինիստրը, իր մի զեկուցագրում, ուղղված կառավարության նախագահին, 1919 թ. սկզբներին, առաջարկում էր քննության առնել և որոշել, թե Անտանտայի որ պետություն լծի տակ պիտի դրվեր Հայաստանը:

«1918—1920 թ. թ. շրջանում Հայաստանում իշխանության ղեկի մոտ գտնվելով, դաշնակները, հավատարիմ իրենց բնությանը, խաղաղիք էին գերմանական, անգլիական և ֆրանսիական իմպերիալիստների ձեռքին»,² — գրում է ընկ. Գր. Հարությունյանը: Հանդիսանալով անգլո-ամերիկյան իմպերիալիստների գործակալությունը, դաշնակցական կառավարությունը շարժվում էր Անգլիայի և Ամերիկայի Միացյալ Նահանգների թելադրանքով: Ոչ միայն ամերիկյան գնդապետ Հասկելի, որին Միացյալ Նահանգները, Անգլիան, Ֆրանսիան և Իտալիան Հայաստանի «գերագույն կոմիսար» էին նշանակել, այլև այդ պետությունների Անդրկովկասում և Հայաստանում գտնվող որևէ ներկայացուցչի ասածն օրենք էր դաշնակցական կառավարության համար: Անգլիական կամ ամերիկյան իմպերիալիստները Հայաստանում իրենց զգում էին որպես իրենց գաղութում: Ամերիկացիները այնքան ազատ էին զգում, որ ինքնագլուխ ձեռքակալություններ էին կատարում: Եթե դաշնակները սողում էին իրենց տերերի՝ անգլո-ամերիկյան իմպերիալիստների ոտքի տակ, ապա Հայաստանի աշխատավորները բոլշևիկյան պարտիայի ղեկավարությամբ, Լենինի և Ստալինի ցուցումներով, օրեցօր ուժեղացնում էին իրենց պայքարը թե դաշնակների և թե անգլո-ամերիկյան իմպերիալիստների դեմ՝ հանուն սովետական իշխանության հաղթանակի Հայաստանում:

Անգլո-ամերիկյան իմպերիալիստները ակտիվորեն օգնում էին դաշնակներին դաժանորեն ճնշելու Հայաստանի բանվորների և գյուղացիների պայքարը սովետական իշխանության հաստատման համար: Այդ նպատակով անգլո-ամերիկյան ինտելիգենտները Անդրկովկասում և Հայաստանում րստեղծել էին իրենց սեփական հետախուզությունը: Անդրկովկասում գտնվող անգլիական օկուպացիոն զորքերի հրամանատարությունը 1919 թ. մարտին դաշնակցական կառավարության արտաքին գործերի մինիստրին հայտնելով Ալեքսանդրոպոլում բոլշևիկների աշխատանքի մասին, կարգադրում էր անմիջապես խիստ ուսյրեսիվ միջոցների դիմել, դադարեցնելու համար այն: «Բրիտանական ուժերի հրամանատար գեներալը Անդրկովկասում, — ասվում էր անգլիական հրամանատարության այդ գրությունում, — տեղեկություն ունի վստահելի աղբյուրներից, որ Ալեքսանդրոպոլում բոլշևիկյան կոմիտե է հաստատված և որը որոշ ժամանակ է արգեն, ինչ գործուն պրոպագանդա է անում աշխատավոր դասի, բանակի և երկաթուղու բանվորների մեջ»:³ «Վստա-

¹ Ի. Վ. Ստալին, Երկեր, հատոր 4, էջ 391:

² Հայկական ՍՍՌ Պետ. կենտր. Արխիվ, ֆոնդ 670/199, գործ № 20, թ. 19—20:

³ Գր. Հարությունյան, Սովետական Հայաստանի 25 տարին, Երևան, 1945 թ., էջ 8:

⁴ Հայկական ՍՍՌ Պետ. կենտր. Արխիվ, ֆոնդ № 67/199, գործ № 12, թ. 77—78:

հելի աղբյուրը», որի մասին խոսվում էր գրության մեջ, անգլիական հետախուզությունն էր:

Հանդիսանալով Սովետական Ռուսաստանի ռիսերիմ թշնամիներից մեկը, դաշնակները Հոկտեմբերյան ռեոլուցիայից հետո անդրկովկասյան մյուս կոնտրռեոլուցիոն պարտիաների հետ միասին զինված պայքարի էին դուրս հկել Սովետական Ռուսաստանի դեմ: Նրանք շարունակեցին իրենց այդ նույն հակասովետական քաղաքականությունը և անգլո-ամերիկյան իմպերիալիստների ղեկավարությամբ մասնակցեցին Անտանտայի կողմից Սովետական Ռուսաստանի դեմ կազմակերպված արշավին: Դաշնակները սերտ կապեր հաստատեցին Սովետական Ռուսաստանի դեմ կռվող ռուսական կոնտրռեոլուցիոն ուժերի պարագլուխների՝ Կոլչակի և ուրիշների հետ, իսկ սպիտակ-գվարդիական զեներալ Դենիկինի հետ ռազմական դաշինքի մեջ մտան: Կապը զեներալ Դենիկինի հետ այնքան սերտ էր, որ համաձայն դաշնակցական կառավարության արտաքին գործերի մինիստրի հայտարարության, Դենիկինը դաշնակցական Հայաստանը իր տերիտորիան էր համարում, իսկ դաշնակցական բանակը՝ իր զորամասերից մեկը: Դենիկինի Թիֆլիսում գտնվող ներկայացուցիչը, հայտնի ցարական զեներալ Բարատովը, 1919 թ. դաշնակ հատիսյանին հայտարարել էր, որ Դենիկինը դաշնակցական Հայաստանը իր դաշնակիցն է համարում»:

Շնորհիվ դաշնակների, մենշևիկների և մուսավաթականների վարած շովինիստական քաղաքականության՝ ազգային երկպառակությունը Անդրկովկասում շտեմնված չափերի հասավ: Իշխանության գլուխ անցնելուց անմիջապես հետո այդ կոնտրռեոլուցիոն կառավարությունները զինված պայքարի մեջ մտան իրար հետ: Այդ ընդհարումները սկզբում հրահրվում էրս գերսանաթուրքական, իսկ հետագայում անգլո-ամերիկյան իմպերիալիստների կողմից: Դաշնակների և մենշևիկների վարած ռազմատենչ-նացիոնալիստական քաղաքականության, ինչպես և անգլիական օկուպանտների հրահրումների հետևանքով, 1918 թ. վերջին եղբայրասպան ընդհարում տեղի ունեցավ հայ և վրացի ժողովուրդների միջև: Այդպիսի ընդհարումներ էին տեղի ունենում հայ և ադրբեջանական ժողովուրդների միջև:

Անդրկովկասի կոնտրռեոլուցիոն կառավարությունները խստորեն հայածում էին ազգային փոքրամասնություններին: Հայաստանում ապրող ազգային փոքրամասնությունների՝ ադրբեջանցիների, ռուսների և ուրիշների հանդեպ դաշնակները վարում էին շովինիզմի քաղաքականություն, ավերում էին նրանց գյուղերը և կոտորում բնակիչներին: Դաշնակներն ավերեցին Զանգիբասարի, Զանգեզուրի, Բասարզեչարի և ալ շրջաններում գտնվող ադրբեջանական գյուղերը: Նույն վիճակին ենթարկվեցին Կարսի մարզի ռուսական և ադրբեջանական գյուղերը: Ազգային փոքրամասնությունների կողմից լքված գյուղերի հողերը զավթում էին դաշնակցական մինիստրները, բարձրաստիճան պաշտոնյաները և խմբապետները: «Դաշնակների ժամանակ ազգային քաղաքականությունը — դա մի ժողովրդի մյուսի դեմ գազանաբար գրգռելն էր», — գրում է ընկեր Ա. Միկոյանը:

¹ Այս մասին տես Հայկական ՍՍԽ Գեո. Կենտր. Լերիվ, ֆ. 68՝ 200, գործ № 720, թ. 76:

² Տես նույն ֆոնդը, գործ № 728, թ. 190 — 191:

³ Ա. Ի. Միկոյան, Ճառ Երևանի Ստալինյան օկուպի ընտրողների ժողովում, 9 դեկտեմբերի 1937 թ., Երևան, 1939 թ. էջ 10:

Հայաստանի առանց այն էլ հետամնաց տնտեսությունը լիակատար փայլման հասավ դաշնականների օրով: Մի քանի արդյունաբերական ձեռնարկություններ, որոնք կառուցվել էին ցարիզմի ժամանակ, քայքայվեցին և դադարեցին աշխատելուց: Այդ ձեռնարկությունների, ինչպես և երկաթուղու բանվորությունը գտնվում էր տնտեսական և իրավական վերին սոստիճանի ծանր պայմաններում: Ձեռնարկատերերը բանվորներին անտանելի պայմաններում աշխատեցնում էին օրական 12—15 ժամ: Երևանում գտնվող Սարկիսովի կաշվի գործարանի բանվորներն աշխատում էին մի շենքում, որի հատակը ջուր էր՝ կրով, բրդով և հոտած մսի կտորներով շաղախված: Բանվորներն աշխատում էին բոկոտն:

Բանվորները ստանում էին չնչին աշխատավարձ, որը տրվում էր մեծ հապաղումով: Դրամանիշների արագ արժեքազրկման և գների օրեցօր աճման պայմաններում այդ հանգամանքը խիստ ծանր էր անդրադառնում բանվորների տնտեսական դրության վրա: Դաշնակցական կառավարությունը 1918 թ. հունիս ամսից մինչև 1920 թ. նոյեմբերը, այսինքն մինչև իր տապալումը, բաց էր թողել մեծ քանակությամբ դրամանիշ — 10 միլիարդ ռուբլուց ավելի: Բանվորներն անհրաժեշտ կենսամթերքներ ձեռք էին բերում շուկայում, ուր ցորենի վոլթը 1920 թ. նոյեմբերին արժեք 35 հազար ռուբլի, իսկ կարտոֆիլինը՝ 18 հազար:

Տնտեսության հիմնական ճյուղը հանդիսացող գյուղատնտեսությունը խիստ անկում ապրեց դաշնականների վարած պատերազմների, ազդային փոքրամասնությունների հալածանքի հետևանքով: Անգամ Կարսի նահանգապետ Կորդանովը իր մի զեկուցագրում, ուր նա ամփոփում էր մարզի դրությունը դաշնականների օրով, ստիպված էր արձանագրելու այն փաստը, որ ազգային փոքրամասնությունների հալածանքը վերին աստիճանի ծանր հարված հասցրեց մարզի գյուղատնտեսությանը: «... Քրդական վայրերը, — գրում էր նա իր զեկուցագրում, — հարստության մի անհուն տարածություն էր մեզ համար, բայց մենք չկարողացանք օգտագործել այդ պոնձը, կեղեքեցինք, թալանեցինք այդ վայրերը... Քրդական վայրերը մատակարարում էին ոչ միայն Կարսի նահանգին, այլև Արարատյան դաշտին՝ տավար, ձի, մթերքներ: Բայց մենք կարողություն չունեցանք տնտեսելու այդ մեծ հարստությունը և միանգամից ավերեցինք այդ աղբյուրը»:³

Գյուղատնտեսական գործիքների՝ արոտների, գոմանների և այլ գործիքների թիվը մեծ չափով պակասել էր: Գյուղացիության մեծագույն մասը շուներ լծկաններու Ցանում էր գլուղի կուլակը, իսկ մնացած մասը, սովորաբար շինելու համար ստիպված էր չնչին գնով վաճառել իր հողը, անասունը կամ վերջին ունեցվածքը, որը գնում էր գյուղական բուրժուազիան: Դաշնակները չէին կարող թաքցնել գյուղի բացարձակ մեծամասնության այդ թշվառ դրությունը: Այսպես, օրինակ, Էջմիածնի գավառի դաշնակցական ղեմավորի վարչության նախագահը 1920 թ. հուլիսին հայտնում էր ներքին գործոց մինիստրին, որ «... Բաղմաթիվ գյուղացիներ, ազատվելու համար սովի ճիրաններից, ստիպված են եղել վաճառել ամենաչնչին գներով մեծ արժողությամբ

¹ Հայկական ՍՍԽ Պետ. կենտր. Արխիվ, ֆ. № 40 113, դ. № 87, թերթ 3:

² Նույն տեղում, թ. 6:

³ Նույն ֆոնդը, գործ № 1769, թ. 47:

կալվածներ (կալվածներ ասելով պիտի հասկանալ գյուղացու հողը կամ այգին — Հ. Լ.): Եղել են դեպքեր, երբ այդպիսի կալվածներ տրված են Լեւել քաղցի ու սովի վայրկենական անդիմադրելի պահանջին դիմացում տալու համար՝ մի քանի ֆունտ հացով կամ համարժեք դրամական գումարով... Եվ ահա ճիշտ այս ձևով գավառումս այժմ բազմաթիվ գյուղացիներ համարյա բոլորովին կորցրել են իրենց կարողության վերջին մնացորդը, իսկ քաղցի և սովի իրենց համար ստեղծված նպաստավոր հանգամանքներից ճարակությամբ օգտվող մի քանի վաշխառուներ յուրաքանչյուր գյուղում հնարավորություն են գտել իրենց ձեռքում ամփոփելու բազմաթիվ ընտանիքների ունեցվածքը և այժմ անարգել վայելում են նրա արդյունքները...»¹ Նոր-Բայազետի գավառից հայտնում էին, որ սովի հարկադրանքով գյուղացին ծախում է իր վերջին ունեցածը՝ անասունները, արտը, կալը, տունը:

Այս բոլորի հետևանքով ցանքերի քանակությունը կատաստրոֆիկ կերպով կրճատվեց, խիստ կերպով ընկավ և անասունների զլխաքանակը: Եթե ամբողջ ցանքերի տարածությունը Հայաստանի ներկա տերիտորիայում 1913 թվին հասնում էր՝ 345,7 հազար հեկտարի, ապա 1919 թ. նա ընկավ մինչև 82,7 հազար հեկտարի: 1913 թ. Հայաստանում ցանված էր 15,3 հազար հեկտար քամբակ, իսկ 1919 թ. միայն 0,6 հազար հեկտար: Ոռոգման սիստեմը և նրա վրա հիմնվող ջրովի տնտեսությունները անկման հասան:

Դաշնակցական կառավարության հակաժողովրդական քաղաքականության պատճառով սովը երկրում ահռելի չափերի հասավ: Ժողովրդական լայն մասսաները գալարվում էին սովի ճիրաններում: Սովը և հիվանդությունները օրական հարյուրավոր մարդիկ էին տանում: «Բավական է ասել, որ 1919 թվին Հայաստանի բնակչության յուրաքանչյուր հազար մարդուն ծնվում էր 8,7, իսկ մեռնում՝ 204,2 մարդ, այսինքն բնակչության նվազումը հասնում էր 195,5 մարդու յուրաքանչյուր հազար հոգուց»:

1918 թ. սեպտեմբերի 26-ին Երևանում, սովի հետևանքով, ցուց է տեղի ունենում կառավարության դեմ: Այդ օրը բազմության մի մեծ խումբ, բաղկացած զխավորապես գաղթականությունից, հավաքվում է նախ պարետի շենքի և ապա ներքին գործոց մինիստրի տան առաջ և հաց պահանջում: Բազմությունը ցրելու համար իշխանությունները ստիպված են լինում դիմել զինված ուժի:

Պաշտոնական տվյալների համաձայն Սուրմալվում «սովից մեռել էր գավառի բնակչության 60 տոկոսը»:² Բասարգեշարից 1920 թ. հունիսին հայտնում էին, որ շրջանի գյուղացիությունը հաց չունենալու պատճառով խոտով է կերակրվում և մարդիկ ամեն օր տասնյակներով մեռնում են: Նույն դրությունն էր Դարալագյազում, Թալինում, Ալեքսանդրոպոլում և Հայաստանի մյուս շրջաններում: Սովը Հայաստանում շարունակվեց դաշնակների տիրապետության ամբողջ ժամանակշրջանում: 1919 թ. հունվարին Երևանում քաղցած ամբոխը շուկայում հարձակվում է հացի փոների և հացավաճառների

¹ Նույն ֆոնդը, դորժ № 1748, թ. 162:

² Социалистическое строительство Армянской ССР. Статистический сборник, Ереван, 1940 г., стр. 64.

³ Դր. հարուստություն, Սովետական Հայաստանի 25 տարին, Երևան, 1945 թ., էջ 8-9:

⁴ Հայկական ՄԱԿ Պետ. կենտր. Արխիվ, ֆ. № 68 200, գ. № 312, թ. 16:

վրա: Դարալագյազից 1919 թ. հունիսին հայտնում էին, որ «... Գաղթականներին... սկսած մինչև հողագործ գյուղացու ճնշող մեծամասնությունը կարոտ է մի կտոր հացի»:¹

Ժողովրդական լայն զանգվածները նաև մերկ վին: Էջմիածնի դավառի գեմատվոյական վարչության նախագահը 1920 թ. մարտին հայտնում էր դաշնակցական կառավարության ներքին գործերի մինիստրին, որ «դավառի ազգաբնակչությունը բառիս բուն նշանակությամբ մերկ է և բոկոտն: Կան բազմաթիվ գյուղեր, որոնց բնակիչները մերկության պատճառով ամաչում են իրար հանդիպել և անհրաժեշտ դեպքում հարևան գյուղերը գնալ»:²

Դաշնակների տիրապետության ժամանակաշրջանում Հայաստանի բնակչությունը ահաբեկված էր բազմաթիվ զինված պորտաբույծ խմբերի՝ մառախլների հետևյալ խմբերի կողմից, որոնք կողոպտելով ու սպանելով՝ ապրում էին ժողովրդի հաշվին: Սպանությունները, թալանը երկրում մեծ չափերի էին հասել և սխտեմատիկ բնույթ ստացել: Դաշնակցական պաշտոնյաները, սկսած գյուղական լիազորներից մինչև մինիստրները, կատարում էին անօրինակ սանձարձակություններ, բռնություններ և զեղծումներ: Ընկեր Ա. Միկոյանը գրում է. «... Հայաստանը դաշնակների ժամանակ որբերի երկիր էր, արցունքի երկիր, աղքատության ու վայրենի կամայականությունների երկիր»:³ Հայ ժողովուրդն իր ազատագրումը սովետական իշխանության հաստատման մեջ էր տեսնում: Հայ ժողովրդի լավագույն բարեկամներից մեկը՝ ընկեր Ս. Սրջոնիկիձեն 1918 թ. հոկտեմբերին Լենինին և Ստալինին ուղարկած իր հեռագրում խոսելով Անդրկովկասի դրության մասին, այսպես էր նկարագրում Հայաստանի վիճակը. «... Հայաստանի դրությունը ողբերգական է: Երևանի նահանգի երկու գավառների փոքրիկ կտորի վրա կուտակվել են... գաղթականներ, որոնք մասսայաբար կոտորվում են սովից ու խոլերայից: Թուրքերը օկուպացված գավառներում մորթել են բնակչության կեսը... Հայ ժողովուրդը անհամբերությամբ օգնություն է սպասում Սովետական Ռուսաստանից»:

Դաշնակները երկիրը վերածեցին ավերակների, իսկ ժողովրդին՝ կանգնեցրին կործանման եզրին: Նրանց երկու և կես տարվա արյունոտ տիրապետության ժամանակաշրջանը՝ հայ ժողովրդի պատմության ամենամռայլ էջերից մեկն է:

* * *

Չնայած դաշնակների ամենադաժան հալածանքներին, Հայաստանի բանվորներն ու գյուղացիները շղաղարեցրին իրենց պայքարը սովետական իշխանության հաղթանակի համար: Անդրկովկասի և Հայաստանի աշխատավորները պայքարում էին Ռուսաստանի Կ(ր) Պարտիայի Անդրկովկասյան երկրային Կոմիտեի և Հայաստանի բոլշևիկյան կազմակերպությունների ղեկավարությամբ: Կենսագործելով Լենինի և Ստալինի ցուցումները, ընկ. ընկ. Ս. Սրջոնիկիձեն, Ս. Կիրովը և Ա. Միկոյանը զլխավորեցին Անդրկովկասի

¹ Հայկական ՍՍԽ Պետ. Կենտր. Արխիվ, ֆ. 67/199, գ. 147, թ. 12:

² Հայկական ՍՍԽ Պետ. Կենտր. Արխիվ, ֆոնդ 69/201, դործ № 1748, թ. 37:

³ Ա. Ի. Միկոյան, Ճառ երևանի Ստալինյան ընտրական օկրուգի ընտրողների ժողովում, 9 դեկտեմբերի 1937 թ., Երևան, հրատ. 1939 թ., էջ 10:

⁴ Հայկական ՍՍԽ Պետ. Կենտր. Արխիվ, բազմաժյուրի ֆոնդ, № 255:

բանվորների և գյուղացիների պայքարը հանուն սովետական իշխանության հաղթանակի:

1918 թ. երկրորդ կեսում Հայաստանի մի բանի շրջաններում տեղի են ունենում գյուղացիական ելույթներ դաշնակցական կառավարության դեմ: Այդ թվի հոկտեմբերին Նոր-Ցայազետի գավառի Նորադուզ և Ղրշլաղ գյուղերի գյուղացիները զայրացած դաշնակցականների կամայականություններից՝ տեղական միլիցիայի հետ ունենում են ընդհարում, որի ընթացքում սպանվում և վիրավորվում են մի շարք գյուղացիներ: Դաշնակցական կառավարության դեմ նույն թվին ելույթներ են տեղի ունենում Ապարանում, Զանգեզուրում և այլ վայրերում:

Հայաստանի բանվորների և գյուղացիների պայքարը դաշնակցների դեմ ավելի լայն ծավալ ստացավ 1919 թ.: Այդ թվի կեսերից ուժեղացավ բոլշևիկյան կազմակերպությունների աշխատանքը Հայաստանում, բոլշևիկների ազդեցությունը պրոֆմիություններում, գյուղացիների մեջ և բանակում: Նույն թվի սեպտեմբերին տեղի ունեցավ Հայաստանի բոլշևիկյան կազմակերպությունների ներկայացուցիչների խորհրդակցություն, որն ընտրեց բոլշևիկյան կազմակերպությունների ղեկավար կենտրոն՝ Ռուսաստանի Կոմունիստական Պարտիայի Հայաստանի Կոմիտե՝ Արմենկոմ: Սովետական իշխանության հաստատման համար Հայաստանի բանվորների և գյուղացիների մղած ռևոլուցիոն պայքարում զգալի դեր խաղաց Հայաստանի կոմունիստական երիտասարդական «Սպարտակ» միությունը, որը հիմնադրվել էր 1919 թ. ապրիլին, Ղ. Ղուկասյանի գլխավորությամբ:

Բոլշևիկյան պարտիայի ղեկավարությամբ 1919 թ. Հայաստանում տեղի են ունենում մի շարք գործադուլներ և գյուղացիական ելույթներ, ուղղված դաշնակցական կառավարության դեմ: 1919 թ. հուլիսին գործադուլ են հայտարարում Երևանի և Ալեքսանդրոպոլի արհեստանոցների բանվորներն ու ծառայողները: Նույնմբերին գործադուլ են հայտարարում Ալեքսանդրոպոլի տպագրական բանվորները, պահանջելով աշխատավարձի հավելում: Նույն թվին գործադուլ է տեղի ունենում ուլետական ձեռնարկություններում — երկաթուղում, Կարսի ավտոգարաժում: Հուլիս և դեկտեմբեր ամիսներին գործադուլ են հայտարարում Երևանի տպարանների և փոստ-հեռագրական բանվորներն ու ծառայողները: Բոլշևիկների ղեկավարությամբ Սարիղամիշի բանվորները որոշում են ամերիկյան գնդապետ Հասկելի Սարիղամիշ գալու կապակցությամբ բոլորքի ցույց կազմակերպել՝ հակառակ դաշնակցների ցանկության, որոնք պատրաստվում էին նրան հանդիսավոր հանդիպում ցույց տալ: Բանվորները քանդելով երկաթգիծը արգելակում են դաշնակցների նպատակի իրականացումը:

Դեռ փետրվարյան բուրժուա-դեմոկրատական ռևոլուցիայից հետո ինչպես ամբողջ Ռուսաստանում, այնպես և Անդրկովկասում ու Հայաստանում հողազուրկ և սակավահող գյուղացին պայքար էր սկսել հողի համար: Այդ պայքարը ուժեղացավ և սրվեց Հոկտեմբերյան ռևոլուցիայից հետո: Արդեն ասվեց լոռում և Հայաստանի մյուս շրջաններում ծայր առած ագրարային

¹ Համկ(բ)Պ ԿԿ-ին ԿԽՍՄ Մարքսի—Էնգելսի—Լենինի Ինստիտուտի հայկական ֆիլիալի արխիվ, ֆոնդ № 33, պապկա № 8, գործ № 3, էջ 13:

շարժման մասին: Կալվածատերերը Լոռում փորձեցին թուրքական օկուպանտների և դաշնակիների միջոցով ձնշել գյուղացիների պայքարը հողի համար, բայց այդ նրանց չհաջողվեց: 1918 թ. ամառը կալվածատերերը Լոռում թուրքական սվինների օգնությամբ հետ խլեցին գյուղացիների կողմից գրավված իրենց հողերը և սկսեցին հավաքել բահրան, սակայն գյուղացիները շարունակեցին պայքարը կալվածատերերի դեմ: Նույն Լոռում, որը անգլիական ինտերվենտների կողմից 1919 թ. սկզբից վեր էր ածվել այսպես կոչված «չեզոք գոտու», ուր տեր և տնօրինություն էին անում անգլիական օկուպանտները, գյուղացիները բոլշևիկների գլխավորությամբ շղադարեցո՞ին իրենց պայքարը հողի համար:

Էջմիածնի գավառի դաշնակցական զեմստովոյի վարչության նախագահը 1920 թ. ապրիլին դաշնակցական կառավարության ներքին դործերի մինիստրին ուղղած իր մի հաղորդման մեջ ահազանգում էր գավառի հողագործի և սակավահող գյուղացիների հող ստանալու բուռն պահանջի մասին: «Այժմ շատ ուժեղ և սուր բնավորություն է ստացել ժողովրդի մեջ,— գրում էր զեմստովոյի վարչության նախագահը,— հողաբաժանության խնդիրը: Տարիներով հողագործի գյուղացիները պահանջում են հող և հողի հավասարեցումն և արդեն իրենք սկսել են այդ գործը... Դրությունը լուրջ է և եթե մենք միջոցներ ձեռք չառնենք, իրենք առանց մեզ կռվով ու դավով կլուծեն այդ և նման շատ հարցերը»:

Գյուղացիությանը մոլորեցնելու և նրան ռևոլուցիոն շարժումից հեռու պահելու համար դաշնակցական կառավարությունը սուտ խոստումներ է տալիս գյուղացիությունը հող տալու մասին: Իրականում դաշնակները ոչ մի կալվածատերից մի թիվ հող անգամ չխլեցին ու չտվին գյուղացուն: Գյուղացին Հայաստանում հող ստացավ միայն սովետական իշխանության հաստատումից հետո:

1919 թ. տեղի են ունենում մի շարք գյուղացիական ելույթներ: Հունիսին Շամշադինի շրջանի Ղրդու, Նորաշեն, Վերին Կարմիր-Աղբյուր, Բերդ և այլ գյուղերի գյուղացիները հրաժարվում են զինվորներ տալ դաշնակցական կառավարության, պահանջում էին վերջ ապա ազդարին փոքրամասնությունների հարաձայնակրին: Գյուղացիների ելույթը ճնշելու համար դաշնակցական կառավարությունը պատմիչ գործառու է ուղարկում Շամշադին: Կառավարության զեմ ապստամբում է և Գարադաղյազ գավառի Մարտիրոս գյուղը, որի բնակիչները զայրացած էին դաշնակցական իշխանությունների սանձարձակություններից և կամայականություններից:

Խոշոր զեպրեր են տեղի ունենում 1920 թ. հունվարին Ալեքսանդրապոլի երկաթուղային կայարանում: Չայրացած դաշնակների հակաժողովրդական քաղաքականությունից, բանվորները բնդհարման մեջ են մտնում դաշնակցական իշխանությունների հետ: Դաշնակները ձերբակալում են 15 ռևոլուցիոն բանվորներ: Ի պատասխան դաշնակների կողմից գործադրվող բռնությունների՝ բանվորները գործադուլ են հայտարարում և պահանջում ազատել իրենց բնակիչներին: Երկաթուղային բանվորների պայքարին միանում են քաղաքի մյուս աշխատավորները: Բանվորների ելույթը ճնշելու համար դաշնակները գործի են դնում երկաթուղային միլիցիային, որի հետևանքով տեղի է ունենում զինված բնդհարում:

¹ Հայկական ՍՍԻՔ Պետ. նենար. Արխիվ, ֆոնդ № 89/200, գործ № 1748, Բ. 89:

1919 թ. դեկտեմբերի վերջերին և 1920 թ. հունվարի սկզբներին տեղի ունեցավ Հայաստանի բոլշևիկյան կազմակերպությունների առաջին կոնֆերանսը: Կոնֆերանսը որոշեց զինված ապստամբության միջոցով տապալել դաշնակցական կառավարությունը և հաստատել Հայաստանում սովետական իշխանություն: Կոնֆերանսից հետո պարտիական կազմակերպությունները կազմակերպական-մասսայական լայն աշխատանքներ ծավալեցին՝ կոնֆերանսի որոշումներն իրագործելու համար: Հայաստանի պարտիական կազմակերպությունների աշխատանքի աշխուժացման մասին ընկեր Ա. Սիկույանը 1920 թ. մարտի 6-ին հայտնում էր ընկ. Ս. Կիրովին, որ «Հայաստանում աշխատանքը կարգի է գցվել: Մեր ուժերն աճում են»:¹ Ընկեր Ս. Կիրովն իր հերթին այս մասին հետևյալ օրը հայտնում է Մոսկվա ԽՍՀՄ Կենտրոնական Կոմիտեին:

1920 թ. մարտի վերջերին Կարմիր Բանակը մաքրեց Հյուսիսային Կովկասը կոնտրռևոլուցիոն ուժերից և մոտեցավ Անդրկովկասի սահմաններին: Կարմիր Բանակի հաղթանակները չէին կարող չոգևորել Անդրկովկասի աշխատավորներին նրանց պայքարում, ուղղված օտարերկրյա զավթիչների և վերջինների գործակալության՝ անդրկովկասյան կոնտրռևոլուցիոն կառավարությունների դեմ: 1920 թ. մարտի 15-ին ՌԿ(Բ)Պ Կովկասյան երկրային Կոմիտեն Կովկասի բոլոր բոլշևիկյան կազմակերպությունների և ժողովուրդների աշխատավորական մասսաների ներկայացուցիչների կողմից դիմում ուղարկեց Համառուսական Կենտրոնական Գործադիր Կոմիտեին, ժողովրդական Կոմիսարների Սովետին, Երրորդ Կոմունիստական Ինտերնացիոնալին և Կարմիր Բանակին: «Մենք, Կովկասի բոլոր ժողովուրդների աշխատավորական մասսաների անունից, — ասվում էր այդ դիմումում, — մեր եղբայրական ջերմ ուղջույնն ենք հղում ռուսական պրոլետարիատին, դյուղացիության և Կարմիր Բանակին: Ձեր հաղթանակները, թանկագին եղբայրներ և ընկերներ, քաղաքացիական կռվի ճակատներում, ձեր անօրինակ հերոսական սխրագործությունները մարտի դաշտում և աշխատանքի ճակատում, մեր սրտերը լրջնում են արիությամբ և համոզմամբ մեր հաղթանակի նկատմամբ:

Մենք չենք ուզում մնալ ստրուկ, մանավանդ այժմ, երբ մեր կողքին կանգնած է Ռուսաստանի ազատագրված պրոլետարիատը, որի հետ մենք ցանկանում ենք միասնական պրոլետարական ինտերնացիոնալ ընտանիքի մեջ մտնել:

... Մենք անսասանորեն վստահ ենք և հաստատապես համոզված, որ Սովետական Բանվորա-Գյուղացիական Ռուսաստանը, Կոմունիստական Ինտերնացիոնալը և փառապանծ Կարմիր Բանակը անտարբեր ականատեսներ չեն մնա մեր կողմից դեղին-սև միացյալ կոնտրռևոլուցիայի դեմ տարվող անհավասար պայքարում և ակտիվ կերպով կօգնեն մեզ ազատվելու կապիտալի իշխանությունից:

Մենք խիստ տենչում ենք ռուս պրոլետարիատի հետ ձեռք ձեռքի տված մտնել ընդհանուր աշխատանքի և սոցիալիստական շինարարության նոր կյանքի մեջ»:²

¹ С. Киров, Статьи, речи, документы. Том I, Москва, 1936 г., стр. 205, 219.

² Այս փաստաթղթերը մենք բերում ենք Դ. Վ. Хачапуридзе «Большевики Грузии в боях за победу Советской власти» աշխատությունից, Մոսկվա, 1947 թ., էջ 180—182:

1920 թ. ապրիլի 28-ին Ադրբեջանի ապստամբ բանվորները և դյուղացիները Սովետական Ռուսաստանի փառապանծ 11-րդ բանակի օգնությամբ Ադրբեջանում հաստատեցին սովետական իշխանություն: Ադրբեջանի աշխատավորների այդ հաղթանակը մեծ չափով ոգևորեց Հայաստանի բանվորներին ու դյուղացիներին դաշնակների դեմ ուղղված նրանց պայքարում և նոր թափ հաղորդեց նրան:

Բոլշևիկյան պարտիայի ղեկավարությամբ 1920 թ. Հայաստանի բոլոր խոշոր վայրերում՝ Երևանում, Ալեքսանդրոպոլում, Կարսում, Սարիղամիշում, Ղարաքիլիսայում տեղի ունեցան մայիսմեկյան ցույցեր, ուղղված դաշնակցական կառավարության դեմ: Ցույցերն ընթացան բոլշևիկյան լոգունգների տակ: Այդ լոգունգներն էին՝ «Կեցցե Սովետական Ռուսաստանը», «Կեցցե Սովետական Ադրբեջանը», «Կեցցե Սովետական Հայաստանը», «Կեցցե Կոմունիստական պարտիան», «Կորչի դաշնակցական կառավարությունը» և այլն:

Աշխատավորներին բոլշևիկյան ազդեցությունից հեռու պահելու, ցույցերին հակակառավարական բնույթ շտալու նպատակով դաշնակները իրենք ևս փորձեցին անցկացնել մայիսի մեկի տոնակատարությունը: Բայց նրանց այդ փորձը ամենուրեք խայտառակորեն տապալվեց: Այն վայրերում, ուր տեղի ունեցան մայիսմեկյան ցույցեր, մասսաները գնացին բոլշևիկների ետևից: Ցույցերի հակադաշնակցական, հակակառավարական բնույթը, մասսաների մարտական տրամադրությունը ցույց տալու համար համառոտակի նկարագրենք Երևանում, Ալեքսանդրոպոլում, Կարսում և Սարիղամիշում տեղի ունեցած ցույցերը:

Մայիսմեկյան ցույցը Երևանում անցնում է բոլշևիկների ազդեցության տակ: Բոլշևիկների կողմից կազմակերպված Երևանի բանվորությունը գնում է մինչև դաշնակցական «պարլամենտի» շենքը: Ճանապարհին երթին միանում են բազմաթիվ համակրողներ: «Պարլամենտի» շենքի առջև տեղի է ունենում միտինգ, ուր կրակոտ ճառով, ուղղված դաշնակցական և անդրկովկասյան մյուս կոնտրոկուլուցիոն կառավարությունների դեմ, հանդես է գալիս բոլշևիկ Ս. Այավերդյանը, որի ելույթը մեծ ոգևորություն է առաջացնում: Միտինգում բոլշևիկները ցրում էին իրենց թուղթիկները: Թե երթի ժամանակ և թե միտինգում լսվում էին «Կորչի դաշնակցական կառավարությունը», «Կեցցե Սովետական Ռուսաստանը» բացականչությունները: Ցույցի ժամանակ ղինվորներն իրենց համակրանքն էին հայտնում բոլշևիկներին:

Հայաստանի բոլոր վայրերում տեղի ունեցած մայիսմեկյան ցույցերից ամենաուժեղը Ալեքսանդրապոլում էր, որտեղ գտնվում էր երկաթուղային բանվորների մեծ մասը և ուր ուժեղ էր բոլշևիկյան կազմակերպությունը: Այստեղ ևս ցույցն անցնում է բոլշևիկյան լոգունգների տակ: Այդ օրը բոլշևիկները կոչ էին հրատարակել, որի մեջ ասվում էր, որ մոտ է դաշնակցական կառավարության տապալման օրը: Մայիսի մեկի առավոտյան Ալեքսանդրոպոլի կայարանում տեղի է ունենում միտինգ, ուր խոսում են բոլշևիկ հոետորները: Միտինգից հետո ցուցարարները շարժվում են դեպի քաղաքի Դեպոյի բանվորների հրավերով գծի սպասարկման բանվորները թողնում են դաշնակների կողմից կազմակերպված միտինգը և ընդհարվելով նրանց հետ՝ միանում են բոլշևիկյան դրոշների տակ գտնվող ցուցարարներին: Մինչև քաղաքի կենտրոն հասնելը՝ երկաթուղային դպրոցի մոտ սկսվում է նոր միտինգ, ուր բոլշևիկյան հոետորները հանդես են գալիս հակակառավարական ելույթ-

ներում: Այստեղից ցուցարարները շարժվում են դեպի քաղաքի կենտրոնը: Քաղաքային այգու մոտ բացվում է մեծ միտինգ, որը անցնում է բարձր տրամադրությամբ և ուր մեծ հաջողությամբ ելույթներ են ունենում բոլշևիկները: Քաղաքի կայազորի պատգամավորների խնդիրքով ցուցարարները գնում են դեպի զորանոցները: Այստեղ հանդես է գալիս Ալեքսանդրոպոլի կայարանում կանգնած «Վարդան զորավար» զրահագնացքի հրամանատար Սարգիս Մուսայելյանը, որն իր և իր զինվորների կողմից հայտարարում է, որ իրենք պատրաստ են պայքարելու սովետական իշխանության հաստատման համար Հայաստանում: Հնչում են «Կեցցե բանվորների և զինվորների դաշինքը», «Կորչի խմբապետական կառավարությունը» և այլ բոլշևիկյան լուզունգներ: Միտինգը ողջունի հեռագիր է ուղարկում Ադրբեջանի Ռազմա-ռևոլուցիոն 'Իմիտեին: Այդ օրը բոլշևիկների կողմից կազմակերպված ցույցին մասնակցում են մոտ հինգ հազարից ավելի մարդ:

Կարսում և Սարիղամիշում մալիսի մեկին աշխատավորները նույնպես դուրս են գալիս բոլշևիկյան դրոշների տակ: Կարսում աշխատավորները կազմակերպված շարքերով նախ շարժվում են դեպի կայարան, ուր տեղի է ունենում միտինգ, ապա անցնելով գլխավոր փողոցներով՝ կանգ են առնում քաղաքի հրապարակում, որտեղ կրկին տեղի է ունենում միտինգ: Թե կայարանում և թե քաղաքի հրապարակում կայացած միտինգում մեծ ոգևորություն են առաջացնում բոլշևիկ-հեռուորների ելույթները: Սարիղամիշում աշխատավորների հետ միասին ցույցին ակտիվորեն մասնակցում են և կայազորի զինվորները: Բոլշևիկները հատուկ գնացք են ուղարկում Կարադուրդան, բանվորներին և զինվորներին Սարիղամիշ բերելու՝ ցույցին մասնակցելու համար: Ցուցարարները նախ գնում են դեպի 4-րդ գնդի զորանոցը, ուր սկսվում է միտինգ, իսկ հետո շարժվում են դեպի կայարան, ուր և փոխադրվում է միտինգը: Միտինգի մասնակիցները մեծ ոգևորությամբ լսում և արձագանքում են բոլշևիկ հեռուորներին, որոնց թվում և 4-րդ գնդի զինվորների ներկայացուցիչներին: Աշխատավորներին ահաբեկելու և մայիսմեկյան ցույցը խանդարելու նպատակով դաշնակները Սարիղամիշ էին բերել մի խումբ մաուզերիստների: Սակայն 4-րդ գնդի զինվորները, չորոնք տրամադրված էին բոլշևիկներին, թույլ չեն տալիս, որ դաշնակները իրագործեն իրենց մտադրությունը:

Մայիսմեկյան ցույցերը եկան ասելու, որ ժողովրդական լայն մասսաները գնում են բոլշևիկների ետևից և պատրաստ են թոթափելու իրենց ուսերից անգլո-ամերիկյան իմպերիալիստների և նրանց գործակալ դաշնակների լուծը և Հայաստանում հաստատել սովետական կարգեր: Իրավացի էր զրահապատ դնացքի հրամանատար Ս. Մուսայելյանը, երբ հայտարարում էր դաշնակցական բանակի գեներալներից մեկին՝ Գամազովին, որը խորամանկաբար փորձում էր Ալեքսանդրոպոլից Երևան բերել զրահագնացքը, թե ժողովրդական լայն մասսաները պահանջում են սովետական կարգերի հաստատումը Հայաստանում: Ցույցերն ապացուցեցին և այն, որ բանակում ուժեղ էր բոլշևիկների ազդեցությունը և զինվորները ևս պատրաստ էին ոտքի ելնել սովետական իշխանության հաղթանակի համար: Մայիսի մեկից հետո Ալեքսանդրոպոլում գտնվող զորամասերի ներկայացուցիչներն ամեն օր գալիս էին կայարան և բոլշևիկներին իրենց պատրաստակամությունը հայտնում առաջին իսկ կոշով իրենց զենքն ուղղել դաշնակցական կառավարության դեմ:

Արմենկոմի համար պարզ է դառնում, որ ապստամբությունը ամենամոտիկ ժամանակամիջոցի խնդիր է: Նա մշակում է ապստամբության ծրագիր, համաձայն որի ապստամբության ազդանշան տվողը պիտի լիներ Ղազախը, որը սահմանակից լինելով Սովետական Ադրբեջանին՝ ուներ ամուր թիկունք, որտեղից օգնություն կստանար: Բայց դեպքերը մայիսի մեկից հետո ընթացան այնպես, որ ապստամբության նախաձեռնողը Ալեքսանդրոպոլը հանդիսացավ: Մայիսի մեկից հետո «Վարդան զորավար» զրահագնացքը և Ալեքսանդրոպոլ կայարանը գտնվում էին ապստամբ վիճակում: Անհրաժեշտ էր անմիջապես գլխավորել արդեն փաստորեն սկսված ապստամբությունը Ալեքսանդրոպոլում և միաժամանակ հրահանգ տալ սկսել նաև Ղազախում և ուրիշ վայրերում: Սակայն Արմենկոմը նախ մեծ հապաղումով է իր ներկայացուցիչներին ուղարկում Ալեքսանդրոպոլ՝ տեղում ծանոթանալու դեպքերի հետ և երկրորդ՝ նրանց հանձնարարում է աշխատել կասեցնել ապստամբությունը և միայն անկարելիության դեպքում համաձայնություն տալ սկսել այն:

Մայիսի 7-ին Ալեքսանդրոպոլում, զրահագնացքում, տեղի է ունենում Ալեքսանդրոպոլի և նրա շրջակա գյուղերի ու Կարսի, Սարիղամիշի, Ղարաքիլիսայի բոլշևիկյան կազմակերպությունների ներկայացուցիչների խորհրդակցություն, մասնակցությամբ Արմենկոմի ներկայացուցիչների: Խորհրդակցությունը որոշում է սկսել զինված ապստամբությունը: Ապստամբությունը դեկավարելու համար խորհրդակցությունն ընտրում է Հայաստանի Ռազմա-ռևոլյուցիոն կոմիտե և ցուցում է տալիս, որ ռազմա-ռևոլյուցիոն կոմիտեներ կազմակերպվեն նաև շրջաններում:

Հայաստանի Ռազմա-ռևոլյուցիոն կոմիտեն ևս իր հերթին հաշտնաբերում է դանդաղկոտություն, անհամարձակություն և անթույլատրելի բարեհոգություն դեպի դաշնակները և մյուս կոնտրռևոլյուցիոնները: Ալեքսանդրոպոլում և Հայաստանում նա սովետական իշխանություն է հայտարարում միայն մայիսի 10-ին, այնինչ այդ կարելի էր անել խորհրդակցությունից անմիջապես հետո: Այդ օրը նա հրապարակում է իր դեկլարացիան, ուր ասվում էր, թե աշխատավորների կամքով նա Հայաստանը հայտարարում է Սովետական: Ռազմա-ռևոլյուցիոն կոմիտեն նույն օրը մի կողմով դիմում է Ալեքսանդրոպոլի աշխատավորներին՝ զգուշացնելով նրանց դաշնակների և մութ ուժերի սև աշխատանքից:

Քաղաքի տերը դառնալով, սակայն, Ռազմա-ռևոլյուցիոն կոմիտեն զրահագնացքից չի փոխադրվում այնտեղ, այլ նշանակում է իր արտակարգ կոմիսարին: Մինչդեռ անհրաժեշտ էր փոխադրվել քաղաք և անմիջապես ձեռնամուխ լինել սովետական օրգանների կազմակերպման:

Միաժամանակ ապստամբում են և Ալեքսանդրոպոլի շրջակա գյուղերը: Քավթառուի շրջանի գյուղացիներն իրենց գյուղերից դուրս են վճռում դաշնակցական կառավարության ներկայացուցիչներին և գյուղերում հայտարարում սովետական իշխանություն:

Կարսում և Սարիղամիշում ապստամբությունը պիտի սկսվեր Հայաստանի Ռազմա-ռևոլյուցիոն կոմիտեից հրահանգ սաանալուց հետո: Նախօրոք ևրկու տեղումն էլ կազմակերպվում են ռազմառևոլյուցիոն կոմիտեներ:

Կարսում ապստամբությունը սկսվում է մայիսի 10-ին: Այդ օրը տեղափախված ռազմա-ռևոլյուցիոն կոմիտեն, որի գլուխն էր անցել աննկուն բոլշևիկ

Ղ. Ղուկասյանը, Կարսում հայտարարում է սովետական իշխանություն: Դաշնակները փորձում են դիմադրել: Նրանք շրջապատում են ռազմա-ռևոլուցիոն կոմիտեի շենքը, բայց պարտվում են: Այնուհետև նրանք փորձում են զինաթափ անել պարետային վաշտի զինվորներին, բայց վերջինները սպառնում են կրակ քացել և դաշնակները ցրվում են: Ռազմա-ռևոլուցիոն կոմիտեն գրավում է քաղաքի կարևոր հիմնարկությունները՝ փոստ-հեռագրատունը, բանկը և այլն: Քաղաքը փաստորեն անցնում է ռազմա-ռևոլուցիոն կոմիտեի ձեռքը: Ղեկավարվելով Հայաստանի Ռազմա-ռևոլուցիոն կոմիտեից ստացված հրահանգներով, տեղական ռազմա-ռևոլուցիոն կոմիտեն չի մեկուսացնում դաշնակ պաշտոնյաներին, որոնց թվում և Կարսի նահանգապետ Կորգանովին, զորքերի հրամանատար Փիրումովին և ուրիշներին: Անգամ Կարսի ռազմա-ռևոլուցիոն կոմիտեն ղեկավար զինվորականների և պաշտոնյաների խորհրդակցություն է հրավիրում, ուր վերջինները ցանկանալով բռնություն և պատամքների զգոնությունը, առերես խոստանում են հանաչել սովետական իշխանությունը: Սակայն շարունակելով իրենց կոնտրռևոլուցիոն գործունեությունը, նրանք սկսում են պրովոկացիոն հայտարարություններ անել սովետական իշխանության հասցեին և պատրաստվել տապալել այն: Նրանց հաջողվում է մայիսի 11-ին ապստամբների դեմ հանել ապսպես կոչված պահակային գումարտակը, որը կազմված էր զինվորական ծառայությունից խուսափող էլեմենտներից և քաղաքի սպեկուլյանտներից: Քաղաքում մթնոլորտը լարվում է: Ընդհարումը դաշնակների հետ ռեալ է դառնում: Անակնկալներից խուսափելու համար ռազմա-ռևոլուցիոն կոմիտեն փոխադրվում է Կարսի ամրոցներից մեկի մեջ:

Մայիսի 12-ին դաշնակները փորձում են հարձակվել ամրոցի վրա, որի դեմ ուղարկում են դաշնակներից խաբված գաղթականների մի բազմություն և սպեկուլյանտներից կազմված ամբոխի: Սակայն ամբոխը ցրվում է օդի մեջ արձակված մի քանի թնդանոթային և հրացանային համազարկերից:

Սարիղամիշում ապստամբությունը սկսվում է մայիսի 10-ի գիշերը: Ռազմա-ռևոլուցիոն կոմիտեի կարգադրությամբ, որի գլուխն էր անցել բոլշևիկ Ա. Ճուղուրյանը, գիշերը զինվորները շրջապատում են քաղաքային վարչությունը և պահանջում, որ նա հանձնվի ռազմա-ռևոլուցիոն կոմիտեին: Ռազմա-ռևոլուցիոն կոմիտեի այս առաջարկը վարչությանը ներկայացնողին դաշնակները սպանում են: Տեղի է ունենում զինված ընդհարում դաշնակների և զինվորների միջև, որի ժամանակ սպանվում է մաուզերիստների ղեկավարը: Դաշնակները ստիպված են լինում հանձնվել և ռազմա-ռևոլուցիոն կոմիտեն նրանց բանտարկում է, ինչպես և բանտարկում է մյուս ակտիվ դաշնակներին, բացի մի քանիսից, որոնք կարողանում են թաքնվել: Քաղաքը անցնում է ռազմա-ռևոլուցիոն կոմիտեի ձեռքը:

Կարսից ապստամբները օգնություն են խնդրում Սարիղամիշի ռազմա-ռևոլուցիոն կոմիտեից: Վերջինս շտապ պատրաստում է մի գնացք և ուղարկում Կարս: Յուրաքանչյուր վագոնի շուրս կողմը դրվում են ավազով լցված տոպրակներ, իսկ տոպրակների ետևից գնդացիները: Սակայն այդ սպառազինված գնացքը Բեգլի-Ահմեդ կայարանից դեմը չի կարողանում գնալ՝ գիծը դաշնակների կողմից կտրված լինելու պատճառով և ստիպված է լինում վերադառնալ Սարիղամիշ: Այսպիսով Սարիղամիշը Կարսից և Ալեքսանդրոպոլից կտրվում է և չի իմացվում, թե ի՞նչ է կատարվում այնտեղ:

Մայիսի 13-ին ապստամբությունը ծագում է նոր-Բայազետի գավառում: Գավառի բոլշևիկյան կազմակերպության ղեկավարն էր աշխատավորների կազմից սիրված և հարգված Հ. Սարուխանյանը, որին դաշնակները 1920 թ. ապրիլին գավառից աքսորել էին ռեդուցիոն գործունեության համար: Արմենիկոմի հանձնարարությամբ նա մայիսին վերադառնում է Բայազետ, այնտեղ ապստամբությունը կազմակերպելու և ղեկավարելու համար:

Ապստամբությունը նոր-Բայազետում սկսվում է Ղարանլուխ (այժմ Մարտունի) գյուղից: Այդ գյուղում կանգնած ռազմա-միլիցիոնների կանգնած զինվորների մեջ բոլշևիկների տարած աշխատանքը տալիս է իր արդյունքը — զինվորներն ապստամբվում են դաշնակցական կառավարության դեմ: Ապստամբվում են և այդ օրը Բասարգեշարից ինքնակամ կերպով Ղարանլուխ եկած մի վաշտի զինվորները, որոնք զժգոհ էին դաշնակցական կառավարության ազգային փոքրամասնությունների նկատմամբ վարած ջարդարար քաղաքականությունից և ընդհարումներից հարևան եղբայրական ժողովուրդների հետ, ինչպիսի նպատակով և այդ զորամասը դաշնակցական կառավարության կողմից ուղարկված էր Բասարգեշար: Հրամանատարական կազմի բոլոր ջանքերը, անջատելու զինվորներին բոլշևիկներից՝ անհաջողության են մատնվում: Ապստամբները կազմակերպում են ռազմա-ռեդուցիոն կոմիտե՝ Հ. Սարուխանյանի գլխավորությամբ: Ղարանլուխ գյուղն անցնում է ապստամբների ձեռքը, որոնք բանտարկում են նոր Բայազետի գավառում գործող դաշնակցական կառավարության զորամասերի հրամանատար գեներալ Սիլիկովին, որն ապստամբության ժամանակ գտնվում էր Ղարանլուխում և փորձում էր ճնշել այն: Թողնելով իրենց ուժերի մի մասը Ղարանլուխում, ապստամբները մյուս մասի հետ շարժվում են դեպի նոր-Բայազետ: Ճանապարհին նրանց միանում են Ղարանլուխի շրջանի գյուղերի գյուղացիները: Մայիսի 17-ին, կռիվից հետո, ապստամբները գրավում են քաղաքը:

Շամշադինում ապստամբությունը բռնկվում է մայիսի 14-ին, իսկ Կարվանսարայի (այժմ Իջևան) շրջանում՝ մայիսի 19-ին: Շամշադինում և մի շարք ուրիշ գյուղերում՝ Ղրղիում, Նորաշենում, Չորաթանում և այլ գյուղերում հայտարարվում է սովետական իշխանություն: Մայիսի 20-ին Քարվանսարայի ապստամբ գյուղացիները և նրանց միացած կառավարական 6-րդ զնդի զինվորները վերցնում են Քարվանսարան, գրավում պետական հիմնարկները և ձերբակալում դաշնակ գործիչներին: Մայիսի 21-ին Քարվանսարայում կազմակերպված ռազմա-ռեդուցիոն կոմիտեն Քարվանսարայում հայտարարում է սովետական իշխանություն: Բնակչությունն այդ ակտը ընդունում է ցնծությամբ, քաղաքը զարգարվում է կարմիր դրոշակներով: Քարվանսարայից ապստամբները շարժվում են դեպի Դիլիջան, որը և գրավում են: Վախենալով Շամշադինի և Քարվանսարայի շրջանների գյուղացիների ռեդուցիոն տրամադրությունից, դաշնակների դեմ պայքարելու նրանց վճռականությունից և այդ բոլորից բխող հնարավոր բարդություններից, դաշնակցական կառավարությունը օգնություն է խնդրում իր տերերից — իմպերիալիստական պետություններից: Մայիսի 22-ին նա Վրաստանի իր դիվանագիտական ներկայացուցչին հեռագրում է հետևյալը. «Բոլշևիկները գրավեցին Դիլիջանը: Կատեգորիկ կերպով դաշնակիցներից օգնություն խնդրեցեք...»:

1920 թվի մայիսին տեղի է ունենում ապստամբություն և Զանգեզուրում:

Ադրբեջանում սովետական իշխանության հաստատումից հետո աշխուժանում են պարտիական կազմակերպությունների աշխատանքները Զանգեզուրում: Զանգեզուրի բոլշևիկները կապեր են հաստատում Բաքվի և Լեննային Ղարաբաղի բոլշևիկների հետ: Շուտով Կարմիր Բանակը մաքրում է Ղարաբաղը դաշնակցական և մուսավաթական հրոսակախմբերից և մոտենում Զանգեզուրի սահմաններին: Զանգեզուրի գյուղացիությունը անհամբեր սպասում էր Կարմիր Բանակի գալուն: Մի թղթակցությունում այդ մասին կարդում ենք. «Զանգեզուրի գյուղացիությունն անհամբեր սպասում է Կարմիր Բանակին: Խնձորեսկ գյուղը երբ իմանում է, որ Կարմիր զորքը մտել է Շուշի, դուրս է գալիս Կարմիր դրոշակներով, բայց կառավարական զորքը վրա է հասնում ցրում բոլորին... Զանգեզուրի գյուղացիությունը սպասում է Կարմիրների գալուն, որ պիտի փրկեն նրանց դաշնակցականների ձեռքից»:¹

Մայիսի 20-ին ապստամբվում են Սիսիանի մի շարք գյուղեր՝ Բռնակոթ, Շաղաթ, Ղարաքիլիսա և ուրիշները: Ապստամբները կազմակերպում են ռազմա-ռևոլուցիոն կոմիտե: Մայիսի 28-ին ապստամբվում է նաև Գորիսի շրջանի Խնձորեսկ գյուղը, որտեղ ուժեղ էր բոլշևիկյան կազմակերպությունը: Խնձորեսկում հայտարարվում է սովետական իշխանություն, բանտարկվում են դաշնակցական պաշտոնյաները և զինվորականները:

Արմենկոմը փորձում է ապստամբություն կազմակերպել և Երևանում: Բայց որովհետև քաղաքում քաղաքար չափով աշխատանք չէր տարված, մանավանդ Քանաքեռում կանգնած զինվորական մասերում, ուստի և Արմենկոմին չի հաջողվում կիրառել իր այդ մտադրությունը:

Հերոսական մայիսյան ապստամբությունը պարտվեց շնորհիվ Արմենկոմի և Հայաստանի Ռազմա-ռևոլուցիոն Կոմիտեի կազմի մեջ խցկված դավաճանական տարրերի գործունեության: Արմենկոմը և Հայաստանի Ռազմա-ռևոլուցիոն Կոմիտեն թույլ տվին կոպիտ քաղաքական և ռազմական սխալներ: Այն ժամանակ, երբ պետք էր գործել համարձակորեն և անցնել հարձակման թշնամու դեմ, նրանք հայտաբերեցին անվճռականություն և դանդաղկոտություն, որի շնորհիվ ապստամբությունները առանձին վայրերում տեղի ունեցան տարբեր ժամանակներում և վերածվեցին իրարից կտրված ելույթների:

Վ. Ի. Լենինը Հոկտեմբերյան Սոցիալիստական Մեծ ռևոլուցիայի նախօրյակին խոսելով զինված ապստամբության մասին, հիշեցնում էր Կ. Մարքսի խոսքերը, թե «զինված ապստամբությունը, ինչպես և պատերազմը, արվեստ է»: «Այդ արվեստի գլխավոր կանոններից, — գրում է Վ. Ի. Լենինը, — Մարքսն առաջադրեց հետևյալները.

1. Երբեք չխաղալ ապստամբության հետ, այլ սկսելով այն՝ հաստատ իմանալ, որ հարկավոր է մինչև վերջ գնալ:

2. Անհրաժեշտ է ուժերի մեծ գերակշռություն հավաքել վճռական վայրում, վճռական մոմենտին, որովհետև, հակառակ դեպքում, թշնամին ավելի լավ նախապատրաստություն և կազմակերպություն ունենալով, կոշնչացնի ապստամբներին:

¹ «Գոմուսխատ», 1920 թ., 15 հուլիսի № 48:

3. Քանի որ ապստամբությունն սկսված է, պետք է գործել ամենամեծ վճռականությամբ և անպատճառ, անպայման հարձակման անցնել: «Պաշտպանվելը՝ զինված ապստամբության մահն է»:

4. Պետք է աշխատել թշնամուն հանկարծակիի բերել, գտնել այն մոմենտը, երբ նրա զորքերը ցրված են:

5. Պետք է աշխատել ամեն օր, թեկուզ փոքրիկ հաջողություններ ձեռք բերել (կարելի է ասել ամեն ժամ, եթե գործը վերաբերում է մի քաղաքի), ինչ էլ լինի՝ պահպանելով «քառոյական գերակշռությունը»:

Բոլոր ռեզիստանսների դասերը զինված ապստամբության վերաբերմամբ Մարքսն ամփոփեց «պատմության մեջ ռեզիստանսն առկա լինելու ամենամեծ վարպետ Դանտոնի խոսքերով՝ համարձակություն, համարձակություն և գարձալ համարձակություն»¹ Թե Արմենկոմը և թե Հայաստանի Ռազմա-ռեզիստանս Կոմիտեն անտեսեցին մարքսիզմ-լենինիզմի կլասիկների ռամոնքի այս դրույթը զինված ապստամբության մասին:

Ապստամբության պարտության գործում դեր խաղաց և անգլո-ամերիկյան ինտերվենտների օգնությունը դաշնակներին: Հայաստանի և Անդրկովկասի «գերագույն կոմիսար» ամերիկյան գնդապետ Հասկելը և մենշևիկները պատրաստվում էին տնտեսական բլոկադայի ենթարկել Հայաստանը — արգելել ամեն տեսակի ապրանքների մուտքը Հայաստան մենշևիկյան Վրաստանի երկաթուղով: Նույն Հասկելի կարգադրությամբ Ալեքսանդրոպոլի ամերիկյան կոմիտեն մայիսի մեկից հետո սկսեց ցաքուցրիվ տալ իր տրամադրության տակ գտնվող մթերքները, ցանկանալով խուճապ առաջացնել քաղաքում և այդ էանապարհով հարվածել ապստամբությանը Ալեքսանդրոպոլում:

Ապստամբության առաջին օրերին իր գլուխը կորցրած դաշնակցական կառավարությունը՝ օգտագործելով Արմենկոմի և Հայաստանի Ռազմա-ռեզիստանս Կոմիտեի սխալները, կարողանում է ժամանակ շահել իր ուժերը հավաքելու և նրանց ուղղելու համար ապստամբների դեմ: Կառավարությունը երկրում հայտարարում է արտակարգ դրություն: Երկրի բոլոր կոնտրռեզիստանսները պարտիաները՝ ժողովրդականները (հայ կադետները), մենշևիկները, էսերները, սպեցիֆիկներն ու ուրիշները, ինչպես և հոգեկորականությունը դաշնակների գլխավորությամբ միասնական ճակատով հանգես են գալիս ճնշելու ապստամբությունը: Դաշնակցական կառավարությունն իր ուժերն առաջին հերթին ուղղում է ապստամբության կենտրոնի՝ Ալեքսանդրոպոլի դեմ: Նա Ալեքսանդրոպոլի դեմ է ուղարկում Կամբապետ Սեպուհի գլխավորությամբ մաուզերիստներից, դաշնակցական պարտիայի անդամներից և կանոնավոր բանակի զորամասերից կազմված մի ջոկատ: Ջոկատի վստահելի մասը կազմում էին դաշնակները և մաուզերիստները, իսկ կանոնավոր զորամասերի զինվորները անհուսալի էին կառավարության համար և առաջին չսկ ընդհարման դեպքում կանցնեին ապստամբների կողմը: Հայաստանի Ռազմա-ռեզիստանս Կոմիտեի տրամադրության տակ եղած զինված ուժերը բավական չէին այդ ջոկատը ջախջախելու համար, բայց շնորհիվ իր անվճռականության ու տատանումների, ինչպես նաև դավաճանների գործունեության՝ չկարողացավ մարտի հանել իր ուժերը: Ռազմա-ռեզիստանս Կոմիտեի զինված ու-

¹ Վ. Ի. Լենին, Լենինի երկեր, երկու հատորում, Նրեան, 1949 թ., 2-րդ հատոր, էջ 130—131:

ժերի ղեկավարի պոստն էր կարողացել սողոսկել գնդապետ Ղորղանյանի, որն, ինչպես պարզվեց հետո, կապված լինելով դաշնականների հետ՝ նրանց հանձնարարությամբ սաբոտաժի էր ենթարկում դաշնակցական կառավարության ուժերի ջախջախումը, անելով խուճապային հայտարարություններ անմասին, որ այդ խնդիրը իրագործելու համար ապստամբներն իբր թե չունեն անհրաժեշտ շափով ուժեր։ Միակ ուղղակի գործողությունը, որ տեղի ունեցավ՝ դա երևանի ուղղությամբ հետախուզության դուրս եկած զրա՛նապատ գնացքի ընդհարումն էր Սեպուհի ջոկատի հետ։ Տեսնելով, որ իր ջոկատի կանոնավոր զորամասերի զինվորներն անհուսալի են իրեն համար և որ նա կարող է պարտվել, Սեպուհը թողնում է երկաթգիծը և գյուղերի վրայով շարժվում դեպի Ալեքսանդրոպոլ։ Մայիսի 14-ին ջոկատը մտնում է քաղաք։

Ալեքսանդրոպոլը վերցնելուց հետո դաշնակցական կառավարությունն իր ուժերն ուղղում է ապստամբած մյուս վայրերի դեմ և առանձին-առանձին ճնշում ապստամբությունները։ Մայիսի 13-ին Կարսում ապստամբությունը պարտվում է։ Կարսից Ալեքսանդրոպոլ նահանջելիս, Արգինե գյուղի մոտ, դաշնականների հետ ընդհարման ժամանակ զոհվում է Կարսի ապստամբների ղեկավար բոլշևիկ Ղ. Ղուկասյանը։ Կտրված լինելով դրսից և օգնություն չստանալով՝ ապստամբները Սարիղամիշում ստիպված են լինում մայիսի 13-ին զիջել քաղաքը։ Մայիսի 19-ին, համառ կռիվից հետո, դաշնակները վերցնում են Նոր-Բայազետը։ Դաշնակցական ճիվաղները շտեմնված տանջանքների ենթարկեցին Նոր-Բայազետի գավառի ապստամբների ղեկավար Հ. Սարուխանյանին և գազանաբար սպանեցին նրան։ Շամշադինի և Քարվանսարայի շրջաններում կռիվները ապստամբների ու դաշնականների միջև երկարատև և կատաղի բնույթ են ստանում։ Շամշադինի և Քարվանսարայի ապստամբ գյուղացիները ցուցաբերում են հերոսական պայքարի փառավոր նմուշներ, բայց վերջիվերջո ստիպված են լինում թողնել Հայաստանի սահմանները և անցնել Սովետական Ադրբեջան, որտեղ նրանք մտնում են Կարմիր Բանակի շարքերը։ Զանգեզուրում կռիվները նույնպես երկարատև և համառ բնույթ են ստանում։

Ճնշելով ապստամբությունը, դաշնակցական կառավարությունը հաշվեհարդար է տեսնում ապստամբած ժողովրդական մասսաների հետ։ Հայաստանի բոլոր կոնտրռևոլուցիոն ուժերը դաշնականների գլխավորությամբ շտեմնրված դաժան հալածանքներ սկսեցին աշխատավորների դեմ։ Ապստամբներին պատժելու համար կառավարությունն ստեղծում է արտակարգ դատարաններ։ Հարյուրավոր ռևոլուցիոն բանվորներ ու գյուղացիներ գնդակահարվեցին և սպանվեցին Հայաստանի զանազան վայրերում։ Դաշնակները առանձնապես կատաղի արշավանք սկսեցին Հայաստանի բանվորների ու գյուղացիների ավանգարդի՝ կոմունիստական պարտիայի դեմ։ Դաշնակ դահիճների ձեռքով ընկան հայ ժողովրդի ազատության, նրա այսօրվա երջանիկ կյանքի համար պայքարող, Լենինի-Ստալինի մեծ պարտիայի հավատարիմ զավակներ Ս. Ալավերդյանը, Ս. Մուսայելյանը, Հ. Սարուխանյանը, Ղ. Ղուկասյանը, Բ. Ղարիբջանյանը, Բ. Բատիկյանը, Ե. Սեվոյանը, Ե. Մկրտումյանը, Վ. Ալեքսեևը և ուրիշ շատեր։

Դաշնակցական կառավարության գազանությունները Սովետական Ռուսաստանի, Սովետական Ադրբեջանի և Վրաստանի աշխատավորների մեջ մեծ վրդովմունք առաջ բերեց, որոնք իրենց բողոքի ձայնը բարձրացրին։

Մայիսյան ապստամբությունը ակտիվորեն մասնակցեց Հայաստանի կոմունիստական նրիտասարդական Միությունը՝ «Սպարտակը»:

Ապստամբության պարտությունից հետո դաշնակցական կառավարությունը շտապեց հանգստացնել իր տերերին-- իմպերիալիստական պետություններին, որոնք վախենում էին, որ Հայաստանը ևս կարող է Ադրբեջանի պես դուրս գալ իրենց ձեռքից: Դաշնակցական կառավարության արտաքին գործերի մինիստրը կարգադրում է նույն կառավարության ներկայացուցչին՝ Վրաստանում՝ հայտնել իմպերիալիստական պետությունների կառավարություններին հետևյալը. «Իմ անունից հեռագրեք հնդկա-եվրոպական հեռագրով կամ ռադիոյով Հոռոմ, Փարիզ, Լոնդոն և Վաշինգտոն, որ բոլշևիկյան շարժումը Հայաստանում... ճնշված է...»¹ Դատարկ սնտապրծություն էր դաշնակի այդ հայտարարությունը: Հայաստանի բանվորներն ու գյուղացիները ոչ միայն չդադարեցրին, այլ, ընդհակառակը, ավելի ուժեղացրին իրենց պայքարը բոլշևիկների դեկավարությամբ սովետական իշխանության հաղթանակի համար, մինչև որ նրանք հասան իրենց նպատակին՝ սովետական կարգերի Հաստատմանը Հայաստանում 1920 թ. նոյեմբերի 29-ին:

Մայիսյան փառապանծ ապստամբությունը սովետական իշխանության հաղթանակի համար Հայաստանի բանվորների և գյուղացիների կողմից մեղավոր պայքարի ամենափառավոր էջերից մեկն է հանդիսանում:

3. ՍՈՎԵՏԱԿԱՆ ԿԱՐԳԵՐԻ ՀԱՍՏԱՏՈՒՄԸ ՀԱՅԱՍՏԱՆՈՒՄ

Մայիսյան ապստամբությունը՝ քաղաքացիական պատերազմի մի դպրոց էր, որի բովով անցան Հայաստանի բանվորներն ու գյուղացիները: Հաշվի առնելով ապստամբության դասերը, նրանք բոլշևիկյան պարտիայի դեկավարության մեջ եռապատիկ եռանդով շարունակեցին իրենց պայքարը դաշնակների տիրապետության դեմ՝ լի հավատով դեպի իրենց հաղթանակը:

Մայիսյան ապստամբությունից հետո քաղաքացիական կռիվները Շամշադինում շարունակվեցին մինչև հունիսի վերջը: Զանգեզուրի աշխատավորները 11-րդ բանակի զորամասերի օգնությամբ շարունակեցին իրենց պայքարը դաշնակների դեմ: 1920 թ. հուլիսից մինչև հոկտեմբերը Զանգեզուրի մեծ մասում հաստատվեցին սովետական կարգեր: Նոր-Բայազետի գավառում, մայիսյան ապստամբությունից հետո, ընդհարումներ տեղի ունեցան Դալի-ղարդաշ (այժմ՝ Սարուխան) և ուրիշ գյուղերում դաշնակցական բռնակալների և գյուղացիների միջև:

Խոսելով Հայաստանում սովետական իշխանության հաղթանակի մասին, ընկեր Ստալինը գրում է. «Ահա մի քանի փաստեր, որոնք հասցրին Հայաստանի սովետականացմանը: Դաշնակների, Անտանտայի դորժակալների կործանարար քաղաքականությունը երկիրը հասցնում է անարխիայի ու աղքատության: Դաշնակների սարքած պատերազմը Թուրքիայի դեմ վերջին ծայրահեղության է հասցնում Հայաստանի ծանր դրությունը: Սովից ու իրավագրկությունից տանջված՝ Հայաստանի հյուսիսային գավառները ապստամբում են նոյեմբերի վերջին և ստեղծում են Հայաստանի ռեդուցիոն ռազմական Կոմիտե... Նոյեմբերի 30-ին Հայաստանի Ռեկոմի նախագահից ընկեր Էնիսի անունով ստացվում է ողջունի հեռագիր, որով հաղորդվում է Սովետա-

¹ Հայկական ՍՍԽ Պետ. Կենտր. Արխիվ, ֆոնդ № 68/20, գործ № 764, Թ. 118:

կան Հայաստանի ծննդյան, և Ռեկոմի կողմից Դիլիջան քաղաքը դրավելու մասին»¹

Դաշնակների ներքին կործանարար քաղաքականության հետ մենք արդեն ծանոթացանք: Այժմ համառոտակիորեն կանգ առնենք դաշնակցական Հայաստանի և բեմալական Թուրքիայի միջև 1920 թ. աշնանը ծագած պատերազմի վրա: Խոսելով այդ պատերազմի մասին, ընկեր Ստալինը գրում է. «Դաշնակների Հայաստանն ընկավ, անկասկած, որպես Անտանտայի պրովոկացիայի գոհ, որը նրան զրգռեց Թուրքիայի դեմ, և հետո նրան խայտառակ կերպով լքեց — թողեց թուրքերի հոշոտմանը»:

1920 թ. օգոստոսի 10-ին Անտանտայի պետությունների և Թուրքիայի սուլթանական կառավարության միջև Սևրում (Ֆրանսիա) հաշտության պայմանագիր կնքվեց: Պայմանագրի 6-րդ հատվածի 88—91 հոդվածներով նախատեսվում էր «անկախ» Հայաստանի կազմակերպումը Վանի, Բիթլիսի, Էրզրումի և Տրապիզոնի վիլայեթների սահմաններում: Այդ ապագա «անկախ» Հայաստանի սահմանները պիտի որոշեր ԱՄՆ-ի նախագահ Վիլսոնը: Ազգերի լիգան հարց էր հարուցել, որ հենց ԱՄՆ-ն էլ վերցնի Հայաստանի «մանդատը»: Ելնելով նվաճողական քաղաքականությունից, ԱՄՆ-ը դեմ չէր Ազգերի լիգայի առաջարկին: Սակայն ամերիկյան իմպերիալիստները չէին բավարարվում միայն Հայաստանի «մանդատով»: Հայաստանը առանձին վերցրած նրանց չէր գոհացնում: Նրանք համաձայնվում էին վերցնել Հայաստանի «մանդատը» միայն այն պայմանով, եթե նրանց կտրվի նաև «մանդատ» Անդրկովկասի, Թուրքիայի և Մերձավոր Արևելքի վրա: Այսպիսով, Հայաստանի «մանդատի» շիրմայի տակ ամերիկյան իմպերիալիստները ցանկանում էին զավթել Անդրկովկասը, պոկելով նրան անդրկովկասյան կոնտրոլուցիոն կառավարությունների միջոցով Սովետական Ռուսաստանից: Նրանց նպատակն էր նաև տիրանալ Թուրքիային և ամբողջ Մերձավոր Արևելքին: Այս պլանը իրագործելու համար ԱՄՆ-ում անգամ սկսվել էր կամավորների հավաքագրումը: Ըր հերթին անգլիական իմպերիալիստները Հայաստանին «օգնելով» պատրվակի տակ ձգտում էին զավթել Անդրկովկասը, իսկ ֆրանսիական իմպերիալիստները՝ Կիլիկիան և Սիրիան:

Ընդառաջելով դաշնակներին և Սևրի պայմանագրում մտցնելով «անկախ» Հայաստանի կազմակերպման հարցը, իմպերիալիստական պետությունները մտածում էին միմիայն իրենց շահերի և ոչ թե հայ ժողովրդի մասին: Այսպիսով Սևրի պայմանագիրը չէր լուծում Արևմտյան Հայաստանի հարցը:

Ինչպես արդեն ասվեց վերևում, Սևրի պայմանագիրը կնքված էր սուլթանական կառավարության հետ, իսկ այնինչ Անատոլիայում և Արևմտյան Հայաստանում իշխանության տերերն էին բեմալականները, որոնք պայքարում էին այդ պայմանագրի ոչնչացման համար: Դաշնակցական կառավարությունն իր ուժերով ի վիճակի չէր կիրառել Սևրի պայմանագրի այն հատվածը, որը վերաբերում էր Արևմտյան Հայաստանին: Այդ խնդրի լուծումը նա կապում էր ապագա «մանդատյոր» պետության հետ:

¹ Ի. Վ. Ստալին, Երկեր, հատոր 4, էջ 458—459:

² Ի. Վ. Ստալին, Երկեր, հատոր 4, էջ 458:

³ Այս մասին տես Բ. Է. Սիեյն, «Русский вопрос» на Парижской мирной конференции, Москва, 1948 г., стр. 343.

Իմպերիալիստական պետությունները, և առաջին հերթին Անգլիան, այդ ժամանակ շահագրգռված էին քեմալականների շարժման ճնշմամբ: Նրանք իրենց ձեռքին խաղալիք դարձած դաշնակցական կառավարությանը պատերազմի էին հրահրում քեմալականների դեմ՝ հասնելու համար իրենց այդ նպատակին: Միաժամանակ այդ նույն իմպերիալիստական պետությունները իմանալով Անդրկովկասը զավթելու քեմալականների մտադրությունը, նրանց ևս պատերազմի էին հրահրում Հայաստանի դեմ, հույս ունենալով, որ վերջին հաշվով իրենց կհաջողվի իրար դեմ հանել Սովետական Ռուսաստանին և քեմալական Թուրքիային:

1920 թ. հունիսին և հուլիսին նոտաների փոխանակություն տեղի ունեցավ դաշնակցական և Անգորայի կառավարությունների միջև՝ դաշնականների կողմից Օլթիի շրջանում ձեռնարկած ռազմական գործողությունների առթիվ:

Իր առաջին նոտայում, հունիսի վերջերին, անգորական կառավարությունը առաջարկում էր դաշնակցական կառավարությանը դադարեցնել ռազմական գործողությունները Օլթիի շրջանում և խաղաղ ճանապարհով լուծել վիճելի տերիտորիալ հարցերը: Նոտայում, սակայն, ոչինչ չէր ասվում Հայաստանի սահմանների մասին: Նրկրորդ նոտայում, հուլիսի սկզբներին, քեմալական կառավարությունը բաց է անում իր քարտերը, հայտարարելով, որ նա տերիտորիալ խնդիրներում կանգնած է Բրեստ-Լիտովսկու պայմանագրի և Բաթումում կնքված կոնվենցիայի տեսակետի վրա:¹ Քեմալական կառավարությունը հայ ժողովրդի նկատմամբ վարում էր նվաճողական քաղաքականություն ու ձգտում էր իր ձեռքում պահել ոչ միայն թուրքերի կողմից նվաճած Արևմտյան Հայաստանը, այլև զավթել Արևելյան Հայաստանի մի զգալի մասը: Դաշնակցական կառավարությունը իր վերջին պատասխանում հայտնում էր, որ ապագա Հայաստանի սահմանները որոշելու են Անտանտայի պետությունները, և որ մինչև այդ հարցի լուծումը նրա զորքերը չեն անցնելու 1914 թ. ռուս-թուրքական սահմանը: Դաշնակցական կառավարությունն իր հերթին, այսպիսով, հայ ժողովրդի նկատմամբ վարում էր կործանարար քաղաքականություն, կապելով նրա բախտը իմպերիալիստական պետությունների հետ, որոնք բոլորովին էլ չէին մտածում նրա մասին:

Հայ ժողովրդի փրկությունը կապված էր Սովետական Ռուսաստանի, ռուս մեծ ժողովրդի օգնության հետ: Իվ Սովետական Ռուսաստանը հայ ժողովրդին առաջարկեց իր օգնությունը: 1920 թ. հուլիսին նա դիմեց դաշնակցական կառավարությանը մի հայտարարությամբ, որի մեջ ասվում էր, որ Սովետական Ռուսաստանի կառավարությունը իր պատրաստակամությունն է հայտնում օժանդակել հայ ժողովրդի բարգավաճման գործին, օգնել նրան ստեղծելու իր հարևանների հետ խաղաղ պայմաններ աշխատանքի համար: Այդ հայտարարության մեջ ասված էր նաև, որ Սովետական Ռուսաստանը մտադիր է հարց հարուցել հայերի վաղեմի և օրինական տերիտորիան՝ Արևմտյան Հայաստանը վերադարձնելու հայ ժողովրդին:²

¹ Թուրքական նոտաները, տես Հայկական ՍՍՌ Պետ. կենտր. Արխիվ, ֆոնդ № 68/200, գործ № 402, թ. թ. 13 և 18:

² Դաշնակցական կառավարության պատասխանները տես նույն ֆոնդի և գործի 16 և 19 թերթերում:

³ Սովետական Ռուսաստանի Արտաքին Գործերի Ժող. կոմ. հայտարարությունը տես Հայկական ՍՍՌ Պետ. կենտր. Արխիվ, ֆ. 68/200, գ. № 769, թ. 261:

Սովետական Ռուսաստանի առաջարկը հայ ժողովրդի համար միակ ընդունելի և ճիշտ ուղին էր։ Անհրաժեշտ էր հրաժարվել իմպերիալիստների կեղծ խոստումներից և ընդունել Սովետական Ռուսաստանի օգնությունը։ Սակայն հանդիսանալով իմպերիալիստական պետությունների անարդ գործակալները՝ դաշնակները ամուր կառչած մնացին այդ պետություններին և մերժեցին Սովետական Ռուսաստանի առաջարկը։

Իմպերիալիստական պետությունների օգնության հույսով դաշնակների սարքած ռազմական գործողությունները Օլթիի շրջանում հնարավորություն տվին քեմալականներին՝ հարձակման անցնել Հայաստանի դեմ։ Քեմալական Թուրքիան վաղուց էր պատրաստվում այդ հարձակման և արդեն կենտրոնացրել էր Հայաստանի սահմաններում բավական թվով զորքեր։ 1920 թ. աշնանը սկսվեց պատերազմ դաշնակցական Հայաստանի և քեմալական Թուրքիայի միջև։ Դաշնակցական կառավարությունը խայտառակորեն պարտվեց։ Անցնելով հարձակման, թուրքական զորքերը սեպտեմբերին գրավեցին Սարիղամիշը, հոկտեմբերի 30-ին՝ Կարսը, իսկ նոյեմբերի 7-ին՝ Ալեքսանդրոպոլը։

Դաշնակցական կառավարության բոլոր դիմումները իմպերիալիստական պետություններին մնացին անհետևանք։

Այսպես, ռազմական գործողությունները սկսվելուց հետո, դաշնակցական կառավարությունը դիմեց Անգլիայի ներկայացուցչին Անդրկովկասում զննապետ Ստոքսին, ինչպես և Ֆրանսիայի ու այլ պետությունների ներկայացուցիչներին։ Սարիղամիշի ուղղությամբ սկսված թուրքական զորքերի առաջացման կապակցությամբ դաշնակցական կառավարության ներկայացուցիչը Վրաստանում 1920 թ. սեպտեմբերի 30-ին լինում է Անդրկովկասում գրտնըվող դաշնակից պետությունների ներկայացուցիչների մոտ և օգնություն խնդրում։ Արդյունքների մասին նույն օրը նա զեկուցում է իր կառավարությանը հետևյալը. «... Ես խնդրեցի նրանց չմերժել անմիջապես իրազեկ դարձնելու իրենց կառավարություններին Հայաստանում ստեղծված դրության մասին և միջոցներ ձեռք առնել հասցնել շուտափույթ օգնություն, որը կարող է կայանալ նախ՝ հնարավոր դեպքերի և ծովային դեմոնստրացիայի մեջ և ապա՝ շտապ կերպով վառելիք հասցնելու մեջ։ Նրանք ինձ լսեցին մեծ ուշադրությամբ, հայտնեցին իրենց համակրության զգացմունքը և խոստացան այս մասին հաղորդել անհետաձգելիորեն իրենց կառավարությանը և խնդրել անհրաժեշտ օգնություն»¹։

Հոկտեմբերի 3-ին զննապետ Ստոքսը գալիս է Երևան։ Խառնիսյանի հետ հանդիպման ժամանակ նա հայտարարում է, որ «... Անգլիան անզոր է ալժմ ռեալ օգնություն հասցնել Հայաստանին։ Ռմբակոծել կամ վերցնել Տրապիզոնը² միտք չունի, որովհետև Անգլիան չի կարող մեծ ուժ հանել տաճկական արմատի՝ երկրի խորքերը շարժելու համար, իսկ միայն քաղաքը և նավահանգիստը գրավելը մեծ օգնություն չի հասցնի Հայաստանին»³։

Կարսի անկումից հետո դաշնակներն անընդհատ օգնություն էին խնդրում Անտանտայի պետություններից։ Սակայն վերջիններից և ոչ մեկը չօգնեց

¹ Հայկական ՍՍՌ Պետ. կենտր. Արխիվ, ֆ. № 68/200, գործ № 867, թ. 6։

² Տրապիզոնի ռմբակոծման և այնտեղ դեմաստ հանելու հարցը դաշնակներն էին բարձրացրել Անգլիայի ու Ֆրանսիայի առջև։

³ Հայկական ՍՍՌ Պետ. կենտր. Արխիվ, նույն ֆոնդ, գ. № 312, թ. 390։

դաշնականների հանցագործ քաղաքականության հետեանքով կատաստրոֆայի առջև կանգնած հայ ժողովրդին:

1920 թ. նոյեմբերի 3-ին դաշնականների վրաստանում գտնվող դիվանագիտական ներկայացուցիչը լինում է Ստոքսի մոտ և հայտնում Կարսի անկման մասին: Հանդիպման արդյունքների մասին նա զեկուցում է իր կառավարությանը հետևյալը. «Ձեր շիֆրով հեռագիրը Կարսի անկման մասին ստացա ամսույս 3-ի երեկոյան. իսկույն տեսակցություն խնդրեցի Ստոքսի հետ և հայտնելով այդ լուրը, հարցրի իրենցից սպասվելիք օգնության մասին: Ինչպես ձեզ հեռագրել էի այդ մասին, նրա պատասխանը շատ սլարզ էր այս անգամ: Նա իսկույն հանեց սեղանի արկղից մի ամբողջ գործ, ցույց տվեց հեռագրերի մի կույտ և ասեց, որ ինքը շարունակ հեռագրում է օգնության մասին և մինչև հիմա ոչ մի պատասխան չի ստացել: Իր կարծիքով դա նշանակում է, որ Եվրոպան... չի ուզում օգնել մեզ»:¹

Նույն պատասխանն է տալիս և Ֆրանսիայի ներկայացուցիչը: «Նույն կարծիքը հայտնեց,— գրում է իր հաղորդման մեջ դաշնականների ներկայացուցիչը,— ինչպես այդ մասին ես ձեզ արգեն գրել էի, և Կորբեյլը իր այցելության ժամանակ»:²

Նոյեմբերի 5-ին դաշնակցական կառավարությունը անմիջապես դիմում է ԱՄՆ-ի նախագահ Վիլսոնին, Անգլիայի, Ֆրանսիայի և Իտալիայի արտաքին գործերի մինիստրներին: Դիմումում ասվում էր. «Ձեր և մեր ընդհանուր թըշնամու դեմ միայնակ պայքարում ընկճված Հայաստանը կորցնելով Կարսը և գտնվելով Ալեքսանդրոպոլի կորցնելու նախօրյակին՝ վերջին անգամ կոչ է անում ձեզ, խնդրելով արագացնել ռեալ օգնությունը— միջամտել զինված կոնֆլիկտին և ստիպել հակառակորդին դադարեցնել ռազմական գործողությունները դիվանագիտական ճանապարհով»:³ Այս դիմումը ևս մյուսների պես մնում է անհետևանք:

Պատերազմի հետևանքով Հայաստանի տնտեսական դրությունը է՛լ ավելի ծանրացավ: Վերցնելով Ալեքսանդրոպոլը, թուրքերն առաջ շարժվեցին դեպի Զաջուռ: Նրանք պատրաստվում էին հարձակվել Երևանի վրա: Գյուղատնտեսական աշխատանքները կանգ էին առել դեռ աշնանից՝ աշխատող ձեռքերը պատերազմի կապակցությամբ բանակ վերցնելու հետևանքով: Ավելի վատ՝ թարացան երկրի բնակչության կյանքի պայմանները, որոնք շատ ծանր էին դեռ մինչև պատերազմը: Երևանում հացի նորման 200 գրամից իջեցվեց 100 գրամի: Պատերազմը վարելու համար դաշնակցական կառավարությունը քամում էր ժողովրդի վերջին միջոցները: Թանկությունը շտեպնված չափերի էր հասել: Երկրի ներսում տիրում էր անարխիա, կողոպուտ և թալան: Դաշնակցական խմբերը թափառում էին գյուղից գյուղ և ահ ու սարսափի մեջ պահելով ժողովրդին՝ կողոպտում նրան: Ահա թե ինչ էր կատարվում էջմիածնի գավառում 1920 թ. նոյեմբերին: «Գավառումս... զինված խմբերի թիվը,— հայտնում էր կառավարության ներքին գործերի մինիստրին էջմիածնի դաշնակցական զեմստվուլի վարչության նախագահը,— օրեցօր ավելանում է...

¹ Հայկական ՍՍԽ Պետ. կենտր. Արխիվ, նույն ֆոնդ, գ. № 867, թ. 10 և 11:

² Նույն տեղում:

³ Հայկական ՍՍԽ Պետ. կենտր. Արխիվ, ֆ. 68, 200, գ. 867, թ. 82:

Այս բոլոր խմբերը պետական գույքով և զենքերով մտնում են ղյուղերը, զոռով բռնադրավում են տները, դուրս վռնդում դյուղացիներին, խլում նրանց գույքերը. ահ ու սարսափը ամենուրեք է։ Այս դրույթունը երկար չի կարող շարունակվել։ Ժողովուրդը զգված այս ամենից՝ պետական ամեն տեսակի օժանդակությունից և զոհաբերությունից հրաժարվում է։ Պետական ամբարը բոլորովին դատարկ է։ Ժողովրդից նման պայմաններում հաց դանձել անհնարին է»¹

Պատերազմը և նրա հետևանքները մի անգամ ևս ակնառու կերպով ցույց տվին, որ դաշնակցական կառավարությունը ի վիճակի չի պաշտպանելու երկիրը, փրկելու ժողովրդին ոչնչացումից։ Այժմ ժողովրդական ամենալայն մասսաների համար պարզ էր, որ դաշնականների վարած հանցադործ քաղաքականության հետևանքով կործանման եզրին կանգնած ժողովրդի փրկությունը միայն և միայն սովետական կարգերի հաստատման մեջ է կայանում։ Շամշադինից 1920 թ. հոկտեմբերին ուղարկված մի թղթակցությունում, որը արտահայտում էր շրջանի գյուղացիների տրամադրությունը, ասվում էր, որ «Պետք է հավաքենք մեր ուժերը և նորից ընդհարվենք ավազակ կառավարության (դաշնակցական կառավարության — Ն. Կ.) հետ՝ վերջնականապես տապալելու նրան»։ Նույն տեղից դարձյալ հոկտեմբերին ուղարկված մի ուրիշ թղթակցությունում ասվում էր, որ «Ժողովուրդը կանչում է միաբերան, հրե է հաստատվելու մեր երկրում սովետական իշխանություն, երբ է պարմիր Բանակը մեզ օգնության դալու»։

Հոկտեմբերյան Սոցիալիստական Մեծ Ռեվոլյուցիայի հաղթանակը Անդրրկովկասում ապահովելու և Ադրբեջանում սովետական իշխանությունը ամրապնդելու համար ընկեր Ստալինը 1920 թ. նոյեմբերին ժամանում է Բաքու։ Ընկեր Ստալինի ժամանումը Բաքու մեծ ոգևորություն և ռեվոլյուցիոն վերելք առաջացրեց Անդրկովկասի բոլոր աշխատավորների մեջ։ Ընկեր Ստալինի Բաքու գալու կապակցությամբ Ադրբեջանի կոմ. Պարտիայի կենտրոնական կոմիտեն պարտիայի անդամներին, Բաքվի բանվորներին և Ադրբեջանի աշխատավորներին ուղղեց մի դիմում, որը արտահայտում էր Անդրկովկասի բոլոր ժողովուրդների ցանկություններն ու զգացումները։

«Մեզ մոտ, Բաքու է ժամանել, — ասվում էր դիմումում. — ընկեր Ստալինը, — բացառիկ անձնուրացության, եռանդի ու տոկունության բանվորական առաջնորդը, ռեվոլյուցիոն տակտիկայի միակ փորձված և բոլորի կողմից ճանաչված գիտակը և պրոլետարական ռեվոլյուցիայի առաջնորդը կովկասում և Արևելքում»։

Ադրբեջանի կոմունիստական Պարտիայի կենտրոնական կոմիտեն, գիտենալով ընկեր Ստալինի համեստությունը և դժկամությունը պաշտոնական հանդիսավոր ընդունելությունների նկատմամբ, ստիպված էր հրաժարվել նրա ժամանելու հետ կապված հատուկ ժողովներից։

Այ(բ)Պ կենտրոնական կոմիտեն գտնում է, որ լավագույն ուղղությամբ, լավագույն դիմավորումը, որ մեր պարտիան, Բաքվի պրոլետարները և Ադրբե-

¹ Հայկական ՍՍՌ Պետ. կենտր. Արխիվ, ֆ. № 82/214, գ. 51, ք. 760։

² «Կոմունիստ», № 119, 11 հոկտեմբերի 1920 թ.։

³ «Կոմունիստ», № 129, 22 հոկտեմբերի 1920 թ.։

ջանի աշխատավորները կարող են ցույց տալ մեր թանկագին առաջնորդին և ուսուցչին, կլինի բոլոր ուժերի նորանոր լարումը՝ պարտիական ու սովետական աշխատանքը րստամենայնի ամրապնդելու համար:

Բոլորը դեպի միահամուռ, մարտական աշխատանք, որն արժանի լինի պրոլետարական կոփված մարտիկ ընկեր Ստալինին՝ Բաքվի պրոլետարական առաջին կազմակերպչին և առաջնորդին¹:

Մոտիկից ծանոթանալով Անդրկովկասում և Հայաստանում ստեղծված դրուժյան հետ, ընկեր Ստալինը ղեկավար ցուցումներ է տալիս Անդրկովկասի և Հայաստանի բոլշևիկներին՝ ձեռք առնել բոլոր միջոցները ազատագրելու Հայաստանի աշխատավորներին իմպերիալիստական պետությունների լծից, տապալելու նրանց գործակալների՝ դաշնակների կառավարությունը, փրկելու հայ ժողովրդին թուրքական օկուպանտների կողմից սպառնացող ֆիզիկական ոչնչացումից: Խոսելով 1920 թ. նոյեմբերի վերջերին Հայաստանում ստեղծված դրուժյան մասին, հայ ժողովրդի մեծ ազատարար ընկեր Ստալինը գրում է. «Հազիվ թե կարելի է կասկածել, որ Հայաստանն այլևս փրկության ոչ մի հնարավորություն չունի, բացի մեկից՝ դաշինքից Սովետական Ռուսաստանի հետ»:

Ինչպես մենք այդ ասացինք իր տեղում, Հայաստանի աշխատավորները ուժեղացրին իրենց պայքարը բոլշևիկների ղեկավարությամբ դաշնակցական, կառավարության դեմ Մայիսյան ապստամբությունից հետո: Հոկտեմբերին Հայաստանի բոլշևիկների պարտիայի Կենտրոնական Կոմիտեն դիմեց Հայաստանի աշխատավորներին մի կոչով: Կոչը վերջանում էր հետևյալ խոսքերով. «Մենք դիմում ենք Հայաստանի բանվորա-գյուղացիական մասսաներին, նրանց ռևոլյուցիոն կորովին ու դասակարգային գիտակցության՝ կազմակերպվելու կոմունիստական պարտիայի դրոշի շուրջը, հավաքելու ցրված ռևոլյուցիոն ուժերը, որպեսզի ձեռք-ձեռքի տված Սովետական Ռուսաստանի պրոլետարիատի հետ միահամուռ ուժերով խորտակենք միջազգային իմպերիալիզմի հայկական-դաշնակցական հատվածի լուծը, նորից բարձրացնենք կոմունիզմի դրոշակը Հայաստանում»²:

Ղեկավարվելով ընկեր Ստալինի ցուցումներով, Հայաստանի՝ աշխատավորները բոլշևիկյան կազմակերպությունների ղեկավարությամբ էլ ավելի են ուժեղացնում իրենց պայքարը դաշնակների ատելի լծի դեմ: Նրկաթուղու, որը գտնվում էր դաշնակցական կառավարության հատուկ հսկողության տակ, բանվորները կազմակերպում են հակակառավարական նյութեր: Բոլշևիկներն ակտիվ աշխատանք են ծավալում գյուղացիության մեջ, կազմակերպելով նրանց պայքարը դաշնակցական կառավարության դեմ: Նոր-Բայազետից հայտնում էին դաշնակցական կառավարությանը, որ բոլշևիկները եռուն աշխատանք են ծավալել գավառում և եթե այդպես շարունակվի, ապա գավառը պիտի կորած համարել կառավարության համար: Զանգեզուրի աշխատավորները հոկտեմբեր և նոյեմբեր ամիսներին 11-րդ բանակի զորամասերի օգնությամբ ուժեղացնում են իրենց պայքարը դաշնակ-խմբապետական բան-դաների դեմ: 1920 թվի հոկտեմբերի վերջերին Գորիսից, ուր հայտարարված

¹ Մ. Դ. Բ ա դ ի Ր ո Վ, Բաքվի և Ադրբեջանի բոլշևիկյան կազմակերպության պատմությունից, Նրեան, 1944 թ., էջ 213:

² Ի. Ս տ ա լ ի ն, Նրկեր, հ. 4, էջ 455:

³ «Կոմունիստ», № 117, 8 հոկտեմբերի, 1920 թ.:

էր սովետական իշխանութիւն, ուղարկված մի թղթակցութիւն պատմում է աշխատավորների այդ պայքարի մասին: «Հոկտեմբերի 23-ին Աղատութեան հրապարակի վրա, — ասվում է թղթակցութիւնում, — բրիգադայի (11-րդ բանակի բրիգադայի — Հ. Է.) հրամանատարն ընդունեց Զանգեզուրի կոմունիստական զորախումբը: Զորախումբը բաղկացած էր 200 հոգուց, որոնցից շատերը կոմունիստներ են, իսկ մնացածները համակրողներ:

Երեկոյան կազմակերպվեց միտինգ-ներկայացում, որը շափից դուրս աշխույժ անցավ: Խոսող ընկերների ճառերն ընդունվում էին «Կորչեն դաշնակները», «Կեցցե սովետական իշխանութիւնը», «Կեցցե կոմունիստական պարտիան» բացականչութիւններով: Ներկայացումից հետո, կոմունիստական ջոկատը ճամբա ընկավ կովելու Նժդէհի դեմ»¹

Ժողովրդական ապստամբութիւնը ճնշելու համար դաշնակցական կառավարութիւնը դիմում է արտակարգ միջոցառումների՝ հիմնում է զինվորական դատարաններ, բանտարկում և գնդակահարում է բոլշևիկներին, կոնտրոլուցիոն տարրերից խմբեր է կազմակերպում և այլն: Սակայն այդ բոլորը չէին կարող օգնել դաշնակներին: Նրանց օրերը հաշվված էին:

1920 թվի նոյեմբերի 29-ի առավոտյան Հայաստանի հյուսիսային շրջանների՝ Քարվանսարայի աշխատավորները բոլշևիկյան պարտիայի ղեկավարութեամբ ապստամբում են դաշնակցական կառավարութեան դեմ: Վերջինը զորքեր է ուղարկում ապստամբների դեմ, սակայն այդ զորքերը միանում են ապստամբած իրենց լեզբայրներին և իրենց զենքն ուղղում դաշնակցական կառավարութեան դեմ: Նոյեմբերի 29-ին ապստամբները Քարվանսարայում կազմակերպում են Հայաստանի Ռազմա-ռեւոլուցիոն Կոմիտե, որը Հայաստանը հայտարարում է Սովետական Սոցիալիստական Ռեսպուբլիկա: Հայաստանի Ռազմա-ռեւոլուցիոն Կոմիտեի հրապարակած ղեկարացիայում ասվում էր. «Հայաստանի ապստամբ աշխատավոր ժողովրդի կամքով ու ցանկութեամբ՝ Հայաստանի Կոմունիստական (բոլշևիկների) Պարտիան այսօրվանից Հայաստանը հայտարարում է Սոցիալիստական Սովետական Ռեսպուբլիկա: Այսօրվանից Սովետական Հայաստանի կարմիր դրոշակը պաշտպանելու է նրա աշխատավոր ժողովրդին ճնշողների դարավոր լծից»:

Հայաստանի Ռազմա-ռեւոլուցիոն Կոմիտեն Հայաստանի բանվորների և զյուղացիների անունից դիմում է Սովետական Ռուսաստանի կառավարութեան ղեկավար Լենինին ու խնդրում, որ Սովետական Ռուսաստանը օգնութեան գտնանց: Դիմումում ասվում էր, որ «Ռոզ հայտնի լինի համաշխարհային ռեւոլուցիայի առաջնորդին, որ Դիլիջանի և Քարվանսարայի շրջանների գյուղացիները, վրդովված դաշնակցական կառավարութեան հանցագործ բաղաքականութեամբ և երկրում խորացող անարխիստյով, ապստամբութեան գրոշ են բարձրացրել...»

Դիլիջանը մեր ձեռքին է:

Ոգևորված ապստամբները առաջ են սլանում՝ վերջնականապէս խորտակելու Անտանտայի ատելի գործակալին:

Կատարելով նրանց կամքը և տեղական Ռեկոմ կազմելով, մենք առաջ ենք շարժվում, հավատացած լինելով, որ Արեւելքի ճնշված ժողովուրդների ա-

¹ «Կոմունիստ», № 12, 7 նոյեմբերի, 1920 թ.:

զատարար սոցիալիստական մեծ Ռուսաստանի հերոսական Կարմիր Բանակը մեր այս դժվարին պայքարում մեզ օգնության կհասնի:

Հայաստանի բոլոր բանվորների ու գյուղացիների կողմից մենք խընդրում ենք Սովնարկոմին այդ օգնությունը ցույց տալ մեզ»:¹

Հայ ժողովրդի մեծ ազատարարներ, Հայաստանում սովետական իշխանության հաղթանակի կազմակերպիչներ Լենինի ու Ստալինի ցուցումներով Ադրբեջանում գտնվող Սովետական Ռուսաստանի 11-րդ բանակի զորամասերը ընկ. ընկ. Սրջինիկիձեի և Ս. Կիրովի գլխավորությամբ օգնության են հասնում Հայաստանի ապստամբ բանվորներին և գյուղացիներին: Այդ զորամասերի շարքումն էին գտնվում նաև Շամշադինի և Իչևանի շրջանների Մայիսյան ապստամբության մասնակից գյուղացիները, որոնք ապստամբության ճնշումից հետո անցել էին Սովետական Ադրբեջան:

Ստանալով օգնությունը, ապստամբները 1920 թ. դեկտեմբերի 2-ին մտնում են Նրևան: Ճանապարհին բանկչությունը նրանց և 11-րդ բանակի զորամասերին դիմավորում է մեծ խանդավառությամբ: Այսպիսով, Հայաստանի բանվորների ու գյուղացիների պայքարը սովետական իշխանության հաստատման համար հայ ժողովրդի ավագ՝ եղբայր ռուս մեծ ժողովրդի օգնությամբ պսակվում է լիակատար հաղթանակով, որը Հոկտեմբերյան Սոցիալիստական Մեծ Ռևոլյուցիայի հաղթանակն էր Հայաստանում:

Բոլշևիկյան մեծ պարտիայի առաջնորդներ Լենինն ու Ստալինը ջերմորեն ողջունեցին Հայաստանի աշխատավորներին նրանց հաղթանակի առթիվ: Ռազմա-ռևոլյուցիոն Կոմիտեին ուղարկած հեռագրում Լենինը գրում էր. «Ողջունում եմ իմպերիալիզմի լծից ազատագրված աշխատավորական Սովետական Հայաստանին», իսկ ընկեր Ստալինն իր «Լեցցե Սովետական Հայաստանը» հոդվածում գրում է. «Տանջված ու բաղձաշարժար, Անտանտայի ու դաշնակների ողորմածությամբ սովի, քայքայման ու դաղթի մատնված Հայաստանը. — բոլոր «բարեկամների» կողմից խաբված այդ Հայաստանը, այժմ իր փրկությունը գտավ այն բանի մեջ որ իրեն-հայտարարեց սովետական երկիր»:²

Հանդես գալով 1920 թ. դեկտեմբերին Սովետների Համառուսական 8-րդ համագումարում ժողովրդական Կոմիսարների Սովետի հաշվետու զեկուցումով, Լենինը նշեց Հոկտեմբերյան ռևոլյուցիայի հաղթանակը Ադրբեջանում, Հայաստանում և Բուխարայում: Նա հայտարարեց. «Ես պետք է նաև նշեմ, ընկերներ, որ Արևելքում մեր քաղաքականությունն այս տարվա ընթացքում խոշոր հաջողություններ ունեցավ: Մենք պետք է ողջունենք Բուխարայի, Ադրբեջանի և Հայաստանի Սովետական ռեսպուբլիկաների կազմվելը և ամրապնդվելը, որոնք վերականգնեցին ոչ միայն իրենց լիակատար անկախությունը, այլև իշխանությունն առան բանվորների ու գյուղացիների ձեռքի: Այդ ռեսպուբլիկաները ապացույց ու հաստատումն են այն բանի, որ Սովետական իշխանության գաղափարներն ու սկզբունքները մատչելի են և անմիջապես իրագործելի են ոչ միայն այն երկրներում, որոնք արդյունաբերության տեսակետից զարգացած են, ոչ միայն սոցիալական այնպիսի հենարան ունեցող երկրներում, ինչպիսին պրուետարիատն է, այլև այնպիսի հիմք ունեցող երկրներում, ինչպիսին գյուղացիությունն է: Գյուղացիական սո-

¹ «Կոմունիստ», № 162, 1 դեկտեմբերի, 1930 թ.

² Ի. Ստալին, Նրկեր, հատոր 4-րդ, էջ 458:

վետների գաղափարը հաղթանակեց: Իշխանությունը գյուղացիների ձեռքում ապահովված է. նրանց ձեռքումն են հողը, արտադրության միջոցները: Գյուղացիական-սովետական ռեսպուբլիկաների բարեկամական հարաբերությունները Ռուսաստանի սոցիալիստական ռեսպուբլիկայի հետ արդեն ամրապնդված են մեր քաղաքականության գործնական հետևանքներով»¹

Հայաստանի բոլոր աշխատավորները մեծ խանգավառությամբ ողջունեցին սովետական իշխանության հաղթանակը երկրում: Հայաստանի բոլոր վայրերում տեղի ունեցած միտինգներում և ժողովներում ժողովրդական լայն մասսաներն իրենց ուրախությունն էին հայտնում և խոսք տալիս շխնայել իրենց կյանքը սովետական իշխանության համար, իրենց ջանքերը՝ երկրի վերաշինման համար:

Սովետական իշխանության հաղթանակը Հայաստանում ջերմորեն ողջունեցին սովետական Ադրբեջանի աշխատավորները, որոնք Սովետական Ռուսաստանի աշխատավորների հետ միասին անմիջապես օգնության եկան Սովետական Հայաստանին: Սովետական իշխանության հաղթանակը ողջունեցին նաև Հյուսիսային Կովկասի ժողովուրդները: Վլադիկավկազում այդ առթիվ տեղի ունեցավ հանդիսավոր նիստ: Նիստում ընկեր Ս. Կիրովը հանդես եկավ զեկուցումով սովետական կարգերի հաստատման մասին Հայաստանում: Հանդիսավոր նիստը որոշեց ողջունել Հայաստանի աշխատավորների հաղթանակը:

Սովետական իշխանության հաստատմամբ նոր, լուսավոր դարաշրջան սկսվեց հայ ժողովրդի պատմության մեջ: Հոկտեմբերյան Սոցիալիստական Մեծ Ռևոլյուցիան, սովետական իշխանությունը փրկեցին հայ ժողովրդին նրան սպառնացող կործանումից, տվին նրան սոցիալական ազատագրություն և իսկական ազատություն: «Միայն Սովետական իշխանության գաղափարը, — գրում է ընկեր Ստալինը, — Հայաստանին բերեց խաղաղություն և ազգային վերածննդի հնարավորություն»:

Հայ ժողովուրդը կանգնելով Լենինի-Ստալինի մեծ դրոշի տակ՝ սովետական բոլոր ժողովուրդների հետ միասին բռնեց զարգացման լուսավոր ուղին, շահագործումից և օտարի ճնշումից ազատ ուղին:

Դաշնակները իրենց տիրապետությունը Հայաստանում շարունակելու նպատակով 1920 թ. դեկտեմբերի 2-ին Ալեքսանդրոպոլում Անգորայի կառավարության հետ ապօրինի կերպով կնքեցին Հայաստանը անդամահատող և ստրկացնող հաշտության պայմանագիր: Այդ խայտառակ պայմանագրով հայ ժողովրդի ոխերիմ թշնամիներ դաշնակները Հայաստանը փաստորեն դնում էին Ռուսթիայի լծի տակ, փոխարենը ստանալով նրա խոստումը օգնել դաշնակներին տապալելու սովետական իշխանությունը Հայաստանում: Ալեքսանդրոպոլում դաշնակները հրապարակորեն հրաժարվեցին Սևրի պայմանագրից: Հրաժարմանը նրանք այնպիսի ձև տվին, որ շտեմսված հեզմանք էր հայ ժողովրդի հասցեին: Այն ժամանակ, երբ քեմալականները ոչնչացնում էին հայերին, որպեսզի նրանք ոուս մեծ ժողովրդի օգնությամբ չկարողանան ստեղծել իրենց պետականությունը, ապրել ազատ, դաշնակները բռնակցությունների առաջին նիստում լկտիաբար հայտարարեցին, թե քանի որ քեմա-

¹ Լենին, Երկեր, XXVI հատոր, էջ 37:

² Ի. Ստալին, Երկեր, հատոր 4, էջ 458:

լական Թուրքիան «... պատրաստակամություն է ցույց տալիս իրական ապահովություն տալ Հայաստանի բարգավաճմանը և տնտեսական զարգացմանը»,¹ ապա նրանք հրաժարվում են Սևրի պայմանագրից:

Ալեքսանդրոպոլի պայմանագրով Հայաստանի տերիտորիան հավասարվում էր 1918 թ. Բաթումի կոնվենցիայով նախատեսված տերիտորիային, Հայաստանը զինաթափվում էր և զրկվում բանակ ունենալու իրավունքից. նա զենքի տակ կարող էր պահել միմիայն 1500 զինվոր, 8 թնդանոթներով և 24 գնդացիներով. Թուրքիային իրավունք էր վերապահվում իր ներկայացուցիչների միջոցով հսկողություն սահմանել այդ պահանջի կատարման վրա: Պայմանագիրը իրավունք էր տալիս Թուրքիային ռազմական գործողություններ վարել Հայաստանի տերիտորիայում, եթե նա այդ անհրաժեշտ կգտներ իր անվտանգության տեսակետից և նախատեսնում էր Թուրքիայի օգնությունը դաշնակներին՝ ճնշելու ռևոլուցիոն շարժումը երկրում ու կռվելու Սովետական Ռուսաստանի դեմ: Սողալով թուրքական իմպերիալիստների դաշնակները նրանց սվինների օգնությամբ ցանկանում էին վերականգնել իրենց արյունոտ տիրապետությունը Հայաստանում:

Սովետական Հայաստանի կառավարությունը Սովետական Ռուսաստանի օգնությամբ չեղյալ հայտարարեց Հայաստանը ստրկացնող այդ պայմանագիրը:

Հայ ժողովրդի նկատմամբ քեմալականների վարած քաղաքականությունը ոչնչով չէր տարբերվում սուլթանների և երիտասարդ թուրքերի վարած ջարդարար քաղաքականությունից: Եթե առաջին համաշխարհային պատերազմի տարիներին երիտասարդ թուրքերի կառավարությունը կատարեց հրեշավոր ոճրագործություն՝ ոչնչացրեց իր հայրենիքում՝ Արևմտյան Հայաստանում ապրող հայերի մեծագույն մասը, ապա նույն քաղաքականությունն էին վարում և քեմալականները Արևելյան Հայաստանի օկուպացված վայրերում 1920 թվի վերջերին և 1921-ի սկզբներին: Թուրքական բանակի կողմից դրավված Կարսի մարզի և Ալեքսանդրոպոլի գավառի հայ բնակչության այն մասը, որը չկարողացավ փախչել, վայրագաբար կոտորվում էր քեմալականների կողմից: Պատկերացնելու համար թե ինչ էր կատարվում այդ վայրերում՝ բազմաթիվ փաստաթղթերից բերենք մի քանիսը: Մեկը՝ Ալեքսանդրոպոլի գավառի երկրորդ շրջանի կոմիսարի զեկուցագիրն է, ուղղված 1921 թ. հունվարի 1-ին Հայաստանի Ռազմա-ռևոլուցիոն Կոմիտեին՝ շրջանում տեղի ունեցած դեպքերի մասին, երկրորդը՝ Հայաստանում աշխատող ամերիկյան քաղաքացի Զարլզ Փ. Գրանտի ցուցմունքն է իր տեսածի մասին Ջաջուռի գյուղերում, երրորդը՝ ռումինական քաղաքացի Զ. Իոնեսկուի ցուցմունքն է Կարսի դեպքերի մասին:

Ալեքսանդրոպոլի գավառի երկրորդ շրջանի կոմիսարը Հայաստանի Ռազմա-ռևոլուցիոն Կոմիտեին հայտնում էր շրջանի Քավթաուլու գյուղում թուրքերի կողմից կատարված սպանությունների մասին: 1920 թ. դեկտեմբերի 26-ին գյուղն է մտնում թուրքական զորքերի մի ջոկատ: Զոկատը գյուղում տեղափոխելու համար թուրքերը աշխատանքի են հանում մի խումբ գյուղացի-

¹ Հայկական ՍՍՌ Պետ. կենտր. Արխիվ, ֆ. № 68/200, գ. № 866, թ. 64:

² Ալեքսանդրոպոլի պայմանագիրը տես Հայկական ՍՍՌ Պետ. կենտր. Արխիվ, ֆ. № 40/113, գ. № 7 (ամբողջ գործը):

ների, որոնց թվում լինում են և ինն կոմունիստներ։ Աշխատանքը վերջանալուց հետո պարզվում է, որ կոմունիստները անհայտացել են։ Շրջանի կոմիսարը հետաքննություն է կատարում ու պարզում, որ կոմունիստներին սպանել են թուրքական զինվորները և դիակները Քավթաուլու գյուղի մի բնակչի սայլով գյուղից տարել են դուրս թաղելու համար և որպեսզի թաքցնեն կատարված ոճրագործության հետքերը, վերադարձին նրանք սպանում են նաև սայլի տիրոջը։ «Ինչպես այդ իմ կողմից բազմիցս հաստատված է,— հայտնում էր շրջանի կոմիսարը,— թուրք զինվորները խիստ կարգապահության հետևանքով ոչինչ չեն անում առանց հրամանատարական կազմի գիտության և այստեղից կարելի է եզրակացնել, որ մեր կոմունիստ ընկերները ամենավայրագ կերպով սպանվել են թուրքական հրամանատարական կազմի գիտությամբ»¹։

Չարլզ Ֆ. Գրանտը իր ցուցմունքներում պատմում է, որ լսելով այն մասին, թե թուրքական զորքերից քիչ առաջ ազատագրված Աղբուլաղի շրջանում հայտնաբերվել են բազմաթիվ սպանված հայ գյուղացիների դիակներ, 1921 թվի մայիսին գնում է այնտեղ՝ տեղում ստուգելու իր լսածը։ Եվ իրոք, նա այնտեղ տեսնում է վայրագաբար սպանված հայ գյուղացիների բազմաթիվ դիակներ։ «Թուրքական մակագրությունները պարկուճների վրա,— հաղորդում է Չարլզ Ֆ. Գրանտը,— և կիսալուսնով ու աստղով մի քանի գրեղակի փաթաթաններ կասկած չէին թողնում թե ովքեր են եղել սպանվողները...

Կոտորածի վայրում ընկած պարկուճների ուղիղ, հավասար շարքը պարզ ցույց էր տալիս, որ տեղի ունեցած այդ դեպքը կատարվել է մտրված և կանոնավոր կերպով ղեկավարված զորքերի ջոկատի կողմից»²։

Ռումինական քաղաքացի Վ. Իոնեսկուն, որը չէր կարողացել հեռանալ Կարսից թուրքերի կողմից այն գրավելուց հետո, պատմում է, որ «... Կարսում նա թուրքական բժիշկ Նուրի-բեյից իմացել է, որ քաղաքում սպանվել է 8 հազար հայ»։ Սակայն Վ. Իոնեսկուի կարծիքով «սպանվածների թիվը 10—12 հազարից պակաս չպիտի լիներ. դեռ մեկ ամիս հետո քաղաքի շրջակայքում կարելի էր հանդիպել բազմաթիվ դիակների»³։

Ոչ լրիվ տվյալներով քեմալականներն սպանել էին մոտ 30 հազար տղամարդ, 30 հազար կին և երեխա. բացի այդ, սովից մեռածների թիվը հասնում էր 32 հազարի։ Այդ վայրերից թուրքերը աշխատանքի էին քշել էրզրումի ուղղությամբ մոտ 15 հազար մարդ, որոնց մեծ մասը չվերադարձավ տուն։ Պետական և մասնավոր գույքի հափշտակումը շտեմանված չափերի էր հասել և կրում էր սխտեմատիկ բնույթ։ Տանում էին ամեն ինչ՝ սկսած պատուհանների, դռների շրջանակներից մինչև շոգեքարշերը, վագոնները, գյուղատնտեսական գործիքները։ Ալեքսանդրոպոլում ցերեկով օկուպանտների սայլը կանգնում էր այս կամ այն տան առջև, թուրք զինվորները մտնում էին ներս և հանում իրենց ցանկացած իրերը։ Կարսի մարզից և Ալեքսանդրոպոլի գավառից թուրքերը տարել էին մոտ 298 հազար պլուխ անասուն, մեծ քանակությամբ հացահատիկ և այլն։ Այս բոլորը դեռ քիչ էր թվում օկուպանտներ-

¹ Հայկական ՍՍՌ Պետ. կենտր. Արխիվ, ֆ. 4/114, գ. 217, թ. 81։

² Հայկական ՍՍՌ Պետ. կենտր. Արխիվ, ֆ. 4/114, գ. 230, թ. 8։

³ Նույն ֆոնդ, գ. № 229, թ. 34։

րին: Երբ նրանք ստիպված եղան 11-րդ բանակի հրամանատարության կրտսերով պահանջելով թողնել Ալեքսանդրոպոլիս, թուրքական հրամանատարությունը լկտիարար սպանաց հայերին նոր արշավով: Թուրքական հրամանատարության ներկայացուցիչ Քյազիմ-բեյը քաղաքի ներկայացուցիչների հետ վերջին անգամ հանդիպման ժամանակ հայտարարեց. «Այնքան զենամեք, կարմիրները գալիս են... Եթե մենք մի անգամ էլ գանձ՝ քարը-քարի վրա չենք թողնելու Ալեքսանդրոպոլիս, երեխաներն անգամ չեն խնայվի, բոլորին կկոտորենք: Այն, ինչ արինք այս անգամ՝ դեռ բախտավորություն էր. զգուշացե՛ք մեր երրորդ անգամ այստեղ գալուց»¹:

Հայաստանի Ռազմա-ռեուցիոն Կոմիտեն անմիջապես մի շարք միջոցառումների դիմեց՝ դադարեցնելու համար թուրքերի վայրագությունները: Եր 1921 թ. հունվարի 7-ի և 18-ի նոտաներում, ուղղված քեմալական կառավարության, նա պահանջեց վերջ տալ կոտորածներին և ժողովրդի գույքի հափրչտակմանը:

Այսպիսի բացառիկ ծանր պայմաններում Հայաստանում հաղթանակած երիտասարդ սովետական իշխանությունը Սովետական Ռուսաստանի օգնությամբ, Լենինի և Ստալինի ցուցումներով ձեռնամուխ եղավ նոր, սոցիալիստական կարգերի կառուցման մեծ գործին:

А. Эльчибекян

Победа советской власти в Армении

Резюме

Большая Октябрьская социалистическая революция впервые в мире создала мощную социалистическую державу—Союз Советских Социалистических Республик, одним из равноправных членов которого является Советская Армения, детище Октябрьской революции. Публикуемая статья вкратце излагает историю борьбы рабочих и крестьян Армении за победу советской власти.

Рабочие и крестьяне Закавказья восторженно встретили Великую Октябрьскую социалистическую революцию и под руководством большевиков поднялись на борьбу против создавшейся в Закавказье антисоветской коалиции в лице так называемого Закавказского комиссариата, сейма, за победу советской власти.

«Волна советской революции,—пишет товарищ Сталин,—идушей с севера, бесцеремонно вторглась в царство закавказской коалиции, угрожая его существованию» (И. В. Сталин, Соч., т. 4, стр. 59).

В авангарде этой борьбы шел героический бакинский пролетариат, руководимый славными сынами партии Ленина—Сталина С. Шаумяном, А. Джапаридзе, И. Фиолетовым, М. Азизбековым, А. Микояном и други-

¹ Հայկական ՍՍՌ Պետ. կենտր. Արխիվ, ֆ. № 12/114, դ. № 172, թ. 7:

² Նոտաները տես Հայկական ՍՍՌ Պետ. կենտր. Արխիվ, ֆ. 4/114, դ. № 9, թ. 14—15 և դ. № 318, թ. 69—70:

ми. Установив в Баку советскую власть, трудящиеся Азербайджана высоко подняли знамя борьбы за победу Советов во всем Закавказье.

На борьбу за победу советской власти после Великой Октябрьской социалистической революции поднялись также рабочие и крестьяне Армении. На многочисленных митингах и собраниях они приветствовали Октябрьскую революцию и выражали свою готовность бороться за ее победу в Закавказье и Армении. Большую революционную работу вели большевики среди войск Кавказского фронта, расположенных в Сарыкамыше, Карсе и Александрополе.

В конце октября 1917 г. Александропольский (ныне Ленинакан) Совет рабочих и солдатских депутатов по предложению большевиков, несмотря на яростное сопротивление эсэров, дашнаков и меньшевиков, выносит решение о переизбрании Совета, поскольку он больше не отражал настроения революционных рабочих и солдат; по предложению большевиков Совет выносит также решение об участии на созываемом втором Всероссийском съезде Советов.

Пользуясь временными трудностями Советской России, германо-турецкие захватчики в 1918 г. вторглись в Закавказье. Трудящиеся Закавказья оказали героическое сопротивление захватчикам. Германо-турецким империалистам удалось поставить у власти свою агентуру—дашнаков в Армении, меньшевиков в Грузии, муссаватистов в Азербайджане.

После поражения германской коалиции в первой империалистической войне Закавказье оккупировали англо-американские империалисты, превратившие его в плацдарм для борьбы против Советской России. При помощи дашнаков, меньшевиков и муссаватистов, перешедших теперь на службу к англо-американским империалистам и ставших их послушной агентурой, англо-американские империалисты пытались оторвать Закавказье от Советской России и захватить его.

Кровавое господство дашнаков является одной из самых мрачных страниц истории армянского народа. Злейшие враги армянского народа, презренные наемники англо-американских империалистов довели до полной катастрофы хозяйство страны, а народ—до грани гибели.

Трудящиеся Армении под руководством большевиков продолжали свою борьбу против ненавистного ига дашнаков и их империалистических хозяев за победу советской власти. Самой славной страницей этой борьбы является героическое Майское восстание 1920 года.

Осенью 1920 г. началась война между кемалистами и дашнаками. Значительная часть Восточной Армении—Карс, Сарыкамыш и др. районы были захвачены турецкими войсками. Продолжая политику физического уничтожения армян, кемалисты истребляли армянское население захваченных районов и грабили его имущество. События 1920 г. еще раз наглядно показали самым широким народным массам, что спасение армянского народа заключается в скорейшем свержении ига дашнаков и империалистов.

Под руководством большевистской партии трудящиеся Армении 29 ноября 1920 г. восстали против дашнаков. Восставшие обратились за

помощью к Советской России. По указанию освободителей армянского народа—Ленина и Сталина славная XI армия, находившаяся в Советском Азербайджане, пришла им на помощь и помогла трудящимся Армении свергнуть иго дашнаков и имперналистов и установить советскую власть.

Победа советской власти в Армении открыла новую страницу в истории армянского народа. Освободитель армянского народа великий Сталин, приветствуя победу рабочих и крестьян Армении, писал: «Только идея Советской власти принесла Армении мир и возможность национального обновления» (И. В. Сталин, Соч., т. 4, стр. 413).